

انفینیتی

عمر عاشور

إنفينيتى

عمر عاشور

تدقيق لغوي : د/ محمود عوض الله

تصميم الغلاف : عبير محمد

رقم ايداع: 2016/22357

ترقيم دولي: 978-977-85305-6-8

دار فصلة للنشر والتوزيع

العزيزيه - منيا القمح - مصر

٠١٠٦٧٠٠٠٧٠١

fasla,pub@gmail.com

FB .Com/Fasla .Pub



فصلة

للنشر والتوزيع
Fasla Publishing & Distribution

جميع حقوق الطبع والنشر محفوظة

الطبعة الأولى نوفمبر ٢٠١٦

الطبعة الخامسة يناير ٢٠١٨



فصلة
للنشر والتوزيع
Fasla Publishing & Distribution

جميع حقوق النشر محفوظة لدار فصلة للنشر و التوزيع
إن أي تصوير أو اعادة طباعه أو نشر بشكل ورقي أو الكتروني
أو ترجمته أو تسجيله صوتيا بدون إذن كتابي مسبق من الدار
يعرض صاحبه للمسائله القانونيه

إنفينيتي

حتي تصل الي اللآ نهآيه

عمر عاشور



فصلة

للنشر و التوزيع

Fasla Publishing & Distribution

ستجدنى فى المكان الأكثر إزدحاماً
بالعالم
-بين القلب و العقل-

إهداء

إلى أمى الإنسانية التى طالما شجعتنى و لم تمّل أبدا من قراءه كل جزء جديد أنتهى منه .

إلى أعز أصدقائى .. الذين لم يبخلوا علىّ بالرأى الذى لولاه لما ظهرت رواية إنفينيتى
و إهداء خاص لكل من ألهمنى لكتابه أى سطر داخل الروايه

و أخيرا و ليس أخرا إلى كل القراء .. أتمنى ان يكون العمل عند حسن الظن .

إلى كل من كانت ظروفه حاجزاً لأكبر أعلامه
و كانت كذبة حلم لكل أيامه

جميع الأحداث مستوحاة من قصة حقيقية

بداية

لكل من مر بتجربة فاشلة خاصة إن كانت تجربة حب و ما تلاها من درجات العشق المختلفة , لكل من كانت الظروف أكبر أعدائه , أحببت في روايتي أن أناقش واحدة تلك القصص التي قد تمثل كل شخص فينا تمثل الشاب الحالم الذي لم ير بحبيبتته مجرد أنثى بل وجد بها بيت و أم لأبنائه , حاول قهر الظروف بكل الطرق لكنها كانت أقوى منه و طوفان الأحلام أخذه بعيداً عن الواقع .

كم مرة أحببت و كانت النهاية الحتمية بأنها تزوجت أول من تقدم لها غيرك , كم مرة حاولت دخول البيت و كان الرفض بسبب الظروف .

نعم إنها كلمة واحدة تدور حولها كل الأحداث حب عبر كل الحدود ليصل إلى الـ مالا نهاية

جلس (أدم) في شرفة منزله الموجود بأحد أحياء القاهرة الراقية , كعادته شاردًا يفكر بكافة ما مضى أيام و تعب و شقاء جعل منه رجل في اواخر عقده الخامس و لكن كان النصيب الأكبر من التفكير في حلمه الذى كان على إستعداد أن يتخلى عن أى شئ في سبيل إكمال الحياة معها فبالرغم من كونه في اول العشرين من عمره إلا ان ما مر به في حياته كان له الأثر الأكبر في نضج عقله إلى هذا الحد , عاد آدم يفكر في الأيام السالفة و ذكرها , أول عام دراسى له بالجامعة , لكن على الرغم من سكونه الزائف في موضعه إلا أن بركان الغضب بداخلة كان قادرا على تدمير إمبراطورية روما في أزهى عصورها , و لكن كان رده على إتصال صديقه مفعول السحر ليخرج مؤقتاً من حيز تلك الأفكار ..

- آدم ماتيجى نروح فرح أخت إسلام يا آدم

قالها عمار بشئ من البهجة مباشرة دون أى مقدمات

- على فكرة إحنا عندنا كلية و كل يوم بنصحى بدرى

- انا بقول من باب التغيير مش أكثر

صمت آدم قليلاً ليرد متسائلاً و قد بدأ يخضع لرغبة عمار :

- هو الفرح إمتى ؟

- بكرة يا كبير , أظن السؤال ده يعنى موافق !

- ماشى يا سيدى خيلنا نجرب .

مر اليوم و جاء موعد الفرح فذهب آدم غير مهتم لمجريات اليوم إلا أن ذهابه

كان في سبيل إرضاء (عمار)

وصل الصديقان للقاعة ليقابلهم إسلام عند الباب قائلاً :

- و الله قولت إنكوا هتيجوا

- طبعا و إحنا نقدر نتأخر عنك انا و آدم

قالها عمار بإبتسامة مصطنعة

جلس آدم و عمار في ركن هادئ بعيد عن الجميع و بدأ كل منهم بالحديث عن

أول إسبوع جامعى لهما و أحلام ما بعد التخرج غير مكترئين بكل الضوضاء و الحركة التى تدب من كل مكان حولهم

- أخيرا هنبقى مهندسين !

قالها عمار قبل أن يرد آدم بسخرية :

- ده انا سمعت أنك هتندم على الجملة دى قدام يا عمار , هتشوف ظلت الالة ضاع كما هى دون أى جديد , كلمات تدل على أن ما تخرجة تلك السماعات هى أغانى لكن قد لا ترقى لمفهوم الطرب بأى شكل من الأشكال , إلى أن ملح آدم سهر , إنها أكثر من ساعده و وقف بجانبه عند وفاة والده , كان دائما يخاف عليها لكنه كان يعلم ان المستقبل المجهول يقف حاجزاً من أن يحرك مشاعره تجاهها وقتها كما إنه كان يعرف ان إسلام صديقه على علاقة بها لكن دون أى مقدمات - كما هو حالنا جميعا في لحظة ما- شعر أنه يسأل نفسه و لم لا ؟ .

و إنتهى اليوم و لا يذكر آدم منه سوى سهر التى تبدو عليها البراءة فكيف تكون الوجهة الأخر لعملة إسلام الذى يغلب العبث على كل كلامه بل على كل حياته لكن كان نهاية تفكيره نوم عميق .

- أصحى يا آدم الساعة ٧ مش هتروح الكلية

قالتها والدة آدم و هى تحرك كتفه فى رفق

- خمس دقائق بس يا ماما

- طيب انا حضرت الفطار ليك فى المطبخ

- حاضر ياماما هقوم أكل و أنزل حالا

نهض آدم متثاقلا كمن كبل جسده بالأصفاذ , كان أول ما يقوم به هو الدعاء لوالده الذى توفى قبل دخولة الجامعة بشهر واحد , كان يشعر بمدى المسئولية التى تركها له والدة فلم يكن لهم دخل سوى معاش بلدنا الضعيف الذى لا يعول أسرة من فردين حتى إضافة إلى والدته و أخيه الأصغر ذو الثلاثة عشر عاماً و نزل مسرعا إلى جامعته ليقابل عمار الذى وجده يتحدث إلى إسلام عن العرس بالأمس فصافحه و إنطلق دون أن ينغمس معه بأى حديث لينتظر أول

محاضراته لتمر من أمانة تلك الأميرة التي لم تغب عن باله منذ أمس بل منذ أن رآها منذ أعوام طويلة لكن كان يعلم جيدا انها ليست من نصيبه و لم يفكر أكثر من هذا الحد إلى أن جاء إليه عمار وجلس بجانبه مازحاً :

- أي يا عم شايفك بتجرى ع المدرج بسرعة لية انت ناوى على الإمتياز
- قول يارب

- تصدق الواد إسلام ده طلح فظيخ بجد و حلمه كله يعرف أي بنت تعجبه و انا اللي كنت بدافع عنه و فاكره غلبان
شرد آدم و هو يفكر في سهر -حسبى الله-
أطلقها آدم بتنهيدة طويلة

تعاقبت الأيام لينتهى أول ترم دراسى ..
جلس آدم يتذكر كل ما مر عليه من صدمات في حياته و كل ما يتمناه من حياه كريمة لتلك الأم التي عانت في حياتها و هذا الطفل الذى كُسر ظهره بوفاة والده في هذا العمر الصغير ليقاطعة صوت عمرو دياب على هاتفه ليجد عمار متصلاً به قائلاً : ..

- ايه يا بشمهندس هنقضى الأجازة في البيت كمان
- هو انا لقيت خروج و مخرجتش
- طيب يلا إلبس و انا جايلك بالعربية ننزل شوية
- طيب

بدل آدم ملابسه و خرج من غرفته ليودع والدته قائلاً -ماما انا نازل أجييلك
حاجة-

- أه .. خد الزبالة معاك

مطأدم شفتيه قائلاً :

- طيبعى يعنى !

بدأ الصديقين في التفكير بالمكان الذى سيحوى سهرتهما معا , و لكن عمار بفعل

مرحة الدائم حاول ان يقترح المكان على آدم تسهيلا للأمر :
- يلا نروح النادي شوية ممكن نلاقي حد نعرفة
رد آدم غير مكترائاً :

- ياسيدى اى مكان نشم فية هوا مش أكثر
- طيب إدخل النادي على ما أركن و أجيلك
- مستنيك ياريت ننجز بالدودج الى انت راكبها دى ..
- أتأخرت عليك ؟
- لا تمام كده يلا نقعد
- مش انا أمبارح بالصدفة لقيت أكونت سهر
رفع آدم حاجبيه على إثر ذكر عمار لإسم سهر : بجد !
- ايه الإندهاش ده مكنتش اعرف انك هتتفاجئ كده
حاول آدم السيطرة على ملامح وجهه الذى ظهر عليه أثر الصدمة قائلاً :
- لا عادى يا عمار, و بعدين إيه شغل العيال ده أكونت إيه و هبل إيه مش
كبرنا ولا إيه .. يا عمار وسط كل اللى بنعيش فيه يومياً أظن فيه حاجات أهم
من اللى إنت سهران ليل نهار تعمله ده ..
- انا أصلاً كنت هقولك ننصحها تبعد عن إسلام ده لأنها مش حمل مشاكل
تقدم إليهم أحد العاملين بالنادى ليسألهم إذا كان أيا منهم يحب أن يشرب
شئ :

- هنشرب أيه طيب
- عاوز شيشه و شاي ثقيل
- ما تهدى على نفسك من الزفته دى شوية حرام عليك
- اهو ننفخ و خلاص يا بابا آدم .. إنت سو أجريسيف النهارده

عاد آدم إلى المنزل و هو لا يشغل باله سوى سهر حتى و إن كان وجودهم معا
معضله كونية أو أحد تلك الأساطير و الأحلام التى تولد و تحيا فى قلوبنا و يكون

مصيرها الموت في نفس المكان التي ولدت به، إلا إنه يرى أن من حقها عليه أن يخبرها بكل ما يعرف عن إسلام فهي أطيّب و أرقى من أن يضمها إسلام إلى قائمة ضحاياه , فتح حاسوبه المحمول و قام بكتابة رسائل عدة إلى سهر لكن كانت مصيرها كمصير رسائل كثيره نكتبها ثم نحذفها خوفا من المواجهه و لكن قرر في النهايه أن يرسل أى جملة لها ليبدأ في الحديث معها , و بعد وقت طويل من الكتابه و الحذف قرر أن يرسل ما يكتبه و ليكن ما يكن ضغط على زر الإرسال :

- إزيك يا سهر حبيت أطمئن عليكى عملتى ايه في الأمتحانات
كان الرد أسرع مما توقع :

- أهلا الصديق الندل

- معلش شوية ظروف غصب عنى

- أوك أوك

مازلتى كما أنتى بكل كلمة أحببتها منك -قلها آدم لنفسه مدققاً بكلمات سهر-

- طيب عموما انا كله تمام , انت بخير يا آدم ؟

أرسلتها عندما لاحظت تأخر رد آدم

حك آدم إبهامه بسبابته في توتر ,, لا يعلم ما الذى ينبغى عليه قوله :

- أه الحمد لله

- عاوز تقول حاجة يا آدم

- أه ياريت تاخدى بالك من نفسك شوية

- فاهماك و إطمئن مبقاش في حد ممكن يسبب مشاكل ليا الحمد لله

- مش فاهم

قالها آدم و هو يحاول أن يبطئ من خفقات قلبه المتوالية ,, يتمنى أن يكون

فهمه صحيح

- مش مهم , المهم انك تتطمئن انا بخير

- طيب اسيبك تنامى بقى

- أوك تصبح على خير

- و إنتى من أهل الخير
جلس أدم على سريرة يفكر هل مشاكل الحياة هى التى تنهى الحب أم أن
الحب هو من يقضى على مشاكل الحياة ؟ , أصبح الجميع يبحث عن تجربة كل
شئ دون النظر إن كان حلالا أم حرام , مناسب ام لا , فقط من أجل التجربة .

بعد مرور ١٠ أشهر
الحال كما هو ، روتين الحياة الممل ، كِتْمَان المشاعر ، و كل شئ إن تغير فللاسوأ
دائماً .

نظر ببرود إلى هاتفة ليجد إسم سهر متصلا به و فجأه تحول البرود إلى سرعة
في كل شئ ففى أقل من ثانیه كان يجيب عليها لكن ما ادهشه كان رعب سهر
و صوتها

- ادم ألحقنى ماما تعبانة جدا ,, و كل اللى فى البيت مسافرين
- طيب إهدى يا سهر ,, لحظة و هتصل بالدكتور و أجيبه لبيتك
- بسرعة يا أدم أرجوك
- حاضر

شعر أدم أنه المسؤول الآن عن سلامة والدتها
ما هى إلا عشر دقائق مرت أعوام على سهر من خوفها على والدتها حتى وصل
أدم و الطبيب إلى البيت ليشخص الطبيب حالة والدتها بفيروس سي , المرض
الذى أصاب النسبة الأكبر من الشعب , ماء ملوث ,, طعام ملوث ,, حتى الهواء
لم يسلم من هذا التلوث المنتشر فى كل شئ ,

- والدك فين يا سهر ؟
- مسافر فى مأموريه تبع شغله
- طيب انا هجيب العلاج و هاخذ محمود أخوكى معايا و هرجعه و هظمن انه
طلع بالسلامة .

- شكراً

قالتها بإبتسامة تاه آدم فيها ..

- هو في بين الأخوات شكر يا بنتي

قالها آدم و عيناه تفضح كل ما حملته تلك الجملة من كذب فهو لن يراها أخته
أبد الدهر هي سهر أول و آخر من أحب

- تمام

وجه آدم نظره للطبيب قائلاً :

- شكرا يا دكتور

في المساء جلس آدم يفكر في هذا اليوم الطويل ، تاه في طرقات عقله يفكر في
صدف الحياة التي تجعلنا نحب و نكره ، نبتعد و نتألم دون أى إرادته منا ، كأننا

عبيد القلب و العقل و حربهما الأزلية التي ستنتهي مع نهايتنا

قرر آدم الإتصال للإطمئنان على والدة سهر ..

ردت سهر بهدوء ينم عن إرهاقها طوال اليوم :

- ماما أحسن يا سهر دلوقتي ؟

- أه نامت من بعد ما خدت علاجها

- الحمد لله

- غريبه أوى انك جيت في بالي قبل بابا حتى علشان تساعدني في كل ده

- ولا غريبه ولا حاجة القلوب عند بعضها يا سهر

- طيب انا هقوم أحضر الأكل بقى

قالتها سهر بتوتر .. تعلم ما يحاول آدم قوله .. عقب آدم على جملتها قائلاً :

- سهر انا بحبك و من زمان مرت سنه و نص في الكلية و بحاول أبعد كل ده

عن بالي بس مقدرتش

قالها و شعر براحة مندمجة بخوف شديد .. لم يتوقع أن يخرج مشاعره يوماً

بهذا الثبات الذي هو عليه الآن لكن كان خائفاً من ردة فعلها ..

- هقوم أعمل الأكل عشان بابا على وصول -قالتها سهر بتوتر-
 جلس آدم غارقا في ظنونه , هل تسرعت في الإعراف لها بذلك ؟ , ماذا إن
 خسرتها بسبب هذا التهور , ليقاطع ذلك صوت والدته :
 - مش هتسيب الزفت ده بقى وتاكل حاجة
 لم ينتبه آدم لكلام والدته لتعاود كلامها ..
 - آدم انا بكلمك
 - اسف يا امى سرحت , هقوم أهو
 - طيب يا آدم
 - على فكرة انا هبدأ أنزل شغل بالليل
 - يابنى صحتك وفرها هانت و تتخرج و تشتغل
 - أهو يا أمى أحسن من قعده البيت
 قاطع حديثهم جرس الباب فذهب آدم ليجد عمار قائلا بإسلوبه الساخر
 المعهود :

- ايه يا عم إسبوع مش معبرنى هي سهر هانم واخداك منى ولا أية
 - أحم , لا إدخال قول لأمى أحسن و بعدين واخدة أية انا كنت بدور على شغل
 - ربنا معاك , و لقيت شغل
 - أه و هنزل النهاردة أول يوم
 عقد عمار حاجبيه قائلاً:
 - مش هسألك عن سبب الشغل المفاجئ رغم إني عارف السبب
 - طالما عارف اسكت انا قايم ألبس و وصلنى فى طريقك

جلس آدم على مكتبة فى أول أيام عملة فى حيرة ,, من تكون (سهر) و كيف
 وصلت للتعلق بها بهذا الشكل , كان يشعر فى كل لحظة أنه رجلها و أنها
 مسئولة منه , و بالطبع لا ينسى أنه بدأ العمل من أجلها , يريد أن يحسن دخله
 ليخطب (سهر) و يبدأ معها سلم حياتهم أو على الأقل لأنه يكره شعور التقصير

، همقت تلك اللحظات التي يكون بيده شئ ولا يقدمه ..

قاطع شروده الأستاذ وليد مدير العلاقات العامة بالشركة التي بدأ بها العمل
قائلاً :

- أهلاً بالشههندس آدم

تحرك آدم و هو يمد يده للسلام على وليد قائلاً :

- أهلاً بحضرتك مستر وليد ياذن الله أكون عند حسن ظنك و على مستوى
شركتكم

- إن شاء الله انا أول الواثقين فيك .. هسيبك تبدأ شغلك و انا في مكتبي لو
إحتجت حاجة

- شكراً لحضرتك و أتمنى اكون عند حسن الظن

تمر الساعات حتى إنتهى أول يوم بالعمل و الذي بالطبع كان أصعبها و أكثرها
لذة ككل بداية لكل شئ ، نعم إنها بوابة البداية التي لا نعرف ما يليها و غالباً
الأفضل أن لا نعرف مطلقاً .

وصل آدم إلى البيت منهك بعد أول يوم عمل له ، ليدخل باحثاً عن أسرع طريق
إلى سريره ، ليجد صوت ممتد من الخارج :

- مين ؟

رد آدم و هو يمسح بكفه على وجهه رداً على هذا السؤال :

- هيبكون مين غيرى يا ماما يعنى .

- متنامش عاملالك عشا حلو

- معلش هنام عشان تعبان من الصبح يا أمى و مش جعان .

- طيب يا حبيبى نوم العافية .

يذهب آدم إلى سريره ملقياً بمفاتيحه بعيداً .. ليلقى جسده المنهك على الفراش
.. لكن كانت تساؤلات عقله أقوى من رغبته للنوم

إلى أين تأخذنى يا قلبى أأست جزء منى أم أنك أصبحت جزءاً لها , هل انا ما زلت بأول درجة من درجات الحب أم وصلت لأعلاها , متى و أين وكيف أصبحت كذلك

لك الله يا قلبى و لك قلبى يا (سهر) .»»»

تذكر آدم مرض والدة سهر فيتصل بها ليطمئن و خائفاً من أول مواجهه بعد الإعتراف لها بذلك الحب الذى بقى مدفون سنوات بقلبه حتى أصبح قلبة مكاناً مقدسا لها دون سواها .

تسارعت نبضات آدم على رد سهر علي إتصاله :
ألو

- كويس إنك فاكرنى و الله

- أسف , كان أول يوم شغل النهاردة

- بجد لية بقى إنت مش لسه ٣ سنين فى الكلية

- أهو بتسلى

- متصل لية بقى يا بشمهندس

- فراغ بعيد عنك , والدتك عاملة ايه ؟

- الحمد لله بتشكرك

- دى أمى و انا معملمتش إلا الواجب , حمد لله على سلامتها .

- هتنام ولا أيه ؟

- أه هنام أهو

شردت سهر قائلة فى نفسها :

- ياريت يكون عندى نص شجاعتك يا آدم و أقولك على كل حاجة حاسة بيها ناحيتك

- سهر»»» معايا ؟

قاطع نداء آدم شرودها فقالت دون تفكير :

- أه تصبح على خير يا آدم

مط آدم شفتيه قائلًا - و أنتى من أهل الخير -

أغلق أدم الخط و لم يشعر إلا بدمعة تنزل على خده تحمل كل معاني الألم التي يشعر بها , تحمل الخوف من أن يفقد سهر , و تحمل وجع عشرين عاما مضت في شوارع الحياة .

هل أنا تسرعت بحبى لها ؟ هل ثلاث سنوات لم تكن كافية للبوح بذلك الحب الذى لا أعلم الآن هل هو نعمة أم نقمة ! , هل سيحيينى ام ستكون نهايتى بسببه .

لا أحلم إلا بها و ببيت يجمعنا و وظيفة نعيش منها لا أكثر ولا أظن أن من عشق حقا يحلم بأكثر من ذلك , هناك جملة لطالما سمعتها (ليس كل ما يتمناه المرء يدركة) , اتمنى ألا أدرك أى شئ من أحلامى سواها , أحلامى ؟ أين هى تلك الأحلام من لحظة حبها ؟ , أتمنى ان تنزع قلبى لترى حبى .

أه يا سهر ! , ساعات تمر , و ذكريات تعود , و حنين يفتك بقلب أدم يصحو من خموله , حتى يقاطع دموعه رنه هاتفة ليجدها سهر , الساعة الآن الثانية صباحا ! .

- خير يا سهر

- صوتك نايم

ساد الصمت المكاملة لأن أدم كان على وشك العودة لنعاسه قبل أن تردف سهر :

- أدم نمت منى صح !

رفع أدم راسه قائلا :

- لا يا سهر معاكى , هو أنا أقدر

- أدم توعدىنى ؟

كان أدم يقاثل نعاسه فى تلك اللحظة ,, سحاول التركيز فى كلامها

- وعد يا سهر

إنتبه أدم لسؤالها السابق فأردف مسرعا :

- أوعدك بآية ؟

تنهدت فريدة و هى تضع يدها على فمها فى محاولة بائسة لمنع خروج ما بقلبها :

- توعدنى تكون سند و زهر مهما حصل , توعدنى تحافظ عليا , توعدنى لو كل الدنيا ضدى تكون أنت معايا , توعدنى تتحدى الظروف عشانى يا آدم ؟
- تتحول دموع الماضى إلى دموعات من الفرح الغامر و لكن لا يود أن يتسرع أو يفهم الكلام كما يتمنى أن يفهمه فعاد لسؤالها سريعا إعتدل آدم بجلسته و فتح عيناه كمن تناول عدة جرعات من الكافيين قائلاً :
- سهر إنتى بتتكلمى بجد؟ ,, قصدى يعنى تقصدى إيه ؟
- رد عليا توعدنى يا آدم ,, إنت فاهمنى كويس
- أوعدك يا سهر , أوعدك أسعدك لأخر يوم و آخر يوم ده أوعدك أكون جنبك فية,
- أنا بحبك يا آدم , بحبك من أول ما عرفتك , حسيت إن أنا و انت مش نصين إحنا حاجة واحدة .
- ياا أنا كنت قربت أفقد الأمل , كنت قربت أقول لنفسى كفاية إنك جنبها , و الله ما كنت عاوز غير إنى أكون جنبك بأى صفه .
- طبعا مش هتنام النهاردة
- قالتها فريدة بنبرة تملأها الثقة ليتصنع آدم نفس ثقتها قائلاً :
- لية يعنى انا كنت متأكد إنك بتحبينى على فكرة , عادى يعنى !
- لا و الله؟! , طيب يا رخم
- عارفة إنى نزلت الشغل عشانك , عشان ربنا يكون شاهد إنى بسعى أكون ليكى و معاكى , عاوز أتقدملك فى أسرع وقت والله , عاوزك تكونى مراقى و فلبك يكون بيتى , عارفة حبك دة كان بحر بجد , بحر من غير موجة لكن انا برضو غرقت فية , فى عز تعبى ممكن كلمة منك تريحنى , سهر أنا ,,
- قاطعته سهر من وقع كلماته على قلبها :
- أسفة على كل يوم كنت سبب تعبك من بعيد أو من قريب يا آدم .
- عمرك ما كنتى ولا هتكونى إلا راحة ليا من كل وجع فى حياتى .
- ممكن ترتاح بقى و بكرة نتكلم .
- لا مفيهاش نوم يا سو قولنا

ردت سهر مازحة :

- سو كمان ده احنا عدينا بقى ! , نام بجد و بكرة نتكلم

- طيب تمام و إنتى هتنامى ؟

- أه يا سيدى هنام

- تصبى على خير

- و انت من أهل الخير يا آدم

- فى حفظ الله

ماذا حدث لك يا قلبى الآن أصبحت سعيداً , هكذا تُعالج , منذ ساعة كنت

تنزف دما و الآن فرحتك تغطى العالم بأكملة بمجرد إعرافها بحبها لك .

و مرت الليلة كلها لم يستطع بها آدم النوم ولو دقيقة منتظراً اللحظة التى

ستأتى له المكاملة السعيدة , لكن المكاملة أتت بشكل آخر و من شخص آخر ..

- صباح الخير يا صديقى

- صباح الفل و الورد يا بشمهندس عمار

رفع عمار هاتفه من على أذنه للتأكد من أنه إتصل على آدم ثم أعادها قائلاً:

- لا كده فى حاجة

صمت آدم متذكراً كلام سهر -توعدنى تحافظ عليا - ثم أسرع قائلاً:

-لا يا عمار والله الشغل طلع حلو بس مش أكثر .

- أنا مخنوق و عاوز أتكلم شوية معاك

- معلش يا عمار ورايا حجات كتير النهاردة خليها بكرة أحسن .

- زى ما تحب يا صاحبي ., أكلمك بعدين لما تفضي بقى ., الله يعينك

- تمام , سلام يا كبير

- سلام يا آدم

أغلق عمار المكاملة و هو يلوم نفسه كالعادة ., كما نلون أنفسنا دائماً ., كم

نكره الإحتياج أو طلب إستماع أحدهم لنا ., كم نكره تلك لحظات الضعف

التى نمر بها

من ناحية أخرى جلس آدم بعدما أغلق مكالمته مع عمار مذهولاً كيف يكون

حبي لسهر أكبر من أهتمامى بمعرفة ما يدور بخاطر صديق عمرى ؟ , هل لتلك الدرجة أصبح حبي لسهر هدف لا مطلب سواه ؟ مجرد مكالماتها هى أقصى طموحى ؟ , تباً للحب و لعنته التى أصبحت كالسرطان تعيش داخل الجسم لكن إن حاولت إخراجها تخرج بروحك معها .

و فى ظل الصمت الموجود بغرفته دخلت أمة عليّة وتفاجئت بأن آدم مستيقظ و قالت لة بإبتسامة :

كويس إنك صاحى يا حبيبي , فى واحد صاحبك بيسأل عليك و قاعد برة دلوقتى .

إعتدل بجلسته و هو يقول بشئ من الغضب :

- برضو يا عمار بتعمل اللى فى دماغك

أسرعت أمه موضحة :

- لا يا آدم ده مش عمار , ده شخص اول مرة أشوفة .

رفع آدم حاجبة الأيمن فى محاولة لتوقع الشخص :

-طيب يا ماما, انا طالع أهو حالا .

خرج آدم من غرفته ليتفاجأ بصوت مرتفع يقول له :

- إية يا هندسه مش عاوز تقابلنى ولا بتتقل !

- إسلام؟! , غريبه يعنى فى حاجة ولا أى ؟

-: لا ولا غريبة ولا حاجة ,, جيت أطمئن عليك مش أكثر .

-لا يا إسلام إنت متجيش إلا لو فى حاجة أو عاوز طلب منى عموما هنشوف و

أيا كان طلبك عمرى ما هساعدك فى حاجه -قالها لنفسه و هو يدرك أن هذه

طبيعة إسلام ؛ المصلحة ولا شئ سواها-

قال آدم ذلك فى قرارة نفسه ليرد فى أسلام قائلا :

- أيه طيب يا آدم بيه مش هنقعد ولا تحب ننزل نتمشى ؟

- لا خيلنا فى البيت أحسن,خير

- كنت عاوز أكلّمك فى حاجة مهمة يا آدم , انت عاقل و ربنا يعلم غلاوتك

عندى .

إبتسم آدم قليلاً و هو يخفى الكثير خلف إبتسامته :

- إتفضل يا إسلام تحت أمرك

- كنت عاوزك تقولى طريقة أرجع بيها لسهر

جملة كانت مثل السهم فى قلب آدم , لا يقوى على الكلام ولا يصدق الطلب الذى جاء بهذا الوقت الغريب , و قال آدم لنفسه فى ظل شرودة المصاحب لدهشته التى كاد بها حاجبية أن يلامسا أول شعره : كمان عاوزنى أساعدك ,, من بين كل سكان الأرض و فى الوقت ده بالذات جاي تقولى كده ,, أسوأ حاجة بعد كلامك هو توقيت كلامك يا إسلام

إعتدل آدم بجلسته محاولاً إظهار الملامح الطبيعية على وجهة و قال لإسلام
برود :

- والله يا إسلام مظنش إنى هقدر أساعدك و كمان ,,

قاطع كلامه رنه الهاتف ليخفق قلبه ويكاد يُنزع من قفصه الصدرى , نعم إنها سهر ماذا أفعل هى لا تعلم بأن علاقتى بإسلام جيدة لتلك الدرجة , قد تظن انى أخدعها , فضل آدم عدم الرد و أكمل حديثه لإسلام : كمان أنا مش فاضى للحجات دى , إدعى ربك و لو فيها الخير ليك هتبقالك يا إسلام .

- طيب واضح إنك مش هتساعدنى فعلا , عموما شكرا على وقتك يا آدم,

- لا يا كبير ولا يهملك , مع ألف سلامة و أشوفك على خير

لا يعلم آدم من أين أتى بكل تلك الجراءه للرد على إسلام بهذا الشكل , يمكن لأنه يعلم جيداً انه إن خسر سهر سيكون خسر كل شئ .

جلس آدم يفكر فى رد فعل الجميع اذا يعلمون بخبر إرتباطه بسهر , و أولهم إسلام الذى سيعلن لكن آدم لن يعلن ذلك إلا فى اللحظة الذى سيدخل بيت سهر بها حفاظا عليها و على وعدة لها ,, دائماً مشاكلنا فى نظر الجميع هى أمر بسيط و مشاكلهم أكبر ما قد يحويه الكون و فى تلك الأوقات قاطعة صوت أخية الصغير

- آدم ممكن ألعب بموبايلك شوية ؟
- ماشى بس متكترش بقى يا ياسين
- ليقاطعه صوت والدته :
- مالك يا آدم , حالك مش عاجبنى ؟
- والله يا أمى تعبت من التفكير , انا اعوز اتقدم لسهر و مش بإيدى بسبب الحالة المادية
- ردت والله و ملامح الدهشه تبدو جليه عليها : سهر ؟ , أها قول انك بدأت شغل عشان اللى دخلت حياتك فجأه دى
- والله يا ماما ٣ سنين مش فجأه , و بعدين انتى اللى مريانى و علمتىنى أدخل البيت من بابه
- بإبتسامه عريضة تنم عن سعادتها بأخلاق ولدها :
- طيب مش لما تخلص الكلية .
- مظنش أستنى كل ده
- طيب قوم أفطر و نتكلم بعدين .
- حاضر .

- أشتقت لكِ يا سهر بمعنى اخر , أشتقت لإبتسامه منك , لرائحة عطرك , إشتقت لهواء مر عليكِ و وصل لى , لا أستطيع حصر مشاكل حياتى أو كمية خوفى من تلك الأيام المسماه بالمستقبل , لكن ما أدركه تماما أنه يكفينى نظرة واحده لعيناك السوداوين و ضحكتك لمدة ثانیه واحده لأعود كما ولدتنى أمى طفل بلا هموم , و تذكر آدم أنه لم يعاود الإتصال بسهر و قال لنفسه و هو يتصل :
- نهارك مش هيعدى يا آدم طبعاً
- نعم قالتها سهر بغضب تعبيراً عن عدم إهتمامه بها
 - صباح الورد على أجمل ورده
 - والله !؟ ببساطه كده هتثبت يعنى , عموماً كنت بظمن مش أكثر,

هو من أولها نكد كدة -قالها لنفسه محاولا تفادى أى مشاكل بينهم-
- انا قائمة أعمل الفطار طالما كده كده ساكتين .
- طيب يا حبيبتي شوية و هكلمك قبل ما أنزل الشغل , علشان صوتك
بيوحشنى يا هانم
- أوك و انا مستنياك
- فى حفظ الله يا حبيبتي , سلام
- سلام

جلس آدم يفكر قد تكون الحياة لا تعطينا كل ما نحب لكن على من نحب أن
يكون لنا حياة , الحب بعد أن كان راحة و إحتواء , أصبحت كلمة يحصل بها
الشخص على مراده لا أكثر و بعدها كأن شيئاً لم يكن , انا أعلم كافة صفاتك يا
سهر أعلم شدة غيرتك التى قد تمتد للجنون و أعلم كل ما يدور ببالك العيوب
قبل المميزات لكن من يعشق شجرة يحب كل بها حتى أشواكها فيكفية ظلها
علية فى يوم حرارته أذابت الرؤوس .
فكر آدم فى الإتصال بسهر لتلطيف الأجواء و فى تلك المره كان الرد أسرع مما
يتوقع :

-ألو

- وحشتينى قولى أسمع صوت القمر

- ماشى هتثبت بمزاجى يا آدم

- طيب عشان أصلحك هوصلك بكرة الجامعة بنفسى , أى رأيك ؟

- موافقة طبعا

- طيب يلا كملى اللى وراكى

- باى يا حبيبى

- باى يا سو .

أبتسم آدم و أصبحت سهر هى الملاك المحيط به بكل وقت لكنة فجأة تذكر
كلام إسلام و طلبه الغريب منه فى هذا الوقت بالتحديد , أخذ يتذكر حديث
إسلام عنها منذ سنتين تقريبا , أى نوع من الرجال هذا الذى يتحدث عن

علاقته بحبيته و تفاصيلها بهذا الشكل , أى رجل يسجل كلمات حبيته ليثبت لأصدقائه انه دنجوان الفتايات , هل هذا الإنسان يستحق كلمة رجل بالفعل ؟ , أم يكفي كونه مجرد كائن حي ؟ , و قرر آدم ترك السؤال الذى طالما طرحه على نفسه هل الحب يغمى عين صاحبة بهذا الشكل ليرى كل الظلام نور و العيوب مميزات ؟

كان مؤمنا بأن لكل علاقة قدسيته و طهارتها ., كان يعلم أن العلاقة بمجرد أن يعلمها الناس تبدأ فى الإنهيار إذا لم يتحل أصحابها بالقوة لمواجهة الطوفان - و الله هيجيك إكتتاب من القعدة لوحك -قالتها والدته محاوله إخراجها من التفكير المُسمر الذى يعيش فيه أغلب الوقت-

- طيب أعمل إية يا أمى
- قوم يا حبيى أقعد معانا أنا و أخوك إحنا مش بنشوفك ولا نقعد معاك إلا كل فين و فين
- طالع أقعد معاكوا شوية قبل الشغل يا أمى .

- طيب مستنياك
- حاضر هاجى
و فجأة رن هاتف ليجد إسلام متصلا به فيتجاهل الإتصال , و يقول فى نفسه :
و الله يا إسلام إنت شيطان متجسد فى إنسان , ليقاطعه رنه هاتفة مرة أخرى
- ايه يا إسلام , أول مرة تتصل بيا مرتين ورا بعض
- عندى ليك مفاجأة يا آدم .

بكرة مفاجأتك كلها يا كائن إنت , ربنا يستر -قالها لنفسه و هو يستعد لصدمه لا بأس بها إطلاقا-

- أنا كلمت سهر و قالتلى هتفكر اننا نرجع لبعض .
كلمات كاد آدم أن يفقد توازنه منها , لكنة عاد لينهى المكالمة ليتحدث إلى سهر فوراً , و لكن أى حديث سيجدى نفعاً إن كان ما يقوله صحيح !

- طيب يا إسلام هخلص شغل و أكلمك .
- طيب يا آدم باشا ., و الله انت وشك حل,,

أغلق آدم المكاملة دون أن ينتظر جملة إسلام الأخيرة
أدم لنفسة في غضب هو اليوم باين من أولة انا عارف , ردى يا هانم إنتى كمان

- ألو

- إزيك يا سهر , حبيت أطمئن بتعملى اى ؟

- مفيش و الله كنت بفطر و بروق البيت
إحتد أدم قائلاً:

- بس يا سهر ؟

- لا طبعا مش بس

- طيب كنتى بتعملى اى تانى ؟

- بفكر فيك طبعا يا حبيبي

- متأكدة محصلش حاجة تانية يا سهر

- أه و الله يا أدم , فى إية ؟

- لا كنت بطمئن عليكى , يلا خلصى و كلمينى

- حاضر يا حبيبي , باى

- مع السلامة يا سهر

وضع أدم رأسة بين يديه كالذى يود إستخراج عقله من التشنت و الحيرة ,
من الكاذب يا ترى ؟ أخشى أن يقتحم الشك قلبى يا سهر لكن انا أعلم أن
إسلام محترف فى التلاعب بعقول البشر , لكن لماذا سهر هى من يتلاعب بي عن
طريقها هل يفكر بشئ ؟ , خرج أدم ليجلس مع والدته دون أى كلام فقاطع
صمته سؤالها : أدم انت كلمت والد أو والدة سهر ؟

- لا لسة

- طيب هو مش من الأصول تكلمهم , بص يا إبني لو متأكد من مشاعرك يبقى
زى ما أنا إتربيت و ربيتك أدخل البيت من بابة , و كمان فترة و تتصل بوالدها
على الأقل يكون عارف .

- ربنا يخليكى ليا يا أمى والله من غيرك حياتى ما هتتظبط أبدا .

- ربنا يريحلك قلبك يابنى .
- يارب

مر يومان كان بها العاشقين بأفضل حال , كقصص الحب التي تروى لنا منذ الصغر , كان كل منهما يتسارع في إسعاد الآخر , روحين أمتزجا بهواء العشق ليجعل روحيهما أنقى من الماء العذب , و أصفى من السماء بعد المطر , لا يكاد أحدهما ان يفعل شئ إلا بعدما يتحدث إلى الآخر .
- سهر ممكن أكلم والدتك .

- لية يا آدم في حاجة ولا ايه ؟
- لا عادى حابب أكلمها مش أكثر و أعرفها بيا , ولا انا مش قد المقام يا سهر هانم!

- لا يا حبيبي لحظه و أخليك تكلمها
لحظات و إستلمت والدتها الهاتف و شرعت في الحديث مع آدم .,
- السلام عليكم

- و عليكم السلام إزيك يا طنط ؟
- بخير يابنى , سهر كلمتنى عنك كتير
سهر مقاطعة حديثهم بشئ من المرح -مش كتير أوى يعنى يا ماما -
- و انا ليا الشرف إني أعرفك بنفسى و إني داخل البيت من بابة و قريب أوى هكلم عمو بإذن الله

دارت المكاملة على أفضل ما يكون منها تأكدت سلوى (والدة سهر) أن آدم شاب يختلف عن شباب تلك الأيام , فمستقبله جيد و على درجة عالية من الإحترام و الأخلاق , إذن ما المانع ؟ !

و من جهة أخرى يجلس آدم مفكرا بذلك الملاك الذى جعل منه ساحر و لا يود سوى صراع الوقت ليضمة هو و سهر بيت واحد , أخيرا يا سهر بدأنا خطوات إقترابنا , أخيرا أقترب الوقت الذى ستكونى به ملكى لكن بقيت خطوه واحدة و

- هى التقدم لوالدك , و فجأة سمع صوت حنون للغاية كمن يهمس بالقرب من مكتبة قائلا فى رفق : السلام عليكم
- و عليكم السلام , مين حضرتك ؟
- أنا رقية , جديدة فى الشغل هنا و طلب منى أستاذ وليد توضح لى أماكن ملفات العمل علشان أبدأ فوراً .
- حاضر يا أنسة رقية لحظه واحدة .
- نهض آدم و هو يتعجب من خجل و هدوء رقية , على الرغم من صغر سنها إلا إنها بدأت العمل من الآن فما السبب يا ترى الذى دفع بها لتتلاطم مع الأمواج العاتية من الآن ؟ , قرر آدم إلقاء سؤال عابر على رقية أثناء إلتقاطة ملفين من الملفات : حضرتك عندك كام سنه يا أنسة رقية ؟
- ٢١ سنه حضرتك
- آدم لنفسة- سبحان الله أصغر منى بسنه بس اللى يشوفك يقول بنتى- .
- رقية مستكلمة كلامها : و فى كلية إعلام
- أهلا بحضرتك و بإذن الله الشغل يكون مناسب لحضرتك , و بدأ آدم بشرح العمل لها .
- تذكر آدم أثناء عودتة من العمل عمار فقرّر الإتصال به ليطمئن على حالة و يسأله عما كان يريده عمار منه منذ مده .
- أنا ندل والله عارف -قالها آدم فى محاوله بائسه لتهدئه الأمور-
- لا يا صديقى من لقي أحبابه بقى
- يا باشا انت الأحباب و الأصحاب
- ربنا يخليك يا آدم
- إيه تيجى نتقابل شوية عشان ألحق أروح .
- لا يا باشا بلاش أعطلك بس لو حابب انا فى النادى قاعد مع أسلام و باقى أصحابنا .
- لا ياعم إسلام لأ , عموما قريب أشوفك و نتكلم براحتنا
- طيب يا صاحبى , سلام -قالها عمار بصوت موجه-

حاول أدم الإتصال على سهر لكن دون رد منها فزاد من قلقه ليجد رنه هاتفة
تعلن عن إتصال إسلام : أيه مش هتيجي النادى ده الجو هنا حلو أوى
- معلش لسه راجع من الشغل و تعبنا شوية , عمار معاك و انا و عمار واحد
- يابنى انا عاوز أخذ رأيك فى كام حاجة تخصنى انا و سهر و هعزمك على الى
أنت عاوزة
إسلام سيبك منى دلوقتى عشان مصدع , سلام -قالها بغضب لا يذكر انه وصل
له منذ أيام طويله-
- سلام يا أدم .
أصل أدم مرة أخرى بسهر كمحاولة بئسه للوصول لها لكن كانت على عكس
المتوقع و كان الرد من سهر : ألو يا أدم .
- مش بتردى ليه حضرتك , قلقتينى .
- معلش يا أدم , مخنوقة شوية .
رد أدم بصوت حنون دافئ :
- من ايه يا حبيبتى طيب انا معاكى أهو .
- أدم أحنا لازم نتكلمش لغاية ما بابا يعرف لأنى حاسة إنى بخون ثقته .
- يا سهر والله أنا ناوى قريب أوى أكلمه .
- طيب أرجوك لغاية وقتها بلاش نتكلم .
- أيه يا سهر اللي إتغير فجأه كده , مالك ؟
- أنت وعدتنى تعمل كل حاجة أنا بحبها يا أدم .
- و ده معناه إنى أجى على نفسى عادى يا سهر
-إنت شايف إنى أنانيه يا أدم للدرجة دى , أرجوك أنا مش مستحمله
- طيب يا سهر بس مسير كل حاجة توضح و أفهم لية كل دة .
- طيب يا أدم
- توعدينى تظمنينى عليكى يا سهر كل فترة , بجد مش عارف يومى هيمر إزاي
من غير ما أكلمك
- هو إنت مش بتقول إن انا جواك , هتلاقينى كل لحظة معاك يا أدم

- ببساطة كده ده الحل عندك , خايف أسمى ده أنايه
- أنايه ؟ , علشان مخونش ثقة أهلى أكون أنايه يا آدم
- لا يا سهر انا غلطان , بلاش لحظات الوداع دى و يلا نقفل حضرتك
- حاضر يا آدم يلا , سلام

- سلام

أغلق آدم الخط و جلس يفكر ياترى ما سبب هذا التغيير هل لإسلام يد فى ذلك ؟ , لن يأتى قلب يحبك بتلك الطريقة ولا يستحق قلبى منك كل تلك القسوة , انت من كنت أظن انها راحة لى من كل ألم عانيته و من كل جرح تعمق بقلبي و أنت مازلتى تستمرين بتصرفاتك الغريبة من خلال إحساسك أنى لن أستطيع البعد عنك , هل هذا ما يسمى الإستغلال فى الحب أم هو مجرد شعور طبيعى من فتاه أحسن أهلها تربيتها , لكن انا أحبها , أحبها حتى آخر نفس بداخلى , أعشق خطواتها كلامها إبتسامتها حتى حديثها الممل الذي لم أكن لأجد نفسي بداخله .

إنهار آدم ببكاء لم يذكر أنه بكى مثله منذ لحظة وفاة والدة حتى سُمع صوت شهقته , فخرجت والدته مسرعة من غرفتها لترى ماذا حدث , تنصدم الأم بصورة آدم فى ركن الحائط يبكى كالأطفال و كأن هم السنوات بركان تآثر لن يخمد الآن ,

- آدم أبنى مالك يا حبيبي ؟

- تعبت يا أمى والله , و الله بحبها و نفسى تحبنى نص ما بحبها ., ليه المواضيع مبتقاش بالبساطة دى

- يا أبنى لو هى محبتكش مكانتش وافقت تكونوا مع بعض

- أرجوكى يا أمى سيبينى دلوقتى , كفاية شكلى قدام نفسى

- آدم انت راجلى انا و أخوك و أى بنت تتمناك يابنى , متوجعش قلبى عليك .

- حاضر يا أمى , انا هقوم أغسل وشي و أنا .

- طيب يلا يا حبيبي و متنامش زعلان عشان خاطرى .

و فجأة دخل ياسين من درجة صوتهم التى سمعت كافة أرجاء المنزل , صدم

أدم من وجود ياسين هو و أمه و كانا لا يودان أخاه الأصغر أن يراة بذلك الوقت

- مالك يا أخويا -قالها ياسين ببراءه الاطفال المعهوده-

- أخوك تعبان شوية يا ياسين يلا نسيبة ينام و يرتاح .

- تصبح على خير يا أدم

مرت الليلة كليلة وداع جثمان أقرب شخص إليك , كليلة تشابك بها كل شئ ل ترى العتمة القاّمة في أوج الظهيرة , تذكر أدم كلمة الدكتور إبراهيم الفقى رحمة الله (إذا أردت أن تعيش متوازنا في حياتك تخلص من أولئك الذين إذا أحتجتهم لم تجدهم و إذا أحتاجوك وجدوك) , لكن كيف السبيل من تنفيذ ذلك مع سهر و هى الروح الخاصة بأدم , كيف السبيل لذلك مع كل من هم حولنا ., لحظات من ذل النفس وجد أدم كرامته تسيل أمام عينية من ذلك الحب .

و في مشهد تدمع له العين جلست أم أدم تدعى له فلا يوجد أصعب من أم قلبها مفطور على أبنها بهذا الشكل , دعوات و بكاء من أم أدم لرب السماء ليحسن حالة أبنها .

جلس أدم لحظات حتى هدأ جسدة و إستلقى على سريرة مفكرا بسهر التى لا تغيب عن باله لحظة واحدة .

صباحا فضل أدم تناول إفطارة و الذهاب للجامعة ليتفقد آخر الأخبار سريعاً قبل ذهابة للعمل مساءً ليلمح إسلام من بعيد فيسرع خطواته لتجنب الحديث معة , فدار بخاطر أدم ماذا إن كان كل ذلك و كل تردد سهر بسبب إسلام حقا .!

أنهى أدم مراده و خرج متجها للعمل مباشرة فهو يخشى ان تحدثه أمة عن تلك الليلة البائسة , لكنه لم يكن أول من يذهب للعمل ليجد رقيه هناك .

- ايه يا أنسه رقيه جاية بدرى ليه كده .

- قولت أجي أراجع على اللى حضرتك قولته ليا عشان أثبت الشغل فى دماغى

- بالتوفيق يارب

- حضرتك شكلك تعبان أعملك قهوة
- لو ممكن تبقى عملتى فيا جميلة
- ثانية واحدة و تكون قهوة حضرتك على المكتب .
- زيادة بعد إذنك -قالها آدم بإبتسامه محاولا ألا يتحامل عليها في مطالبه-
- يمر اليوم دون أى أحداث تذكر ,, آدم كالذى دخل في غيبوبة طويلة لا يختلف عنها شئ سوى أنه يتحرك دون أى شعور .
- وصل آدم لبيته ليجد اتصال من عمار صديقة , فيقول ادم لنفسه والله شكلى وحش يا عمار و مقصر في حقك أنا عارف بس لو في أيدي كنت حكيترك
- ألو , واحشنى يا عمار
- كنا بنتكلم طول اليوم يا آدم دلوقتى لو مرة في الإسبوع يبقى خير
- انا أسف والله يا عمار إنت فين ؟
- تحت بيتك يا باشا , فاضى ؟
- هو في أعلى منك أفضالة , أطلع مستنيك .
- يذهب آدم ليسلم على والدته و يخبرها بقدومه و قدوم صديقة , و يعود و يجلس مع عمار في جلسة طال بها الحديث .
- حالك مش عاجبنى يا آدم ؟
- و الله تعب الشغل و الدراسه مع بعض , و بعدين أنت بتقعد مع أسلام كثير و انا مش برتاحلة .
- والله لو صاحبى كان فاضيلى كنت قعدت معاه
- عندى يا عمار كل ده بعذرلك تانى
- الواد إسلام عمال يهزر في جروب الجامعة مع سهر و كذا بنت كده , واد لئيم بس بيعرف يتصرف و ده عاجبنى فيه
- لا يرى آدم كل هذا إلا فترات مراهقة ,, أفواه تتكلم وليس ورائها سوى الحديث عن غيرها لكن فضل آدم التأكد من كلمات عمار
- هى سهر بتهزر على جروب الجامعة يا عمار ؟
- يابنى انت مسكت في سهر و سيبت البنات لية , انت لسه عينك عليها

أدم محاولاً أن يظهر عدم الإهتمام : لا يا عمار إطلاقاً هي الإسم الوحيد اللى
انت قولتة بس و بعدين إيه عينك عليها دى
- ماشى يا أدم انا هستناك تكلمنى بكرة نقعد سوا و هسيبك ترتاح من شغك
بقى و تنام .
- حاضر يا عمار , مع السلامه يا كبير
- سلام يا بشمهندس
كانت علامات التعجب تملىء حياة أدم , لتلك الدرجة لا تحبينى يا سهر! , هل
كنتِ تحاولين حبى و لم تستطعِ , لكن لماذا أخبرتيني بحبك ؟ , لم يشعر بنفسه
إلا و هو يتصل بسهر
- سهر إنتى لية بتعملى كده ؟
- ليه ؟ , عشان عاوزه نحس بطعم الحلال يا أدم , عشان لما نوصل لبعض
بصعوبة نحس بقيمة بعض , عشان معنديش أى أستعداد أتحرم منك يا أدم .
كلمات كانت كغسيل مخ تام لأدم , لم يتذكر بعدها إلا انه يحدث سهر روحة
و القلب النابض و ضوء حياته كلها .
- بحبك يا سهر -قالها أدم هامسا-
- و انا بحبك يا أدم
- ممكن رقم والدك حالا ؟
- ممكن يا أدم ماتسرعرش .
- أتسرع ؟ , حبى ليكى تسرع , ثم انا كبير كفاية عشان أحكم على مشاعرى .
- انا بعثلك الرقم على الواتساب يا أدم و اللى تشوفة أعملة .
- تمام , تصبى على خير
- و انت من أهل الخير يا أدم
كيف هذا ؟ فى لحظة حولتني من بركان غضب إلى شخص يتحدى ببرودته
القطب الشمالى , أصبح قلبى لى كالمسجد فى طهارته و الكنيسة بقدسيته التى
حرمت على كافة النساء من دونك .
انا لا أرفض فكرة الموت على يدك يا سهر فليس بدنيتى ما هو أغلى منك , لكن

أرجوك إن كان موقى على يدك فليكن دون عذاب,
مرت أيام و بدأ آدم يفكر فى كلمة سيقولها لوالد سهر ، يتوقع كل سيناريو
محتمل لتلك الجلسة المصرية , لكن دارت بخاطرة فكرة الإلتقاء بسهر أولا
و تحضير مفاجأة لها لطلب يدها و خصوصا اننا فى شهر فبراير , شهر المحبين
و العشاق , بدأ آدم يعد للمفاجأة و طلب من أحد أقارب سهر أن تأتى معها
للمكان الذي جهز به كل شئ و كان يدرك معرفة قريبتها (هبة) بكل تفاصيل
حكايتهم إستكمالا للحفاظ على عهده .

وصلت هبه و سهر إلى المكان المتفق عليه و لكن كانت علامات الدهشه تملئ

وجه سهر , و كأنها تشك أن هناك شئ ليس بالطبعى إطلاقا

- انتى جايبانى هنا لية طيب, من أمتى بنقعد فى كافية

- هو ده أى كافية ده النهاردة الفالتناين انا و انتى ملناش غير بعض يا سوسو

- طيب ياختى

فجأة يظهر آدم أمام سهر و بيده خاتم فضة ليطلب يدها امام الجميع و فى ظل

ذهول سهر و وضعها يده على خديها لتشير بالإيجاب

- موافقة يا آدم

- مبروك يا سهر -قالتها هبه و السعادة تملئ وجهها-

- الله يبارك فيكى و حسابنا بعدين

ليقاطع آدم حديثهم :

- مبروك أيه لسه عمو بقى .

قضى آدم معها يوم كان من أروع أيامهما معا و سيظل فى تاريخ ذكرياتهما معا

أبد الدهر , عادت سهر فى أسعد أوقاتها لتكمل يومها مع ادم على الهاتف

- تعرف إنك أغلى حاجة فى دنيتى

- تعرفى بقى إن إنتى دنيتى كلها و على فكرة انا بسببك بقيت بكتب شعر

- ممكن تقول انك بتحبى اه بس بلاش توسع منك أوى كده

- طيب جاهزة تسمعى يا هانم

و بدأ آدم بإلقاء بعض الأبيات التى أعدها لهذا اليوم , أبيات أذابت القلب

الذى أقسم على إعتزال العشق , كلمات جعلت من سهر مجنونه آدم و حبيبته الأبدية , صمت دام لدقائق أعلن عن بداية جديدة في حياة العاشقين .
مرت الأيام كلها رغد و سعادة بينهما , حتى إتقى آدم إسلام صدفة على باب الجامعة , الصدفة التى كان لا يتمناها آدم , فى أى وقت ولا أى مكان
- أهلا صديقنا المختفى -قالها إسلام فاتحا ذراعيه لأدم-
- أهلا صديقنا الرخم -كلمات تدور فى عقل آدم يتمنى البوح بها-
- واحشنى يا عم , ربنا العالم معزتك أكثر من أخواتى يا آدم
- عامل اى يا إسلام
- الحمد لله , كل حاجة إتميتها حصلت و حياقى ماشية زي ما انا حابب , الحب يا آدم بيغيرنا بجد .

صمت آدم و بدأ يحدث نفسه : منذ متى و انت تعلم عن الحب شيئا يا إسلام , فجأة إسترجع كلام إسلام و شعر أنه قد يكون يلمح على إرتباطة بسهر , قسما يا إسلام إن كان ما ببالى صحيح ستنتهى علاقتى بك التى أرغب بإنهاءها الآن .
- إنت ساكت لية يا آدم ؟

- مفيش انت عارف بفكر فى الأمتحانات الواحد عاوز يتخرج على خير مش أكثر إسلام : ربنا معانا يا آدم,
بدأ آدم جديا فى إنهاء كل تلك الألعاب من إسلام و غيره , إضافة إلى المتقدمين للزواج من سهر , فقام آدم بالإتصال بوالدها ليحدد معة موعد فقط كمقابلة خاصة ليعرف رؤية به , و هل الأب موافق من الأساس على إتمام الموضوع أم هناك ما يمنع الأمر .

قام آدم بالإتصال بوالدها و قلبه يرتجف من الفرحه الممتزجة بالتوتر الشديد فلماذا قد يقبل من الأساس بطالب, كان يعلم أن من حق كل أب أن يختار لإبنته من سيجعل حياتها سعيدة , لكن طبقا للظروف التى تمر بها البلد أصبحت رؤية أغلب الأباء أن الراحة تتمثل فى المال و فى بيت واسع و أثاث حديث و غيرها , لكن يعلم الله أنه لن يوجد شخص يحبها مثلما أحببتها , بدأ الهاتف فى الرنين و آدم منتظر الرد

- سلام عليكم
- عليكم السلام , إية الأخبار يا عمو ؟
- الحمد لله تمام , أنت آدم صح ؟
- أه مذبوظ
- والدة سهر كلمتنى عنك و قالت إنت هتتصل اليومين الجايين و ماشاء الله رقمك إتسجل و بإسمك عندى من غير ما أسجله , بيخططوا لينا يا آدم -قالها مازحاً-
- لو ممكن أخذ من حضرتك معاد نتقابل فية نتكلم بشكل أفضل
- تمام يا إبنى انا بكرة هخلص شغل و أستناك نتكلم فى أى مكان ولا تحب نتكلم عندى فى البيت
- وجد آدم انه من الأفضل ترك البيت للدخول برفقة أمه فرد مسرعا : لا يا عمو نخليها برة البيت و البيت وقته جاى قريب إن شاء الله
- خلاص يا إبنى الساعه ٢ بكرة هستناك
- وهو كذلك , شكرا لحضرتك
- الشكر لله يا إبنى
- أغلق آدم الهاتف و هو يفكر فى كل كلمة سيقولها و كيف سيقنعة بذاته , تذكر آدم أنه لديه عمل الساعة ٣ غدا .
- ذهب آدم إلى العمل و هو يفكر فى طريقة للإعتذار من العمل , دخل ليجد رقية كالعادة قد سبقته لهنالك , تعجب آدم من تلك الفتاة التى تعمل بكل طاقتها و لكنة قرر ترك الإهتمام للقاء الغد , سلم آدم على رقية و تبادلأ أطراف الحديث عن العمل ليجد مستر وليد ضاحكا معة
- أهلا بالشمهندس بتاعنا
- أنت فى هندسه يا آدم
- أه و للأسف و لسه بدرس
- وليد مقاطعا حديثهم : انا فى ملفين مهمين جدا عاوزكوا تشتغلوا عليهم إنتوا الإثنين ياريت لأنك عارف كل اللي عندى مش هيهتموا بشكل مناسب

- انا مستعد أريح الأنسة رقية خالص و أستلمهم لوحدى
- لا يا آدم عشان رقيه تتعلم طبيعة الشغل كمان
وافق آدم مضطرا للعمل معها , هى فتاه فى نظر آدم لا يعيبيها شئ للبعد عن
العمل معها , لكنه فى قرارة نفسه كان يظن أن مجرد نظرتة و حديثه لأى فتاه
أخرى بأى شكل من الأشكال خيانة لمالكة قلبه (سهر) .
و أثناء شرود آدم أتصلت به سهر , فإنتظر حتى يخرج من العمل أو بعيد عن
تواجد الموظفين و قال بهدوء :

- ألو

- أيه يا آدم الى إنت عملته دة ؟

-أيه يا سهر الى حصل تانى ؟

- إزاي تكلم بابا قبل ما تقولى , و طول اليوم ولا معبرنى أصلا

- و الله يا سهر مشغول طول اليوم روحت الكلية و طلعت منها على الشغل
حتى طلبات البيت لسة مجبتهاش

- آدم الى بيعمل كده دلوقتى هيفضل كده قدام , ده أسة إهمال يا آدم و
بجد إنت إتغيرت معايا

-أيه يا سهر ما قولنا كنت مشغول و بعدين انا بشتغل عشان مين يعنى , و
بعدين إهمال اية الى بتتكلمى عنه , أرحمىنى مش كدة

لا يذكر آدم أنه خرج عن صمته لتلك الدرجة خاصة فى حديثه مع سهر لكن
لكل شئ حدود

- طيب انا هريحك منى خالص

- طيب يا سهر , سلام

سهر : مش همك يعنى , سلام

مرت ساعات يشعر بها آدم براسة ستنفجر من درجة التفكير الشديد التفكير فى
مكاملة سهر, قرر آدم الدخول فى أى حديث للخروج من التفكير الذى سيودى
بحياته كاملة , و فجأه وقعت عيناه على رقية فوجدها تعمل بشكل غير مسبوق
لم يعمل به هو يوما من الأيام فقرر سؤاها عن سبب عملها من البداية

- رقية .
يبدو أن إندماج رقية بالعمل كان للدرجة التي تجعلها لم تسمع آدم على الرغم
من قرب مكاتبتهم , فأعاد آدم النداء مرة أخرى .

- رقية !
- نعم يا أستاذ آدم , أتفضل
- إنتى لية بتشتغلى مع دراستك أساسا ؟
سؤال وقع كالسهم على قلب رقية فبدأت عيناها تدمع للحظة , ثم تماسكت
و ردت فى تلك القوة المصطنعة بعد البكاء : عادى , عشان أصرف على نفسى .
- ربنا يباركلك فى رزقك يارب , كويس إن والدك وافق على شغلك دى خطوة
كويسة .

- هو وافق عشان مش قادر يرفض
ادم (فى إستغراب شديد) : مش فاهم قصدك
- دى حكاية طويلة يا أستاذ آدم , انا والدى متوفى من ٥ سنين
- انا كمان والدى متوفى , ربنا يرحمهم يارب
رقية : يارب .

أدم حاول إستطرد كلمة لأنه شعر انه قد جرح رقية بسؤاله لكن السؤال أتى
بما لا تشتهى السفن و زاد من الجرح كعادة كل شئ فى حياتنا
- عايشة مع والدتك و إخواتك صح ؟

رقية (بدموع و بضعف لم يراة آدم بحياته)
- أنا والدى كمان متوفية,, أنا عايشة مع أخويا و أختى الصغيرين بس .
قد يكون أقسى ما بيوم آدم هو رؤيته لهذا الضعف الذى لم يراه بأى أنثى من
قبل فخاف ان يحاول مجددا أن يزيد من حزنها و دموعها فيزيد الأمر كالمرة
السابقة ففضل النطق بكلمات بسيطة على الرغم من الحزن الشديد الذى
يعتصر قلبه على رقية تلك الفتاه التى وضعتها أمواج الحياة فى مكان لا تحسد
عليه أبدا , فكان آدم يظن أنه أتعس الناس و أن جمال حياة الوحيد يتمثل فى
(سهر) , أستطرد آدم كلامه لرقية التى بدأ لونها يشحب من الحزن الشديد :

ربنا يرحمهم يارب و يجعل مثواهم الجنة
رقية (بصوت متقطع من البكاء) : يارب يا أستاذ آدم
تذكر آدم موعدة مع والد سهر بالغد فطلب من رقية محاولة الحضور للعمل
مبكرا لأنه لديه موعد مهم للغاية و سيأتي متأخرة ساعة على الأكثر
- تحت أمر حضرتك يا أستاذ آدم

جمع ادم أغراضة مسرعا و خرج من العمل متجها للمنزل , شعرا انه لديه نعم
لم يكن يقدرها إطلاقا , كفى أنتى يا أمى من هذه الدنيا .
دخل آدم المنزل و قبل رأس أمه و أخبرها على تفاصيل يومه كما تعود ليدخل
إلى غرفته , نعم أنها ليلة كلية أول يوم دراسة , كلية رحلة مع أصدقائك ,
تنتظرها بفارغ الصبر , كلية العيد التى لا تقوى على إنتظار إرتداء ملابسها ,
ليالى حرم بها النوم , ليالى غلب عليها التفكير لكن الليله ,, ليلة تختلف عن
كل ما سبق فهى ليله كانت بالنسبة لأدم تحديد حياه كاملة , لحظات ليصل
إلى سهر عشق حياته الأبدى و توأم روجه , قرر فى تلك الأثناء الإتصال بسهر
ليطمئن عليها و ليحاول إخراجها من حزنها

- أى يا سو , كده مبتسألش عليا
- معلىش يا آدم كنت مشغولة فى البيت ولا إنت بس اللى بتتشغل عن الناس
آدم لنفسة : كل مرة اندم انى كلمتك يا نكد,
- أى هتقابل بابا إمتى بكرة
- يعنى هو قال كل حاجة و مش قالك ان المعاد الساعة ٢
- لا كنت ناسية بس
- و الله اللى يزعل القمر ده يستاهل كل حاجة وحشة
- بعد الشر عليك , قال يعنى هعرف أعيش من غيرك
- لا والله؟! , بدليل البهدله اللى حصلتلى من شوية صح
- خلاص بقى يا دوى
- بصى يا بنت الناس لو عاوزانا نكمل سوا إعرفى إنى مش دوى ولا ببى , واضح
كلامى ؟ -قالها آدم مازحا-

- و الله انت غسل يا آدم , يا بختى بيك
- والله يا بختى انا , انا أكثر راجل محظوظ في الدنيا يا سهر
- ما انا عارفة , يلا نام بقى عشان اللى وراك بكرة
- قالتها سهر بمزيج بين الثقة و الحنية :
- حاضر يا سهر , تصبى على خير يا حبيبتى
- و انت من أهل الخير يا حبيبي , سلام
- مرت ساعات آدم كالتى تسبقها لا شئ سوى التفكير في كل ما يمر بحياته و في كل كلمة سيحدث بها والد سهر غدا , يتمنى ان تتم الموافقة عليه , جاءت والدته في تلك الأثناء لتقاطع شرود آدم قائلة : مش هتاكل بقى يا آدم ؟
- حاضر يا امى لو لسه مكلتوش هاكل معاكوا
- طيب يلا و كفاية تفكير يا ابنى
- تصدقى البنت الجديده اللى معايا في الشغل ظروفها صعبة أوى يا أمى , والدها و والدتها متوفيين و هى المسئولة عن أخواتها الضغيرين .
- يا حبيبتى يا بنتى , حاول متتعبهاش في الشغل يا بنى -قالتها الأم متأثره بظروف رقية-
- و الله بحاول يا أمى لكنها عندها ضمير بشكل مشوفتش زية قبل كده
- ربنا يحميها يا حبيبي يارب , ايه آخر أخبارك أنت و سهر ؟
- لسه قافل معاها , و ربنا يسهل في مقابلة والدها بكرة
- ربك كريم و عالم بكل ذرة حب في قلبك يا بنى
- يارب يا أمى .
- ساعات و إنقضت ليلة آدم و مازال جالس بغرفة يفكر في موعده , و في سهر تلك القدر الذي جاء لقلبه دون أن يعلم كيف و متى ؟ , تعجب آدم من حالة لتلك الدرجة التي عشق بها سهر ففي البداية رآها ملاك دون أى عيوب و الآن بدأت عيناه ترى العيوب لكن أين المفرد ! , لقد قضى الأمر و أصبح القلب بها متيماً .
- عاد آدم ليفكر بكلام إسلام , يقع آدم في حيرة جبارة بين كلام إسلام و ما يعاكسه

من كلام سهر , يخشي أن يسأل سهر مباشرة عن إسلام و هل هناك ما يربط بينهم من قريب أو من بعيد , لكنة يخشى أن يعيد على حبيته ماضى تود نسيانة فيفضل السكون و عدم المواجهة مرة أخرى , السكوت بشكل خارجى لأن بداخلة خيوط متشابكة من الحيرة و الشك و الغضب , الحيرة بكلام من سيثق , الشك فى سهر و تصرفاتها فسبق و أن خرج منها أفعال كادت تنهى بحياتهما معا , و الغضب من إسلام الذى أصبح يشعر أنه يذكر سهر أمامة متعمدا , كالعادة فضل آدم النوم و ترك الأيام تدله على كل شئ فلا يوجد شئ يظل سرا مدى الحياة لكن أدعوا الله أن أعرف كل شئ مبكرا قبل فوات الأوان .
مر اليوم و جاء وقت مقابلة والد سهر و قلبة يرتجف من أى رفض من جهة الوالد ,

قابل آدم والد سهر بإبتسامة خفيفة تحمل ورائها خوف تلك المقابلة التى ستحدد إلى أين سيسير قلب آدم

- إزيك يا آدم

- الحمد لله يا عمو

تبادل الإثنان أطراف الحديث حتى طلب أحمد من آدم الدخول بالموضوع مباشرة قائلا : انا طالب ايد سهر و صدقنى حضرتك هحافظ عليها لأخر نفس فى

- شكلك إنسان محترم يا بشمهندس و اللى شجعنى أقابلك هو إن سهر عاوزاك

هى كمان و ده واضح من كلامها

- و أنا أتشرف أنى أكون واحد منكوا يا عمو - و قد إرتسمت على وجهه ملامح الشعور برضا الوالد -

- طيب يا سيدى أعتبرنى وافقت مبدأيا

أنه النفس الذى أعلن عن حياة جديدة لأدم , كلمة رسمت إبتسامة على وجة آدم , أستمررا الطرفان فى الحديث , فوجد والد سهر فى آدم رجل يعتمد عليه , و أخلاق عالية بالمقام الأول و الخير .

انتهت المقابلة التى دامت ساعتين من الحديث عن أمر إرتباطهم الذى أصبح

رسمياً بشكللاً ما الآن إضافة إلى أمور الحياة و المعيشة .,, أدم يشعر أن كل دقة بقلبة هي قنبلة تكاد تفجر المكان بأكلمة , قبل وصول أحمد للمنزل ليشر الجميع أتصل أدم على سهر متلاعباً بأعصابها كما حدث معه خلال الأيام الماضية .

- ألو

- مال صوتك يا أدم , طمني أرجوك

- للأسف يا سهر والدك رفض كل شئ -قالها و هو يحاول أن يخفى صوته السعيد-

بدأت سهر بالبكاء بصوت مرتفع , فلم يكن أدم متوقع رد الفعل بتلك القساوة فقال لها : بهزر معاكى والله بابا وافق و هتبقى ليا يا سو

دام صمت من سهر لمدة دقيقة كالذى ألقيت عليه ماء درجة حرارته أقل من صفر ثم تابعت بهاء ساخن , صدمة كانت جديره بأنت تغلق سهر الهاتف فى وجة أدم .

حاول أدم الإتصال بها مرة آخر لكن كان الرد من والدتها تلك المرة

- مبروك يا أدم

- ربنا يخليكى ليا يا ماما يارب

- سهر هتكلمك , انت عارف دلح البنات دة

- تمام يا ماما

- و الله هعرفك تضحك عليا تانى

- بحبك

- و انا بعشق حروف أسمك يا أدم

دامت لحظات من الرومانسية بينهما حتى وصل والد سهر ليظهر الجميع علامات الإستفهام كأنهم لم يعلموا بعد , و على الرغم من أن الوالد لم يصدق عدم علمهم إلى الآن قال بإبتسامه :

- إية محدش بيزغرد يعنى

- ربنا يباركلهم يارب , حددتوا معاد قراية الفاتحة ؟

- أه إن شاء الله بعد الترم دة ما يخلص
ومن الجانب الآخر بدأ آدم ينتقل من أيام الخوف من عدم وجودة جانب
سهر إلى أيام الشعور بمسؤوليته لبدء بناء هذا البيت الذى سيكون مملكتهم
مهما كان شكلة أو حجمة , حاول الإتصال بعمار ليخبرة بعدما بشر والدته و
أخية بالخبر لكن يبدو أن عمار لم يكن متفرغ لتلك المكاملة , بالتأكد له حق
في تجاهل وجودى تماما , لماذا يكون ثمن الوصول شخص فقدان آخر ؟ , يكون
ثمن النجاح خسارة أيام الشباب ؟ , هل هذا فشل في ترتيب أولويات حياتنا ؟
, قد تكون فرحة لم تكتمل إلى الآن لأنه يفتقد سعادة صديق عمرة إلى جانبه
فكان يرى أنه الآن وفي بعهدة لسهر و من الممكن البوح بكل شئ و لكن دائما
ما تأتى الرياح بما لا تشتهي السفن , إتصال وارد إلى آدم من إسلام كان بمثابة
نقطة سوداء في هذا اليوم الجميل لكن إلى الآن آدم تائة بين كلمات و خدع
إسلام في الإيقاع بينه و بين سهر , لكن لماذا يفعل هذا و هو لا يعلم ما بينهم و
ما مصلحته بذلك , فضل آدم إنهاء تفكيره و الرد فورا على إسلام :

- ألو

- إزيك يا آدم , واحشنى

- انت أكثر

- معندكش أى خبر حلو عشان انا من الصبح بسمع أخبار وحشة

- لا والله لو عندك قولى إنت

- لما نتقابل بقى , و إسأل على أصحابك مش كده

- حاضر يا إسلام , هتعوز حاجة

- أه احنا نازلين النهاردة لو فضيت عدى علينا عاوز أشوفك

- ماشى , هنشوف

- سلام يا آدم

- سلام

ذهب آدم إلى عملة و هو يفكر في إسلام , يفكر في سبب تلميحات إسلام , و
ما الذى سيدفع بسهر لأى من تلك الأشياء التى لا معنى لها على الإطلاق سوى

النفاق أو الكذب أو الخيانة و هى ليست من صفات سهر .
قد تظن أنك ستتخطى ماضى نصفك الآخر بمجرد كونكم معا , لكن الحقيقة
هو أنه كلما زاد قربكم من بعضكم أصبح الماضى أكثر ألما و يشعرك بغيرة أكبر .
بين هنا و هناك وصل آدم إلى عملة ليجد المكتب مغلق , إذن لم تأتى رقية بعد
! .

ظهرت ملامح القلق على وجة آدم , و أخذ فى التساؤل عن سبب تأخر رقية
فهى اول من يأتى للشركة دائما , لم يعبأ آدم كثيرا بالتفكير و جلس ينتظر فحتمًا
ستأتى الآن رقية , كان إتصال سهر نهاية لتفكيره بتأخر رقية و خاصة عندما سمع
صوتها الرقيق : آدم إنت فى الشغل ؟

- أه أكيد هكون فين يا سو

- طيب شوية و كلمنى , انا مش هعطلك بقى

- تمام , أنا بعد الشغل هعدى أقعد مع صحابى شوية يا سهر

- أه تمام ده العادى بتاعك

- أغضض آدم عينيه متمالكاً غضبه :

- عادى أية يا سهر انا بقالى شهور مقعدتش معاهم يوم حتى عمار صديق
عمرى مبقتش أشوفة كثير .

- قصدك إن انا السبب يعنى يا آدم فى كل ده

- سهر بقولك أية بلاش مشاكل , شوية و هكلمك

- خلاص خلاص , سلام

فى تلك الأثناء وصلت رقية للعمل و تبدوا عليها ملامح الإرهاق و التعب كمن
قضى ليلته فى أشق الأعمال الممكنة دون نوم

- إزيك يا أنسة رقية

- تمام حضرتك , أسفة على التأخير

- أسفة إية هو انا المدير , المهم يكون خير

- أخويا الصغير تعبان شوية علشان كدة لازم أمشى بدرى النهاردة

- لا يا رقيه أمشى دلوقتى و انا هعمل كل الشغل إطمنى بس طمىنى على

أخوك

- ربنا يخليك يا أستاذ آدم , بجد مش عارفة أقولك إية

- بإذن الله أول حاجة هتقولها إن أخوكِ بقى تمام

- يارب

- إن شاء الله , سلام عليكم

ظل آدم يفكر طوال وقت تواجدة بالعمل في إسلام و توقعاته لحديثه اليوم أثناء تواجدهم معا , تذكر آدم في تلك الأثناء كلمة والدة له قبل وفاته بشهور معدودة -يوم ما تثق في إنسان يا آدم خلى عندك حرص بنسبة ١% على الأقل مهما كان الإنسان دة-.

دمعات جرت على وجة آدم القمحي عند تذكره والده , تمنى تواجدة لو ثانية ليحتضنه لا أكثر , ليسمع حرف واحد منه , فهو الأب الذى لا يقل أهميه عن عمودك الفقرى .

إنتهى وقت العمل ليبدأ وقت الأصدقاء بعد غياب أيام و شهور من تلك الجلسة التى لا تعوض لأى شخص , لكن آدم كان دائماً في قلق من جلوسه مع إسلام أو سماعه لأى من تلك الأحاديث الهزلية التى يتفاخر فيها بكسر قلوب الفتيات . وصل آدم إلى النادى ليسلم على عمار و إسلام و يجلس معهم متحدثين عن الكلية و آخر أخبار الدراسة

- عدت بسرعة يا آدم والله -قالها إسلام بإبتسامه عريضه-

نظر إليه آدم و هو يحاول تجنب الخوض في حوارات طويله معه قائلاً :

- طبعا أهى كلها أيام من عمرنا يا إسلام

- عارفين إني بفكر أخطب يا رجالة -قالها عمار و هو ينتظر رد فعل صديقيه على الخبر-

- و الله مفيش زى الإستقرار يا صاحبي , لو لقيت اللى تستاهل إتكل على الله أستأنف إسلام حديث آدم السابق قائلاً في حزم غير مناسب لشخصيته الهزليه الغير جاده:

- أه طبعا إسألنى أنا على الإستقرار , تعرف يا عمار إنت و آدم إنتوا أقرب ناس

ليا , مبعرفش أعمل حاجة من غير ما أخذ رأيكوا

- ربنا يديم المحبة يا إسلام

- يارب , بقولكوا إية أنا كمان بفكر أتقدم لسهر

كلمة عكرت صفو الجلسة كاملة , كتم آدم في قلبه كل شئ و لكن تظل الحيرة تمزق كل جزء بقلبه , حاول إعادة تركيزة حتى لا يلاحظ أحد تغير ملامحه بمجرد ذكر إسم سهر و لكن أراد الإستفسار فلا فرق في كل الحالات قلبه موجوع فقال بصوت متردد :

- طيب يا إسلام هي سهر إية رأيها في إنك تتقدملها ؟

- و الله انا مش فاهمها شوية تحسها قابلة و شوية تقول خيلنا أصحاب دلوقتى أحسن لكن انا حاسسها بتحبني زى ما بحبها , تعرف يا آدم انا أنغيرت عشانها . فردّ آدم بسخرية قائلاً:

- أدعيلهم يا عمار , ربنا يكرمهم بقى , هقوم أنا علشان عندى شغل كثير جدا الصبح .

أراد آدم أن ينهى التفكير في ذلك الموضوع , ففى بعض الأحيان مهما كان الموضوع بسيط لا يهم سوى معرفة الصادق من الكاذب , فمن يكذب في أبسط الأمور يخون الثقة و من يخون لا يستحق حياة مع إنسان صادق . أتصل آدم لسهر ليطمئن عليها و ليخرج نفسه من كل تلك الصراعات الداخلية التى تكاد تمزق قلبه ., كان آدم دائماً يرى أن أفضل طريقة لتغيير أى شخص للأفضل هو إعطائه دافع قوى و ما أقوى من أن يجعله واثقاً في نفسه و تلك هى الطريقة التى سلكها مع سهر ,, وسط كل تلك الأفكار كان صوت سهر كافي ,,

- أيوة يا آدم , عامل إية يا حبيبي ؟

- وحشتينى يا سهر

- شكلك عامل مصيبة

- لا والله انا بس أكتشفت انى بحبك أوى و بثق فيكى أكثر من نفسى , لقيت انك الوحيدة اللى ممكن تحافظلى على بيتى و أصدق إنسانة في الدنيا

- يارب أكون دائماً قد ثققتك يا حبيبي
لم يجد آدم رد على جملة سهر الأخيره سوى الدعاء سرّاً بأن تظل دائماً كما يحبها
ان تكون و أن تكون على قدر كافي من الثقة فتابع حديثه :
- هروح و أكلمك يا قلبى , سلام
- سلام يا آدم

ظن آدم ان خير طريقة لعلاج الأمر هو الحديث عن الثقة مع سهر , و لكنه يرى
بإسلام إنسان جديد حقاً ولن يتغير إنسان حقاً يوم بتلك الطريقة إلا إن قابلة
الحب الحقيقي , هل حقاً لا يوجد شئ في الدنيا له علاج السحر بتلك الطريقه
على أى إنسان سوى الحب, حاول آدم أن يصل إلى تعريف لما يسمى بالحب
فلم يجد له سوى تشبيها بسيط أنه كالإنسان الذى يهرب من غرقه في كل أمور
الدنيا ليقع في أكثر البحار عمقا , لا يختلف إثنان أن الحب هو الوحيد القادر
على أن يشعرك بالحياة بعد الموت و الراحة بعد الوجد لكن لكل عملة دائماً
وجهاً آخر , قاطع كل ذلك صوت رنه هاتفه ليجد رسالة من سهر كان مضمونها
كالآتى -هو فعلاً مش كفاية إني أقولك إن إنت الحياة بالنسبالي ولا كفاية إني
أقول إن الفرحة عندي لازم تكون مرتبطة بإسمك ولا كفاية إني أقول إن حياتي
واقفه عليك ولا كفاية إني أقول إنك بقيت بكل الناس عندي لكن يمكن كفاية
إني أقولك إنك حاجة أكبر من روحى مقدرش أعيش ثانية من غيرها و لو الحياه
هتكون من غيرك مش عاوزاها , بحبك يا آدم-

مع تلك الرسالة سقطت دمعات من آدم مع إعاصير من دقات القلب تكاد تهز
القاهرة و أنحاءها , بدأ صوت يتردد بداخلة : كيف يا آدم أن تشك في سهر لو
للحظة ؟ على فكرة يا آدم لو ضاعت منك سهر إنت هتضيع , أه طبعا أكيد
إسلام القذراعوز يفرق بينا , أكيد حس فقال أدمر حبههم و مش هسمحك يا
إسلام .

وصل آدم لبيتة و السعادة تتحرك كموجات من عينه يشعر بها كل من ينظر له
و قام بالإتصال بسهر بعدما أطمئن على والدته و على أخية ياسين ذلك الطفل
الذى يرى بأدم قدوة له في كل وقت , و بعد أكثر من مرتين ردت سهر على آدم

و هى تحاول إلتقاط انفاسها قائله :

- معلش يا حبيبي كنت فى المطبخ بجهاز العشا لبابا و لماما

- العشا؟! , أها طيب عقبال ما تجهزية ليا فى بيتنا يا سهر

- ده انا هعملك كل اللى بتحبة يا آدم , بجد بستنى الوقت اللى أكون فيه
حلالك بفارغ الصبر يا آدم

رد عليها آدم و كلماته تتقطع من كثرة فرحته : بجد يا سهر انا أكثر إنسان
محظوظ فى الدنيا بيكي , و هفضل أحافظ عليكى لـ آخر نفس فيا .

- طيب قوم كل الأول و نتكلم انا و إنت للصبح و إعمل حسابك إنت واحشنى
و هنتكلم للصبح .

- انا تحت أمر العيون دى يا ناس

- انا أسفة يا آدم بجد , أسفة على أى وقت أتعصبت فيه غضب عنى لكن إنت
أكثر إنسان بتستحملنى يا آدم و بجد ماليش غيرك .

- لا يا سهر انا راجلك , إتعصبى و إرمى همومك كلها عليا و انا عليا أشيلها
و أخليكى كويسة , صدقيني ميهمنيش حاجة فى الدنيا غير إنك تكونى بخير يا
سهر .

- ربنا يخليك ليا يارب يا آدم , يلا قوم كل و نتكلم .

- حاضر , سلام يا حبيبتي ,

- سلام يا راجلى .

كل منا له حلم قد يكون عمل أو شخص أو حتى شئ , لكن يبقى الطريق
الأفضل و الأطول من التمنى و الإنتظار هو المحاولة مع الظروف , أوقات قد
تظن أن الأيام هى حليفك الأول لكن هناك أوقات تجد الأيام أكبر أعداءك ,
فلو نطقت وسادتك لتحدث عن سيل جارف من الدموع و أصوات الدعاء و
أحيانا كلمة واحدة نكتفى بها لرب الكون (يارب) , بالتأكيد هناك سعاده
قادمة , سيأتى اليوم الذى تعود به من عمك الذى طالما تمنيته بسيارتك الفارهه
لزوجتك التى دمت سنوات شبابك تعشق كل تفاصيلها .

فى تلك الأثناء أتى إتصال من رقية لأدم , فتعجب من إتصالها ليلا به لكنة تأكد

أنه هناك ما يستدعى ذلك :

- السلام عليكم

رقية (بصوت تدمر من كثرة البكاء) : أنا أخويا أتوفى من شوية يا أستاذ آدم بعد
إذنا هأخذ أجازة و ياريت تبلغ مستر وليد إنت ..

- لحظه لحظة بس , أجازة إية اللى بتتكلمى فيها , إنتى فى دلوقتى
- فى البيت و الجيران كلهم عندنا إطمئن

- انا جاى حالا يا أنسة رقية و نبقى نتكلم فى الأجازة بعدين .

أغلق آدم الهاتف دون إنتظار رد من رقية و أخبر أمه ان هناك حالة وفاه و أنه
سيتأخر و قد لا يأتى اليوم من الأساس إلى البيت و ذهب مسرعا إلى منزل رقية .
طوال الطريق ولا يدور فى ذهن آدم سوى كلمة كيف ؟ , كيف تكون تلك الفتاة
بهذه القوة و تفكر فى عملها فى ذلك الوقت ؟ , كيف لإنسان أن يتحمل كمية
الفقد التى تحملتها رقية من فقدها لوالديها و لجو الأسرة بشكل عام و الآن
فقدانها لأخيها الأصغر ؟ , قاطع كل ذلك إتصال من سهر , فرد آدم مسرعا :

- ألو يا سهر

- إنت فىن يا آدم واضح إنك مش فى البيت ؟

- أه حصلت وفاه عند رقية زميلتى فى الشغل , أخوها إتوفى يا سهر

- ياسلام و إنتوا أصحاب أوى للدرجة دى

- بصى يا سهر بقولك أخوها , أظن ده مش وقت صحوبية خالص , ده وقت
واجب

- طيب كويس عشان انا لما أجى

قاطعها آدم قائلا : سهر بقول إية بلاش مشاكل دلوقتى و ياريت تبطلى كل

حاجة تقارنى بينا و تقولى أدام بتعمل أنا هعمل , شوية و أكلمك , سلام

- واضح إن كلامك كلة مجرد كلام بتقوله يا آدم , ياريت تكون فاكر الكلام اللى
قولته من شوية , ساعات بحسك مريض !

- شكرا , سلام يا سهر .

- سلام .

وصل آدم إلى المنزل و وجد رقية أمام المنزل تقف بجانب البيت باكية , و حتى كانت المسافة بينها و بين آدم لا تتعدى المترين لم تراه من كثرة الدموع التي ذرفت على أخيها .

قال لها آدم بصوت حزين و هو يتمزق من ذلك المنظر الذي يقشعر له الجسد : البقاء لله يا رقية .

- مقدرتش أحميه يا آدم , مات و السرطان أكل كل جزء في جسمه , كان بيحلم يكون طيار و انا قتلته هساعدك تحقق حلمك أيا كان و لما حلم أنه يعيش و دى أبسط أحلامه مقدرتش أساعده يا آدم .

- الأعمار بيد الله يا رقية , المهم أختك الصغيرة عاملة إية -جملة قالها آدم و هو يصارع دمعاته حتى لا تسقط من عيناه-

- نائمة و مش عارفة لما تصحى أقولها إية؟! .

- انا معاكى أهو و كل حاجة هتبقى تمام , و هقول للجيران إني قريبكوا من بعيد إطمنى .

- لا ممكن تروح دلوقتى , متتعشب نفسك

- تعب إية إنتى أختى يا رقية , متقوليش كده .

مرت الساعات الأصعب في أى وفاة , ساعات الوداع الأخير , لحظات تمر على أى إنسان كالسنوات , و قبل حمل الجثمان إلى سيارة الإسعاف طلبت رقية أن تبقى معه وحدها , رفض آدم بالبداية لكنها كانت مصرة على ذلك فتركها , لكنه ظل قريباً منها فقد كانت على حافة الإنهيار , سمع طلبها أن يوصل سلامها لوالدها ثم نحيب بصوت عالى لم يفهم ما وراءه من كلمات و فجأه حدث ما كان بالحسبان , إنقطع الصوت تماما فجرى آدم تجاهها و فتح الباب ليجدها مستلقية على الأرض و تقول كلمات غير مفهوم منها سوى : بابا و حاضر يا ماما .

أتصل آدم بالطبيب ليحضر ليتفقد حال رقية و في أثناء تواجد الطبيب مع رقية و أحد الجارات لتستفسر عن حالة رقية وضع آدم يديه في جيبه فلم يجد هاتفه , فتذكر أنه تركه بالخارج , ليصدم أن عمار أتصل ثلاثة مرات إضافة إلى رسالة

من سهر, قرر ان يتفقد رسالة سهر الذى كان يعلم أنها ستزيد من غضبة وقتها
و-واضح إنك مشغول أوى و مش فاضى حتى تتطمئن عليا - .
فضل آدم تأجيل الرد لوقت آخر ففى الحياه ما هو أقسى و أهم من الرد على
تلك الخلافات التى من نظر غالبية بنات حواء شئ لا غنى عنه .
أصل آدم على عمار ليفهم سر إتصاله سريعا قبل خروج الدكتور من غرفة رقية
- إية يا عمار فية حاجة ؟
- اه فية إنى هعدى عليك بعد كام ساعة بالعربية ننزل الجامعه عاوز أكلمك فى
حاجة مهمه, و بعدين حد بيرد كده
- عمار بقولك إية أولا الساعة ء الفجر دلوقتى و انا مش فاضى ثانيا انا مش
هروح الجامعه لإن أخو رقية توفى .
- رقية مين يا آدم , انا مش فاهم حاجة
- هبقى أفهمك سلام دلوقتى يا عمار
مر اليوم بعدما تمت مراسم الدفنة و العزاء , لا يذكر آدم من ذلك اليوم الطويل
سوى أنه الوحيد الذى كان يقف ليأخذ عزاء شقيق رقيه , كما يذكر تلك الزهرة
التى كانت تذبل دقيقة بعد دقيقة , لا يذكر سوى حزن رقيه فلم يتبقى لها
سوى أختها الصغيرة .
قام آدم بعد أن هدأ توافد الجيران و المعارف و ذهب إلى رقيه و أشار لها
ليتحدث إليها بعيدا عن المتواجدين قائلاً :
- انا هنزل علشان أطمئن عليهم فى البيت و بكرة الصبح هتصل بيكى لو مش
هيدايقك أشوف كل اللى إنتوا محتاجينه أعديه عليكموا
- لا يا أستاذ آدم كفاية تعبك النهاردة أوى , و انا بكرة هاجى الشغل بإذن الله
- لا إية إنتى أختى الصغيرة , و بعدين مفيش شغل اليومين دول خالص انا
هقوم بكل حاجة إطمنى يا رقية .
حاولت رقيه أن تجد كلام لكن آدم قاطعها مواصلا كلامه : خلاص إتفقنا هكلمك
و هتقوليلى اللى إنتى عاوزة , و البقاء لله يا رقيه .
ردت رقيه و الدموع تتحرك فى عينها : و نعم بالله يا أستاذ آدم و بجد شكرا

لحضرتك على التعب ده كله .

خرج آدم من منزل رقيه وهو لا يري سوى طريق بة غيوم من كثرة دموعه على حال تلك المسكينه ليأتى له إتصال من صديقة عمار :

- إزيك يا عمار

- من آخر مرة إتكلمنا و انا قلقان يا آدم , إنت بخير

- اللي يشوف حال الناس و خاصة حد زى رقيه , يحمد ربنا ليل نهار يا عمار

- طيب وقت ما تروق عاوز أتكلم معاك شوية , و بعدين عاوزين نروح الجامعة

علشان الإمتحانات الشهر الجاي .

- خلاص ننزل الجامعة بكرة بس متأخر و منها تقولى اللي عاوز تتكلم فيه

- ماشى , البقاء لله يا صاحبي

- و نعم بالله يا عمار

شعر آدم أن العمل و الدراسة و كل ما مر به من ظروف خلال الفترة الماضية

كان سبب في بعده بشكل كبير عن أهلة و خاصة والدته التى كان يشعر

بوحدها و حزنها كلما مر إلى جانبها , تلك الأم التى تشبة كل أم أمينه و عاشقة

لأبنائها قررت إنفاق سنوات عمرها بعد وفاه زوجها من أجل أبنائها , قرر آدم

أن يشتري لأمه و ياسين أخية بعض الشوكولاتة و إشتري لأمة هدية أخرى

صغيرة فعلى الرغم من أنه لم يكن بتلك الحاله المناسبه لعمل كل ذلك إلا إنه

يعلم أن والدته و أخيه لا ذنب لهم بكل هذا , عاد فورا إلى المنزل و قضى الليلة

إلى جانبهم .

لم يذكر أنه قضى ليلة سعيدة كتلك التى كانت مع أهله منذ أعوام , كحال الكثير

ممن تنسيهم تجمعات الأصدقاء و الرحلات و التواصل الإجتماعى و غيرها من

متع أيام الشباب حياتهم مع أهلهم , لكن هل سنلتفت لهم قبل فوات الأوان,

و فى تلك الأثناء إتصل آدم على سهر ليطمئن عليها على الرغم من توقعه لكم

المشاكل التى ستحدث من إدعاء سهر على طريقة أغلب فتيات أيامنا إنعدام

الإهتمام و الذى يقاس بعدد مرات الإتصال لا أكثر :

- وحشتينى يا سو .

- والله كويس إنك لسه فاكرنى .
- حرك آدم يديه على وجهه محاولاً تمالك أعصابه قائلاً :
- و هو انا أقدر أنساكى , ربنا العالم اليوم كان صعب إزاي
- طول عمرك حنين و قلبك كبير يا بشمهندس
- انتى قلبى و بس يا سهر
- ربنا يخليك ليا يا آدم , انا هنزل بكرة الجامعه على فكرة
- طيب ما انا هنزل معاكى إية المشكله و هوصلك بنفسى كمان .
- و ليه تعطل نفسك أوى كده
- سهر ربنا يخليكى بلاش أوفر فى الكلام
- طيب يلا تصبح على خير
- هصحيكى انا الصبح , و إنتى من أهل الخير
- طيب باى

أستيقظت سهر صباحاً على صوت آدم كالعادة التى قاربت الروتين مثل أى شئ بحياتنا :

- صباح الخير يا أجمل بنت فى الدنيا
- كلمات جعلت سهر تنسى خلافهم أو فلنقل تتناسى فهى من النوع الذى لا ينسى شئ مطلقاً حتى تلك الأمور البسيطة :
- صباح النور يا حبيبي
- انا حلمت بيكى على فكرة
- و حلمت بإية بقى يا بشمهندس ؟
- حلمت بيكى و بيتتنا و تفاصيل هموت و أعيشها معاكى
- طيب إبقى إحكىلى و إنت موصلنى الجامعة بقى ممكن
- طبعا ممكن أنا أطول
- طبعا مش تطول يا بابا

- يلا إفطرى و نتكلم فى الطول بعدين يا أوزعه
- أنهى آدم مكالمته السعيدة و خرج ليطمئن على والدته , فوجدها تعد الإفطار لهم ليتفاجيء بسؤالها : صباح الخير يا آدم , هي رقيه بقت أحسن دلوقتى ؟
- تعجب آدم من ذلك الأهتمام المنصب على رقيه لكنه أقنع نفسه أن الأمر من باب الحزن على حال و ظروف رقيه
- الحمد لله يا أمى , إنتى إزيك ؟
- بخير يا حبيبى , ربنا يطمنى عليك
- ممكن تبقى تترتاحى عشان القلب عندك
- و مين يا إبنى هيعمل شغل البيت
- ربنا يخليكى لينا يا ست الكل أنا هاكل و نازل عشان أروح الجامعه ربنا يعدى السنه دى و الي بعدها علي خير و نخلص من الكلية الغريبة دى
- ليه كده دى كانت حلم عمرك يا آدم
- مكتتش عارف اللى فيها بقى يا أمى , الحمد لله
- تذكر آدم أنه من المفترض أن يطمئن على رقيه الآن , فإتصل بها على الفور :
- عامله إية يا رقيه ؟
- الحمد لله , ماشى الحال
- طيب من غير كلام كتير كده انا هنزل الجامعه الأول معلش و هعدى أجييلك اللى تحتاجية متنزليش بس جهزى كل طلبات البيت
- والله ما عارفه أقول لحضرتك إية , بجد تسلم
- إنتى أختى يا رقيه عيب, مفيش بينا شكر
- ربنا يخليك
- شوية وهكلمك و بالمناسبة إنتى أجازة الإسبوع ده من الشغل و انا هخلص كل الشغل , فى حفظ الله
- ربنا يجازيك خير على كل اللى بتعمله يا آدم , فى حفظ الله
- ذهب آدم إلى الجامعه مع سهر دون أى تفاصيل كآى يوم من حياتنا , كالروتين اليومي الممل الجدير بخلق حالة من الإكتئاب الحاد لكل منا , لكن ما لفت نظر

أدم نظرات عين إسلام اللامعة عندما مرت سهر إلى جانبته , نظرات لا تكذب ولا تتم إلا عن قلب ذاب شوقاً و حباً .

ها هي نفس الصفحة تُفتح من جديد من الكاذب و من الصادق بينكم , أصبح أدم في حيرة دائمة لكن قاطع كل شئ كلمات عمار إلى جانبته : مش قولنا هنروح الجامعة مع بعض ولا إنت نسييتنى .

رد أدم ضاحكاً : والله يا عمار غصب عنى كنت بفكر فى حجات كتير تخص الشغل , المهم إنت عامل إية ؟

- تمام الحمد لله , واقف مع صاحبك أسلام من الصبح و طول الوقت سرحان , تفتكر الواد ده صادق فى كل اللى بيحكاه؟

-: على فكرة مش لازم نشغل دماغنا بالتفاهات دى , انا طالع أشوف الأمتحانات

أمتى و أصول الورق -قالها أدم محاولا الهروب من حديث فى ذلك الأمر -

إنها لعنة التعلق بشخص , اللعنة اللى ستدوم طوال وجوده أمام عينك أو حتى فى لحظات غيابه , اللحظات التى ستمر على المتعلق سنوات , إنه التعلق الذى سيجعلك تربط الحياة كلها بشخص واحد , لكن هل سبق و دار بعقلك لمرة واحدة أو لثوانى معدودة هل هذا الشخص يستحق كل ذلك أو لا ؟ , هل عندما

أعيش كامل أيامى , لهذا الشخص سيبادلنى نفس الشعور أم لا ؟

بالطبع لم يمر على أيامنا للحظة تلك الأفكار , ليس غباء العقل و لكنة غباء القلب , تلك القطعة التى لا تتعدى بحجمها قبضة يدك لكنها إن صُدمت ستجد قبضة من حديد تضرب حياتك كلها لتطيح بك إلى مكان لا تعلم شئ عنه فسلاماً لقلب أذابة العشق و أرهقة التعلق .

أنهى أدم ما كان يبحث عنه و إتصل بعمار ليجده منتظرة فى نفس المكان الذى تركه به , فخرج الإثنين مسرعين ليذهب أدم حاملاً كل ما تطلبة رقيه منه ,

لم يفهم أدم نفسة فى كل ما كان يفعله تجاه رقيه سوى إنه كان يشفق على حالتها , وصل أدم إلى منزل رقيه حاملاً كل ما طلبته منه و أضاف عليه بعض

الحلوى كهدية لأختها الصغيرة و التى أصبح يشعر أنه أخيها الأكبر ,

مرت أيام و لا يشغل بال أدم سوى سهر و كلام إسلام , على الرغم من كونه

غير واثق بالمرّة في إسلام و معرفته الجيدة لتلك الشخصية إلا إنه كان يود إنهاء التفكير أو الشك بداخلة حتى و إن كانت نسبته لا تذكر , و في تلك الأثناء وجد رقم غير مسجل على هاتفه يتصل به فرد آدم لعله يكون أمر طارئ بالعمل : السلام عليكم

-مش معايا رصيد و لقيتك واحشنى قولت أكلمك يا بشمهندس -
نعم إنه صوت سهر الذى لن يتوه عنه آدم لحظة واحدة فإستطرد : طيب إقفلى و انا هكلمك على الموبيل بتاعك

- أوك يا حبيبي
أصل آدم على سهر و هو لا يعلم سر تلك المفجأة و المكاملة السعيدة و أول ما قاله لها بصوت متردد : هى حبيبتى تمام و لا فية إية بالضبط مش متعود أنا على الحنية دى ؟

- لا تمام طول ما إنت معايا يا آدم , ربنا يخليك ليا يا حب عمرى .
- و يخليكى ليا يا حبيبتى , فينك دلوقتى ؟
- فى الجامعه بصور ورق و همشى حالا .
- طيب انا هاجى أخذك من الجامعة يا حبيبتى .
- ما إنت لسه موصلنى الصبح لحقت أوحشك مثلا .
- عارفة يا سهر إنتى بتوحشيني حتى و أنا شايفك و لما تغيبى عن عيني بفتقدك , و بعدها بلحظات بكون مش فارق عن الميتم غير إن فية نفس طالع و داخل بس .

- بجد مش عارفة بتجيب كلامك ده منين يا آدم .
- أجيلك و أبقى أفهمك بجيبة منين يا هانم .
- باى يا أجن عاقل فى الدنيا
- فى حفظ الله يا حبيبتى

نسى آدم كل ما كان يفكر به قبل المكاملة و أصبح كل همه هو الذهاب ليرى سهر , مرت دقائق لم يعلم آدم وقتها كيف وصل بتلك السرعة و لم يجد تفسير سوى كلمتين (قطار العشق) , لتطوى هى الأخرى الأرض لترى آدم , ساعة مرت

كأنها لحظات معدودة لم يشعر بها العاشقين و هما معاً لم يقطع نظراتهم إلى بعضهما سوى صوت السائق : الشارع ده مطبوط يا أستاذ
- أه يا باشا الشارع ده , تسلّم
ودع آدم سهر و عاد إلى بيته سعيداً بذلك اليوم الذى رأى سهر فيه مرتين و إن تركنا الأمر له لما فارقتها لحظه من لحظات يومه , و بتعبيراً آخر لما سمح لها بالخروج من بين ذراعيه أبداً , لكن ليس بيده أى شئ الآن سوى الإنتظار للوقت الذى ستكون فيه سهر ملكاً له و أمماً لأولاده مدى الحياة .

مضى الفصل الدراسى و نجح كلا من آدم و سهر و بدأ كلاً منهم بعد الأيام على قراءة الفاتحة , تمهيدا لأول خطوات حياتهم معاً .
جلس آدم فى مكتبة شارداً ماذا سيفعل عندما يفاجئ أصدقاؤه بخبر إرتباطه , و إن كان يرى أن المشكلة الأكبر فى إسلام الذى يغرق فى أوهام حب سهر له , قاطع حرب أفكار آدم صوت رقيق من جانبة : أظن بشمهندسنا محتاج فنجان قهوة منى

-رد آدم بإبتسامة - ربنا يخليكى يا رقيه , جيتى فى وقتك والله
- طيب ما حضرتك على طول بتيجى فى وقتك .

تعجب آدم من تلك الجملة و التى تلعثم على صداها كلام رقيه , و لكن آدم أراد تخطى الأمر و إشراك رقيه فيما يفكر دون الخوض فى تفاصيل الأمر : رقيه كنت عاوز أخذ رأيك فى حاجة

- إتفضل يا آدم

- أنا هخطب بنت قريب و إنتى أول واحدة تعرفى بحكم إنى بعترك أختى والله و ربنا عالم , الفكرة إنى مش عارف أقول لأصحابى إزاي , مش عاوز أحسسهم إنى كنت مخبى عليهم , خصوصا إننا متعاهدين نحكى لبعض كل حاجة .
صمتت رقيه قليلا ثم تابعت كلامها : و الله يا آدم ممكن تقولهم إنك كنت بتحافظ عليها مش أكثر و ده هيزود من رجولتك قدامهم .

- انا برضو فكرت في كده

- آدم !

- نعم

- ألف مبروك من كل قلبى , ربنا يسعدكوا يارب .

- ربنا يخليكى و يفرحنى بيكى و بأختك يارب , إيه مش هشرب القهوة

رقيه (بإبتسامة خفيفة) : عيونى يا عريس

و فى ظل تفكير آدم , طار عقله إلى بيته و حياته مع سهر , صوتها فى البيت , لحظات يغفو و يستيقظ فيها على وجه سهر و عيناها , و فجأة و كأن القدر يأبى أن لا تمر لحظة دون أن يعود آدم لأمر إسلام , كان الإتصال فى الوقت غير المناسب

- السلام عليكم

- و عليكم السلام و رحمة الله و بركاته يا آدم

- خير يا إسلام

- خير يا بشمهندس , كنت واحشنى و حبيت أطمئن عليك

- لا فيك الخير , انا تمام والله

- ما تيجى نازل وحشتنى القعدة معاك .

- بص يا إسلام بصراحة إحنا فى قعدتنا بنجيب سيرة الناس و انا مبحبش كدة .

- انا مبقتش كدة يا آدم , و قولتهالك كتير ياريت تصدق بقى , عموما انا قاعد

لوحدى فى النادى لو حابب عدى أشوفك و هبقى أوصلك للبيت .

- خلاص هشوف ظروف الشغل عندى و هكلمك .

- خلاص يا صاحبي أنا مستنيك .

مضى الوقت و آدم مازال يفكر فى كل المواقف التى قام بها إسلام تجاهه و فى

اللحظات التى أثبت فيها إسلام لأدم إنه من أشباه الرجال الذى لا يعيش سوى

للتلاعب بينات حواء , لكن لما التغيير الآن .

أسند آدم رأسه على المكتب و قال فى صوت مسموع : مش مصدقك يا إسلام

و هتجوز سهر حتى لو هخسرك , إنت من الناس اللى عرفتها غلطة بس خلينا

نشوف آخرتها معاك .

قرر آدم الإتصال على والدة سهر لكي يطمئن عليها , خصوصا لأنه قد مر أكثر من شهر على آخر تواصل مع أهل سهر و كان أول ما نطقت به الأم : السلام عليكم يا عريس

- واضح إن فية إجماع إني بقيت عريس , و عليكم السلام يا ماما إزيك

- يا حبيبي أنا كويسة طول ما انا مطمئة عليك إنت و سهر

- ربنا يفرحك بينا يارب و هانت و تحضري الفرح و تشيلي أحفادك كمان ياذن
الله يا ماما

- ياه إية السرعة دي

- احنا في الخدمة , هو انا أطول أشوفك فرحانة يا ماما , ربنا يخليكي لينا يارب ,
عمو عامل إية ؟

- بخير يا حبيبي كان لسه بيسألني عنك , و الله بيحبك أوى يا آدم

- القلوب عند بعضها والله يا ماما ربنا يخليه لينا و يخليكي يارب

- ماما و ياسين عاملين إية ؟

- بخير الحمد لله , و ماما باعته ليكي السلام .

- سلملى عليها و شكر على سؤالك يا حبيبي

- شكر إية يا أمى , ده واجبى

- ربنا يحميك يا آدم يارب

- تؤمريني بأى حاجة يا ماما ؟

- سلامتك يا حبيبي

- سلام عليكم

أنهى آدم عملة و أوقف أحد سيارات الأجرة لرقيه , و ذهب إلى النادى ليقابل

, إسلام و لا يذكر آدم وقت أثقل على قلبه من ذلك الوقت لكنه الفضول

جلس آدم مع إسلام و قال لة بسخرية : إية بقى مش هتطلبنا حاجة نشربها

... يعنى! ... حلاوة إنك إتغيرت يا سوم

- آدم انا عاوز أسألك سؤال , إنت ليه مش مصدق كلامى و دايمًا محسسنى انى

صاحبك غضب عنك ؟ , انا عارف إني كنت إنسان قذر بمعنى الكلمة لكن انا أقسمت ليك إني إتغيرت و إنت عارف إية غيرني يا آدم .

- بص بعيداً عن كل حاجة بصراحة انا مش مصدق حاجة من اللي حكيتهاالي , يمكن انا الغلطان أو إحساسى غلط لكن مش متصور إنك تتغير يا إسلام .

- و الله يا آدم من لحظة دخول سهر حياتي مرة ثانية و انا واخذ عهد إني ,, , آدم مقاطعا له : إسلام بلاش نجيب سيرة حد مش موجود الله يخليك يا إسلام - بس سهر مش حد يا آدم , صدقني انا قررت .,

قاطعة آدم للمرة الثانية : قررت إية؟! , تكذب عليها تاني , تخدعها و تخونها مع أقرب أصحابها , اللي فية طبع مش هيغيرة يا إسلام و أنا ياما نصحتك و إنت تقولي خلىنى أعيش حياتي .

- و أنا معترف إني كنت غلطان و بجد متفقدش تفكرني علشان أنا نفسى أنى أنسى كل الأيام دى يا آدم , ساعدنى أنى أكون أفضل بدل ما إنت كل ما تشوفنى تفكرني أنا كنت إية

- ربنا معاك يا صاحبي , انا هقوم أروح علشان فية حجات والدتي طالباها منى كتير لازم أشتريها

- طيب هوصلك انا يا آدم , إحنا متفقين على كده

- و الله مش عاوز أعطلك لو وراك حاجة أو هتقابل حد كدة ولا كده

- لا يا آدم مفيش حاجة يلا بينا .

أحضر آدم كل ما طلبته منة والدته و ذهب إلى المنزل ليجد ياسين جالساً في غرفة باكياً , فأثار فضولة معرفة ما به : مالك يا ياسين ؟

- مفيش يا آدم

- إية اللي مفيش , هو إحنا مش صحاب ولا إيه , إحكيلى علشان انا كمان عندي مشكلة في الشغل عاوز أحكيهالك .

لم يكن آدم يعنى ما قاله لكنة كان يريد أن يشعر ياسين بمدى قربهم إلى بعضهم , فمنذ وفاة والده و هو يعتبر نفسه أب لياسين قبل أن يكون أخيه الأكبر .

فرد ياسين بعد أن مسح دموعه : البنت اللي في درس العربى مش بتحبني يا آدم

مع انى بحاول أوصلها ده .
حاول آدم كتمان ضحكتة لكى لا يشعر ياسين بحماقة الموضوع و رد عليه بشئ
من الحنان : إنت أصلا مليون بنت تتمناك يا باشا و بعدين هم البنات مش
بيبنوا أى حاجة جواهم
رد ياسين بتلقائية : يعنى هى ممكن تكون بتحبنى و مش بتقول يا آدم بجد ؟
- أكيد بتحبك يا ياسين هو فية حد يقدر ميحبكش يا واد و إنت قمر و أبيضانى
كدة .

مضت الليلة فى ضحك الأخوين و حديثهم الذي لم ينقطع , لم يتوقع آدم أن
الوقت مع أخية سيكون ممتع هكذا .

إنه الحب , كلمة من حرفين جديدة بأن تجعل من أى إنسان مهما بلغ عمره
أو حجمه , طفل صغير , إن كانت هناك حقيقة ثابتة و قدر واضح بحياتنا
بعد الموت فهو الحب , الذي لا يفرق بين صغير و كبير , غنى و فقير , فلو كان
الحب إنساناً و حكم العالم لأصبح الجميع سواء متيمون بروح العشق , و لو
كان الحب حاكماً لكان عقابة أشد من تلك العقوبة المسماه بالإعدام .
حتى أنت يا ياسين لم تسلم من الحب فى ذلك العمر الصغير , و لكن قد يكون
الحب فى ذلك العمر هو الأكثر نقاء و الأبعد عن الشهوة و المصالح الكاذبة ,
من منا لم يعشق , من منا لم يبكى على وسادته على الرغم من حديثه الدائم أنه
لا يوجد شخص يستحق أن تبكى لأجلة .

فكر آدم أن يسأل سهر للمرة الثالثة عن أى شئ تريد أن تخبره به , و على الرغم
من أنه قد يكون متيقن أنه لا يوجد ما تخفيه سهر عنه لكنه كان يريد التأكد
لا أكثر , فإتصل بها ليطمئن عليها و يسألها عن كل ما يريد
- طيب أعمل إية و إنتى مبتغيبيش عن بالى لحظة كده
- يخربيت جنانك , إفرض حد رد عندى عليك يسمع الجملة دى على طول
كده؟

- والله هم يعرفوا بعشقتك قد إية يا هانم
- و الله وانا يموت فيك و نفسى أقولها للعالم كله
- و إنتى بالنسبالى العالم كله و ميهمنيش غير إن انا و إنتى عارفين ان روحنا متعلقة ببعض .
- ربنا يخليك ليا يا آدم
- بت حاسس فى صوتك إنك عاوزة تقولى حاجة صح ؟
- لا خالص يا حبيبى
- عارفة يا سهر أجمل حاجة فينا إن كل واحد فينا كتاب مفتوح للتانى .
- ربنا يسعدنا و يخليك ليا يارب
- يارب يا حبيبتى , بقولك إية قبل قراية الفاتحه عاوزين نازل سوا عاوز أقولك حاجة لكن لازم قدام عينك .
- على الرغم من إنك مجنون و بخاف من مفاجأتك , لكن انا موافقة
- خلاص بكرة نازل سوا و من غير نقاش .

- إتفقنا يا مجنونى .

أخذ آدم الليلة كلها فى التفكير بما سيفعله ليسعد سهر بالغد , ما هى الهدية التى تليق بها و إن كانت جواهر الكون كلها لا تكفى , تذكر آدم لحظتها أن سهر تعشق الفضة فقرر النزول صباحاً قبل موعد لقاءهم لتكون هديته لها قبل دبلة الخطوبة هى خاتم فضه من النوع الذى تحبه سهر .

و قبل النوم قرر آدم الإتصال بعمار الذى شعر أنه إفتقده خلال يوم واحد فقط , يعلم آدم جيداً أن إرتباطة بسهر عامل رئيسى فى قلة تواصله مع أصدقائه لكنها المسئوليه التى تزيد كلما زاد بنا العمر , و لكن مع محاولات الإتصال لم يرد عمار يبدو أنه نائم أو قد يكون مشغول , فقال آدم بصوت واضح : ربنا يحميك يا عمار و يسعدك لإن الرجاله اللى زيك قليلين جدا .

إستيقظ آدم و هو يشعر بشئ غير طبيعى , إحساس لا يليق بيوم سيرى فية

ملكة قلبه و زوجته المستقبلية , خرج ادم من غرفته بعدما أرتدى قميص تحبه سهر و وضع عطرها المفضل الذي يذكر أنها طلبت منه زجاجة من العطر لتشتم رائحته عندما تفتقده .

خرج آدم من المنزل سريعاً ل شراء ما قرر إحضاره لسهر بالأمس و قام بالإتصال بها ليطمئن أنها مستيقظة و أخبرها إنه ينتظرها , و كعادة إنتظار الرجال للنساء ظل آدم منتظر إطلالة سهر قرابة النصف ساعة و لكن لم يأبه إلا لذلك اليوم المشرق , الذي كان ينتظرة ليخبر سهر بكل ما يريد أمام عيناها .

- السلام عليكم , إتأخرت ؟

- لا أبدا , ده أنا و الراجل ده بقينا عشرة عُمر (ملمحاً لسائق سيارة الأجرة)
- أوك سوري

ذهب العاشقان إلى أول مكان إلتقيا به و كان آدم قد أتفق مع أحد العاملين بالمكان على أن يقوم بإنزال الهدية بشكل مبهج لسهر , و جذب الكرسي قائلاً لها بصوت مسموع لأخر المكان : إتفضلي يا ملكة جمال حياتي
ضحكت سهر قائلة : يخربيت جنانك يا آدم

قال لها آدم مازحاً بعدما جلس على الكرسي المقابل لها : يخربيت جمال اليوم اللى قابلتك فيه يا شيخه

- إمتى يجى اليوم اللى أصحى فية من النوم و ألقى نفسى فى بيتك , إمتى بقى يجى اليوم اللى أحضرك الفطار بإيدى , إمتى أكون ملكك
إبتسم آدم لسهر قائلاً : هانت يا قلب آدم , والله لأعمل كل اللى أقدر عليه
علشان أسعدك

إكتفى كل منهما بتبادل النظرات إلى بعضهما , نظرات كانت أعمق من حديث سنوات طويلة , نظرات كتبت عهود على أن يكونا معاً مدى الحياة.

قاطع نظراتهم صوت أحد عاملى المكان معلناً قدوم الهدية مع مشروب (الهوت شوكليت) المفضل لدى سهر , و لكن اول ما وقع عليه عين سهر تلك الهدية المميزة المقدمه بشكل رائع , فصمتت وأخذتها بيدها لتجد بداخلها خاتم أروع ما يكون , فقالت بصوت يكاد يصل لأدم بشق الأنفس : ربنا يخليك ليا يا أحلى

حاجة في دنيتي

بدأ الطرفان في الحديث معا عن حياتهم و كان أكثر ما لفت نظر سهر بكلام آدم جملة : صدقيني يا سهر هفضل أعمل كل حاجة تحببها مهما حصل لكن إعرفني إن أكثر حاجة بكرها الكذب يا سهر .

ردت سهر متعجبة : و إنت عارف إن عمري ما كذبت عليك يا آدم - انا مبتكلمش عنك لأنى عارف ده كويس و فوق كل حاجة انا واثق فيكى أكثر من نفسى

- ربنا يخليك ليا يا حبيبي

أستأذنت سهر لحظة من آدم و لكن أثناء نهوضها و حمل حقيبة يدها وقعت إحدى الأوراق من الحقيبة , لم يستطيع آدم لحظتها من لفت نظرها لتأخذ الورقة و إنما إنتظر حتى عودتها,

في البداية حاول آدم عدم النظر إلى ما بداخل الورقة , لكنه رأى أنه من حقة معرفة فماذا إن كان أمر هام .

فتح آدم الورقة ليجد بها إيميل و رقم سرى يبدو أنه لأحد مواقع التواصل الإجتماعى لكنه لم يكن يعلم هل يخص سهر أم لا , و يذكر آدم أنه لم يطلب من سهر الدخول لحسابها أو العكس يوما لأن الثقة كانت أساس علاقتهم .

قرآدم الإحتفاظ بتلك الورقة فقد يكون القدر أتى بها في طريقة لسبب ما , و بينما يد يده لداخل جيبه ليضعها عادت سهر مبتسمة له , فتغيرت كل معالم التفكير و الحزن على وجهه و عاد يتسم إلى سهر التى لاحظت عبوسه قبل الإبتسامه

- مالك يا آدم كنت مكشر ليه ؟

- انا تمام يا حبيبتى والله , هو الوقت اللى بتغيبي عنى فية بكون عامل كده

- خلاص انا مش هسيبك تانى

- ياريتته بإيدنا , ده انا مش هسمح لقوة تبعدك عنى مهما حصل يا سهر من لحظة ما تكونى ملكى .

- آدم بجد حاسه إن لسه كثير أوى

- يا حبيبتى هانت و الله و أنا فى الاجازة هبدأ شغل الصبح كمان علشان
مضيعش وقت و أعرف أجيبك شبكة تليق بيكى
- ربنا يخليك ليا , و الله حتى لو دبلتين انا موافقه يا آدم
- انا عارف إنك موافقه بس انا مش هسمح تكونى أقل من أى حد من صحابك
أو اللى حواليكى
- و فى ظل إندماج كلا منهما بالنظر للأخر و الحديث معا كان هناك إتصال من
عمار ، فضل آدم عدم الرد الآن لكن عمار كرر الإتصال كثيرا فأثار الأمر قلق آدم
و رد على عمار ليجد صوته مرتفع و فى قمة العصبية يقول : إنت فين يا آدم
- بخلص حجات للشغل يا عمار فية إية ؟
- حاول تجيلى يا آدم الله يخليك ، عاوز أقعد معاك قبل ما أتجنن
- حاضر يا عمار ، مالك بس ؟
- تعالى يا آدم و هتفهم كل حاجة
- إهدى بس و انا ربيع ساعه و أكون عندك .
- لا يذكر آدم انه سمع عمار بتلك العصبية ولا تلك النبوة الحادة من قبل فقال
لسهر : فى مشكلة عند واحد صاحبى يا سهر ولازم أروحله فوراً،
سهر بسخرية : أه طبعا صاحبك مهم جدا
- إية يا حبيبتى الكلام ده طبعا مهم لكن مفيش أهم منك و بعدين إحنا قعدنا
سوا أهو
- والله كنت فاكراك مبتزهقش من قعدتنا سوا لكن على كل حال يلا بينا نقوم .
- هعوضهالك يا روحى ، سامحينى
- إن شاء الله يا آدم , يلا نقوم بقى
- مش هقوم و إنتى زعلانة , و إعرفى إنى بتمنى العُمر كله يكون معاكى إنتى و
بس و مش عاوز بعدك حد
- خلاص يا حبيبتى ولا يهملك , ربنا يخليك ليا
- نزلا معاً ليوصل سهر أولاً إلى بيتها و يودع خطواتها بإبتسامة تحمل كل معانى
الحب و ذهب مباشرة إلى عمار ليجدة أشبه بالمدمن الذى لا يجد، وجد زجاج

متناثر على أرضية غرفة .

تعجب آدم من كل ذلك فسأل عمار عن ما حدث لينقلب بذلك الشكل , فكان ردة غير مفهوم إطلاقا و هو : ليه يا آدم لما نعمل كل حاجة لشخص هو أول إنسان يبيعنا , ليه بقت الناس أغلبها رخيصة كدة , هو انا وحش يا آدم ؟ , رد عليا انا عملتلها إيه علشان تعمل فيا كل ده

لم يفهم آدم من كلام عمار إلا إنها مشكلة مع تلك الفتاه التي طالما تحدث عمار عنها دون أن يكشف عن إسمها أو من هي و كان آدم يحترم ذلك من باب حرص عمار على الحفاظ عليها لحين إرتباطهم رسميا .

حاول آدم تهدئه عمار و جلس معة لكي يحاولا الوصول لحل لكل ذلك لكن كان الرد القاطع من عمار : خلاص يا آدم مبقتش ليا , خلاص يا آدم خطوبتها النهارده على العريس اللى حقق طموحات أبوها .

رد آدم بدهشه : هي اللى خسرانة يا عمار , اللى بيحبك هيحارب الدنيا كلها علشانك حتى لو كان أهله .

كلمات لم يسمع بعدها سوى صوت بكاء عمار لأول مرة , ذلك الإنسان الذى كان مصدر بهجة للجميع لم يدمر قلبة إلا الحب , و بدأ عمار بقول جمل لا تدل إلا على حسرة عاشق فقد قلبه اليوم : ده انا كنت بشتغل كل وقت علشان تكون ليا , ده انا كنت بحبها أكثر من نفسى , ليه يا آدم كده , قرر آدم ألا يذهب إلى عمله اليوم و جلس مع عمار طوال اليوم ليطمئن عليه , خاصة أنه كان أقرب من فقد إيمانه و التضحية بحياته .

مر اليوم و قد كان من أطول الأيام في حياة آدم , يوم تمزق فيه قلبة من أجل صديقة عمار , الذى لم يكن الضحية الأولى و لن يكون الأخيره لقصص العشق التى تنتهى بذلك الشكل المهين لقدسية الحب و عظمتة .

متى تعلموا أن سعادة أبنائكم في حبهم لبعضهم و ليست في المال , متى تعلموا أن من يحب أبتك أكثر هو من يحافظ عليها , يحميها يعاملها كملكة في بيته و أم لأولادة و ليس من يضع الملايين كمن يشتري سيارة لنفسه .

فالأجيال تتعاقب و يظل التطور العلمى و العقلى مستمر , إلا أن الأباء لا يزالوا

مقتنعين أن القاسم الوحيد الرابط بين سعادة ابنتي و زواجها هو المال ، هو قدره العريس على أن يكون العفريت السحري للوصول إلى أقصى حد ممكن من متطلبات الوالدين ، يمتلك شقه ، سياره ، مترف و سيلبي طلباتنا؟! ، إذن فهو العريس المناسب لكى ، و إلى الآن لا أحد يعلم متى سنفيق من تلك الغفله التى يبدو إنها ستستمر طويلاً .

كل شئ سيتغير إن علم الأباء أمراً واحداً أن كل ما يتم شراءه بالمال يسهل بيعه لشراء ما هو أغلى و أحدث منه , لو علموا أن الحب هو العملة الوحيدة القادرة على شراء السعادة و أن الأموال هى الخادم الأول لإسعاد المحبين ليس أكثر .

عاد آدم إلى منزله وتذكر تلك الورقة التى لم تأتِ على باله فى ظل إزدحام و أحزان اليوم , فخرج ليجلس قليلا مع والدته و أخيه لكن الفضول آبي أن يتركه يطيل فى جلسته ليحضر حاسوبه المحمول و يحاول إدخال الإيميل الموجود و الرقم السرى كحساب فيس بوك و كانت المفاجأة أنه بالفعل حساب خاص بالفيس بوك و لكن كانت الصدمة الكبرى و كأن اليوم يرفض أن يكتفى بذلك الكم من الحزن و يزيد الأمر على آدم بل و يطعنه بسكين حاد كاد أن يودى بحياته , صدمة جلس آدم بمكانة دقائق لا يتحرك ..

نسامح لا ننسى و الفرق بينهم كالفرق
بينى و بينك الآن

دق المنبه ليعلن عن الساعة الثامنة صباحاً , و لكن آدم كان مستيقظ منذ ساعات, حتى جاء صوت من بعيد كصوت الكروان ليلا على من ذاب عشقا :
 مش هتبطل كسل و تقوم بقى يا حبيبي
 أبتسم آدم و قال فى رفق : حاضر يا رقيه هانم هقوم حالاً .
 خرج آدم من غرفته ليجد جنى أول من قابله و قالت له فى رقة : يلا ناكل يا بابا سوا .

-رد آدم مبتسما لها- يلا يا حبيبة بابا
 حملها آدم على كتفيه حتى وصل إلى مائدة الطعام ليطلع قبلة حانية على جبين رقيه , رفيقة كفاحه و أم أولاده و قال : ربنا يخليكى ليا , بجد من غيرك يا رقيه عمرى ما كنت هوصل لحاجه من اللى إتمنيتها .
 - سبحان الله , ربنا خد منى عيلتى كلها علشان بيعتلى إنسان بالدنيا و ما فيها و عيله أجمل من الخيال .

- فين القرد الصغير بتاع العيله طيب - ملمحا على ابنه سيف -
 ردت جنى بصوت هادئ : بيلعب جوا يا بابا
 دخل آدم على ابنه سيف الذى قارب الوصول لسن الثلاث سنوات و أخذ يداعبه و خرجا معا ليتناولوا الإفطار ثم قام آدم ليرتدى بدلته السوداء و يذهب إلى مكتبه , ذلك المكان الذى ساعدته رقيه فى بناءه دون ملل , ذلك المكان الذى ينسب الفضل فى نجاحه بشكل ملحوظ إلى رقيه بعد الله فى المقام الأول,
 و فى الطريق قرر آدم الإتصال بعمار ليطمئن عليه بعد تلك المدة الطويلة التى لم يتواصل فيها الصديقين لسفر عمار لأحدى دول الخليج للعمل هناك .
 - السلام عليكم

- و عليكم السلام , واحشنى يا بشمهندس
 - إنت أكثر يا عمار والله , عامل إية عندك
 - والله بسريح يا صاحبي , بعد ما كان الواحد بينور بقى لون الشوكولاته خالص

ضحك كل من آدم و عمار و هما على علم بكل مشاكل العمل داخل و خارج مصر ., ضحكان كانت للتنفيث عن غضبهم لكل ما يدور حولهم
قال آدم له في رفق

- تستاهل ما أنا عمال أقولك تعالى نشتغل هنا مع بعض تقولى خلينى .
- معلش يا آدم , عاوز أرجع واقف على رجلى , مش عاوز أى غلطة من قبل
كده تتكرر معايا من جديد .

- ربنا يرزقك يا عمار , إنت تستاهل كل خير يا صاحب عمرى .
- الواد سيف و البت جنى عاملين إية؟! ., وحشونى العيال دى
ضحك آدم بصوت مسموع قائلاً : والله إنت غلبان مسيرك ترجع للغبانة اللى
ساييها هنا بقالك ٣ سنين دى و تتجوزوا و هتعرف معاناة صداع الأطفال فى
البيت

- ربنا يسهل يا آدم و أعرف أعملها جزء من اللى تستاهل , كفاية صبرها
معايا علي الرغم من عدم رضا أهلها بالتأخير ده كله ., قليل لما بنلاقى إنسان
يستحملنا بكل مشاكلنا و عقد حياتنا ., قليل يا آدم لما إنسان ميدورش إنت
هتتغير أمتى أو حالك هيتصلح أمتى لكن كل اللى شاغله يعمل إيه عشان
يسعدك

كلمات ذكرت آدم برقية بكل ما قدمته و مازالت تقدمه قائلاً :
- هانت و ترجع و تعمل أحسن فرح فى مصر كلها يا عمار ., ربنا يخليكوا لبعض
- يلا بقى ركز فى طريقك علشان إنت متهور فى السواعة جدا

- ربنا يستر

- سلام يا آدم

- سلام يا بشمهندس

أغلق آدم الإتصال و ما هى إلا دقائق معدودة حتى وصل إلى مكتبه و جلس
يفكر فى تلك الليلة الماضية التى تجمع له شريط الماضى كاملاً أمام عيناه , تذكر
كل صدمة تعرض لها , تذكر حبه الأول , تذكر لحظات لم يكن يعلم من الصادق
و من الكاذب , ثقة تدمرت بسبب كذب و خداع , تذكر كل شئ تمنى فقدان

الذاكرة مرارا و تكراراً لكي لا يتذكره لكنه أشبهه بشبح تكون و تجسد من كل ذكريات الماضي التي تأتي أن تتركة لحظة .

لحظات تمر بحياتنا يكون شخص أو هدف ما هو كل تفكيرنا ولا شئ سواه , لكن في تلك اللحظات قد يكون هناك ما هو خيرا لك في الطريق ولا تعلمه , فلن يتركك الله إلا و أنت راضٍ , جملة إن تمعنت بها تركت كل شئ للخالق , لإرتاح قلبك من هم و تفكير مؤرق .

قاطع تفكير آدم أحد الأصوات القريبه لعاملى المكتب : تشرب حاجة يا بشمهندس ؟

رد آدم : أه قهوه زيادة يا عم ربيع بعد إذنك .

فتح آدم الملفات الخاصة بمشروعهم الجديد و لكنه لم يستطع التركيز إطلاقاً في الملفات , فأغلقها و أسند رأسه للخلف محاولا الهرب من كل شئ و أولها ذكريات الليلة الماضية , ليأتى الشئ الوحيد القادر على ذلك , إتصال رقيه اليومي للإطمئنان على آدم .

- ألو

- حمد الله على سلامتكم يا حبيبي , إنت في المكتب .

- أه يا حبيبتي , وحشتوني على فكرة

- واضح أن العيال دى هتاخذ منى الحب كله

- إنتى الحب كله يا رقيه , لما ببصلك بشوف الماضي الحلو و المستقبل كله .

- ربنا ما يحرمنى منك يا حبيبي , يلا هسيبك تكمل شغلك و أنا هقوم أبدأ في

تحضير الغدا حالا

- هتأكلينى إيه بقى ؟

- مفاجأه يا بشمهندس لما تيجى هتعرفها .

- خلاص يا حبيبتي و انا مش هتأخر .

- سوق على مهلك يا آدم ربنا يخليك

- حاضر يا حبيبتي متخافيش

- لا أخاف هو انا ليا مين غيرك

- ربنا يخلينا لبعض و لأولادنا
 - يارب يا حبيبي
 - في حفظ الله يا روكا
 سمع آدم أحد الخطوات القادمة لتكشف عن قدوم زميله إبراهيم : صباح الخير
 يا كبير
 - صباح النور يا هيمما إزيك ؟
 - والله مش كويس و لو مزاجك مش رايق قولى علشان نتكلم بعدين .
 - هو مش رايق بس لو يخص الشغل ياريت نتكلم فيه دلوقتي
 - الأرض اللى المفروض يقام عليها المشروع اللى إستلمناه اليومين اللى فاتو
 عليها مشاكل و رجل الأعمال صاحب الأرض كان واخدها وضع يد مش شاريتها
 خصوصا إنها ملك الدولة و ملفات القضية إتفتحت فى النيابة
 صُدم آدم , فقد كان سعيد بذلك المشروع الذى جاءهم كمنقذ فى ظل ركود
 سوق المقاولات فى البلاد .
 إستأنف إبراهيم حديثه : خير يا ادم بإذن الله , ربك هيعدله
 - يارب يا إبراهيم
 إنتهى يوم العمل و غادر آدم مكتبه و لكنة فكر قبل العوده إلى منزلة أن يمر
 ليشتري بعض الزهور إلى زوجته , خصوصا أنه يعلم عشق رقيه للزهور و جلس فى
 سيارته قليلا يفكر فى تلك الأشياء البسيطة فى نظر الرجال و التى تعنى للمرأة
 الكثير , تلك المواقف التى قد تساعد بنجاح حياة بأكملها و سعادته لا توصف .
 وصل آدم إلى بيته ليجد سيف خلف باب البيت و كأنه ينتظر قدوم والده ,
 و بعدها طلت عليه ملاكه , الإنسانية التى طالما رآها فى فنى همومه و أحزانه .
 أعطى ادم رقيه باقة الورد فى صمت و إكتفى بنظرات عينه التى كانت تحتضنها
 من شدة الحب .
 أستبدل آدم ملابسه و دخل ليساعد رقيه فيما تبقى من الطعام , و قبل دخوله
 إلى المطبخ قال آدم بصوت مسموع : شامه يا جنى ريحة ورق العنب
 ضحكت رقيه و قالت : إية رأيك بقى فى المفاجأه دى , عارفه إنك بتحبه

- بس بحبك إنتى أكثر
- قاطعتهم جنى ببراءة الأطفال المعهوده -
- و بتحبنى انا كمان صح ؟
- طبعا يا روح بابا .. ده أنا يموت فى جمال أمك
- قالها ناظراً لرقية لتزول إبتسامته سريعاً ..
- جلس آدم يفكر على مائدة الطعام فلاحظت رقيه ذلك فسألته : مالك يا آدم؟ ,
- واضح إن فيه مشاكل فى الشغل
- أه للأسف المشروع الجديد اللى كنا هنشغل فيه , طلع عليه مشاكل و للأسف
- انا كنت حاطط أمل كبير على المشروع ده
- يا حبيبى خير , ربنا مبيجيبش حاجة وحشه و إنت مجتهد و بتراعى ربنا فى شغلك
- يارب يا رقيه , نفسى أشتغل كل لحظة علشان نعيش مرتاحين .
- الراحة فى وجودك جنبى يا آدم مش فى أى حاجة تانيه
- (وراء كل رجل عظيم إمراه) عارفة يا رقيه الجملة دى كنت بسمعها كثير بس مفهمتش معناها إلا لما بقيتى معايا .
- ربنا يقدرنى و أسعدك يا آدم فى كل لحظة زي ما إنت مفرحنى دايمًا
- إنتهى الغداء و جلس آدم و رقيه كما إعتادا مع أولادهم , قرر آدم الإتصال على أمه للإطمئنان عليها
- إزيك يا أمى
- إزيك يا حبيبى و رقيه و الأولاد عاملين إيه
- رقيه تمام و العيال مطلعين عينى و عينها
- ربنا يخليك ليهم يارب , عاوزه أشوفك لما تفضى يا آدم
- طبعا يا أمى , انا اليومين الجايين هجيب رقيه و سيف و جنى و نجيلك برابطة المعلم كده
- تنوروا يا حبيبى ده بيتكوا
- ربنا يخليكى لينا يا بركة العيله إنتى

أنهى آدم حوارهِ مع والدته ليجلس على حاسوبه المحمول ليتصفح الأخبار و لكن أول ما جذب إنتباه آدم لحظتها هو ذلك الخبر الخاص بالأرض التي كان من المفترض أن يعمل عليها مكتبه , و أثناء قراءته للخبر قرء إسم (أحمد رياض عاشور) , أحد مساعدين رجل الأعمال و المتورطين بالقضية .

هل هذا ممكن ؟ , والد سهر أحد مساعدين رجل الأعمال المتورط بكل ذلك , علامات الدهول و الصدمه لم تفارق وجه آدم .

حاول آدم الهروب من كل ذلك خاصة أنه لم ينم ليلة أمس , ليُدخل إلى غرفته المظلمه فيسمع صوت دعاء قادم من إتجاه الشباك , نعم إنها رقيه تدعو بصوت أقرب إلى التوسل -يارب إحميه لنا و إرزقه , يارب انا ماليش غيره أحفظهولي و لو مكتوب حاجة وحشه خليها ليا لكن هو لأ -

كلمات دمعت لها عين آدم , فلو عاش قرون و مر على جميع البشر لن يجد من يحبه مثل رقيه , من قال أن الحب الأول هو الأصدق؟! , أنه بالتأكيد شخص لم يقابل مثل رقيه بحياته , تناسى آدم كل ما مر عليه اليوم عندما وضع يديه على كتف رقيه لتلتفت له و يضمها بين ذراعيه, لا يعلم من منهم يحتاج لهذا الحزن أكثر , لكنه يعلم أنه شئ ضروري ليكمل حياته .

صمت آدم و ذهب إلى سريره بعدما أخذ ما يكفى لجعل ليلته سعيده للغايه , و قال لها : تصبحي على خير يا حبيبتى
- و إنت من أهل الخير و الجنه يا حبيبي .

هنيئاً لكل من كان نصيبه زوجه صالحة تدعى له في السر و العلن , هنيئاً لكل من كان أهم ما بالكون بالنسبه إلى زوجته , المرآه التي تكون بيت و أم و صديقه لزوجها , اظنها مكافأه من الله , هى و كفى .

لكنها الذكريات التي تأتي أن تترك آدم ينام , التي لا تترك له فرصه لإغماض عيناه عاد ليتذكر حياته السابقة من جديد .,,.,,

أرغب بصدفة تجمعني بك ، بحديث عابر بيننا ،
بنظرة أخيرة إلى عينيك ، فقط لأخبرك أنك أسوء ما
حدث لي !

لم يصدق آدم عيناه عندما ظهرت شاشة الفيس بوك الرئيسة ، مستحيل ، طار عقل آدم عندما شاهد الرسائل الواردة من و إلي سهر ، كيف تفعلين كل ذلك يا سهر ، متى كان هناك تقصير منى تجاهك ؟ ، و ما زاد الأمر مراراً تلك الرسائل الواردة لها من (إسلام) ، نعم لقد كان إسلام صادقاً في كل حرف معى ، لماذا الكذب يا سهر ؟ ، لماذا الخيانة ؟ ، متى حلمتى بشئ و لم أحققه لكى ؟ ، متى أهملت أو جعلتك تفتقدينى ؟ .

مع كل حرف كان يقرأه آدم كانت تسيل دموعه سيولا جارفة لا تعرف مستقر ، لا يعلم ماذا يسمى كل ذلك ، خيانة أم كذب أم يوجد ما هو أكثر من ذلك ، أى نوع من البنات أنتِ ، أى إنسان يتقن الكذب و التلون إلى هذا الشكل ، أيام و كنتِ ستلبسين دبلتى في يمينك و إلى الآن تتحدثين إلى الكثير و على رأسهم إسلام الذى لم يكذب في أى حرف قاله لأدم ، نعم كانت متقبله تقدمه لخطبتها ، و لكن كيف هذا !؟

قرر آدم الإتصال بسهر في قمة الغضب لكنة أغلق سريعاً قبل أن ترد ، رأى انه من الأفضل الإنتظار لحين إتقائه بها و لكنة إلى متى سينتظر ؟ ، قرر آدم أن يلتقى بها صباحاً ليعطيها الفرصة الأخيرة للإعتراف ، للحفاظ على ما يمكن إنقاذه من ثقه آدم بها و إن كانت الثقه أصبحت سور منهار الآن .
أتصل آدم عليها بعدما جفت دموعه و هدأ قليلا لكن بركان الغضب مازال يحرق قلبه ، ردت سهر و التى بدت عليها علامات الإرهاق فسألها آدم : نازله بكرة الجامعة ؟

- مصحينى الفجر تسألنى نازله الجامعة ولا لأ يا آدم ؟

- هتتنزلى الجامعة يعنى ؟ -قالها بحزم فهو لا يود سماع أى حرف منها-

- أه إن شاء الله هقوم على ٨ الصبح و أنزل لأنى»

لم ينتظر آدم كلمة أخرى من سهر و أغلق الهاتف و ألقى جسده المنهك على سريره حتى إبتلت و سادته تماما .

لا أعلم ما الذى وصل بي إلى تلك المرحلة من العشق الأعمى , أحقق أنا عندما ظننت أن طريق الحب هو الطريق الوحيد القادر على إخراجى من كل هموم و مشاكل الحياة , و أن العشق خير رفيق لهذا الطريق , لكن لم ألبث إلى أن أطاح بي قلبى لأجد نفسى فى صحراء من العذاب و الألم , نعم قادنى قلبى إلى الهلاك مثل الكثير منكم .

كنا و سنظل اول ما نبحت عنه هو الحب , و لكن الحب بمفهومه النقى الذى يزيد الحياة جمالاً , ليأتى أحد هؤلاء المتشبهون بالبشر أصحاب القلوب المتحجرة ., مدعى الحب ليدمروا هذا المعنى النقى الراقى فى أعيننا تاركين قلوبنا نادمة على تلك اللحظة التى أحبت فيها .

ظل آدم يفكر فى كل ما حدث من سهر و تلك الصدمه التى إن تأخرت قليلا لكانت أودت بحياته , حتى سطعت الشمس فى عينين آدم , تلك العينين اللتين أرهقهم البكاء الليلة الماضية حتى أصبحت حمرتهم كلون الدم.

إنها أصعب أوقات الحزن , نعم حزنك على نفسك و ما وصلت إليه بالرغم من عدم التقصير للحظه واحده , حزنك على شخص كنت تتمنى أن يكون كما رسمت صورته فى خيالك , لكن إن نظرت لمجمل الأمر فانت المخطئ أنت من أحببت و أنت من تخيلت و أنت من وثقت إلى تلك الدرجة .

نزل آدم من بيته بعدما إرتدى نظارته , ليس من أجل الأناقه و لكن لإخفاء تلك الأعين الذى أذابتها دموع ليلة كاملة , حتى وصل آدم إلى شارع سهر و أوقف أحد سيارات الأجرة و كان على إنتظار معرفة كل شئ , كان يتمنى أن تكون سهر مظلومة لأنه إلى الآن لا يصدق أى شئ , وصلت سهر إلى باب سيارة الأجرة و سلمت على آدم و قالت و هى تعتدل بجلستها : انا متأخرة على المحاضرة جدا يا آدم

رد آدم ببرود لا يعلم وقتها من أين جاءه : و انا عاملك مفاجاه هتنسيكى كل حاجة يا سهر .

- مفاجاه الصبح كدة ؟ , إنت مش بتبطل مفاجآت ؟

- رد آدم بسخرية - مفاجآت إيه يا ماما ده إنتى اللى مفاجأتك بتبهرنى دايمًا ,

ياريتنى أقدر أقدملك نص مفاجأتك
لم تفهم سهر ما وراء تلك الكلمات , لكنها فضلت رسم إبتسامة خفيفه على
وجهها , مرت لحظات كان فيها الطرفين صامتين , و لكن آدم كان يسرق النظرات
إلى سهر من أسفل نظارته السوداء.

وصل آدم و سهر إلى الكافيه الشهير الذى طالما جلسا به و لم يجدا راحتهم
سوى به , و لكن رفض آدم أن يخلع نظارته و طلب فنجان قهوة لنفسه و ترك
الإختيار لسهر تلك المره , تعجبت سهر تلك المفجأة التى إمتلأت بالجفاء و
الحزم لكنها حاولت تلطيف الجلسه قائله : مفاجأه إيه بقى دى يا بشمهندس
و بعدين ليه جايب اللاب توب معاك ؟

ضحك آدم بصوت مرتفع قائلا لها : ما هى دى المفجأه ؟

- طيب هتحرمنى من عينك كثير و مش هتشيل النظارة دى ؟

- لا أصل عيني تعبانه

- طيب إيه المفجأه و الحاجة المهمة اللى خليتنى ألقى بسببها المحاضرة
بتاعتى ؟

- يا برودك يا شيخة ليكى نفس تضحكى فى وشي و إنتى بتكذبى عليا و بتخونينى

- قالها فى نفسه فهو لا يريد أن يتسرع حتى اللحظة الأخيره-

قرر آدم أن يعطيها آخر فرصه فى حياتهم , فقط من أجل عدم الشعور بالذنب
أو التسرع , فقال لها فى حزم واضح على الرغم من محاولته إظهار الرقه فى هذا
السؤال ليبدو الأمر طبيعى لا أكثر : قبل المفجأه حابه نتكلم على أى حاجة
مخبيها عليا أو عاوزه تشيلى همها من على قلبك ؟ , و الله يا سهر ما هزعل
لما تحكىلى بنفسك أى حاجة و هنحلها سوا علشان حياتنا .

شعر آدم أنه يتوسل لها من أجل أن تخبره بالحقيقه , هل هذا يعقل ؟ , مازلت
تحبها يا ادم , مازلت لا تتخيل حياتك سوى معها إلى الآن , نزلت دمعات
مسحها آدم فورا قبل أن تظهر من عدسة نظارته .

و فى تلك الأثناء كان السهم الذى قضى على آدم من الداخل و هو رد سهر : جرا

إيه يا آدم هو إنت كل ما تشوفنى تسألنى السؤال ده ؟ , انت عارف إني مش بكذب عليك .

صمت آدم قليلا قبل أن يخرج حاسوبه المحمول و يتزكة أمام سهر دون أى كلام لتقرأ ما رآه آدم بعينه , لكن كانت الصدمة الأكبر هى رد سهر عليه عندما رأت كل ذلك قائله بشئ من الهدوء : هو انا مش هسألك صح ولا لأ إنت تراقبني و تتصنت عليا , لكن انا هفهمك كل حاجة دول كلهم مجرد زمايلي في الجامعة و زى أخواتي

رد زاد من بركان الغضب لدى آدم ليسألها بصوت عالي : زمايلي أخواتي ؟ , طيب و إسلام يا هانم , كل الرومانسيه اللي في كلامكوا دي إيه مش ده اللي كنتي مرتبطه بيه قبل كده ؟ , ده اللي انا أكتشفته يا عالم فيه إيه تاني

- إسلام ده مجرد إرتباط على النت يا آدم

جمله جعلت آدم يلقي بالجاكت في وجه سهر أمام كل من هم بالكافية صائحا : نعم ؟ إيه إرتباط نت دي ؟ , حد سمع يا ناس إن فيه إرتباط عادى و إرتباط نت , و لما إنتي صح أوى كده كنتي بتكدي لي يا بريته .

حاولت سهر أن تكمل كلامها لكن آدم أكمل حديثه في ظل ترقب أعين كل من هم بالكافية حتى طاقم العمل : غلطتى قبل كده و سامحتك و قولت أكيد هتتغير لكن واضح إن الكذب أساس حياتك , واللى زيك لا تتأمن على بيت ولا على أولاد .

نزلت سهر و الدموع بعيناها و تبعها آدم و أوقف سيارة أجرة و أجبر سهر على الدخول بها و قال لها : مش هوصلك علشان علشان عاوز أوصلك بالعكس انا مش طايق أشوفك , بس الحاجة اللي بناخدها من مكان لازم نرجعها مكانها , أه إنتي حاجة و مش ينفع تكوني أكثر من حاجة يا هانم .

وصلت سهر إلى بيتها و يذكر أنها طوال الطريق لم تتفوه بكلمة واحدة , و لكن آدم لا يعلم مدى الجبروت التي كان مصحوب لرد سهر بأنها لم تفعل شئ كمن يزرع نصل سكين حاد بقلبك ليحملك على ذراعية باكيا لرؤيتك تحتضر .

ظل آدم مرتدى نظارته حتى وصل إلى البيت و التي كانت دموعه ظاهرة

أسفلها , و اول من لاحظ الأمر والدته و التى إنفطر قلبها من أجله لكنها قررت الصمت حتى يهدأ قلبه و لكنها قالت فى صوت أقرب إلى التوسل (يارب لو فيها الخير ليه قربها منه و لو شر إبعدها عنه) .

دخل آدم غرفته ليلقى نفسه على سريريه موجها ظهره للأعلى و غامسا وجهه بوسادته التى لم تكن جفت من دموع الليلة الماضية , يخالطة شعور بين كرهه لإسم سهر و شوقه لها , يتمنى أن تعود و ألا تعود , لا يعلم سوى إنها لحظات الفراق التى يعاتب فيها عقلك قلبك , و يحاول قلبك إختلاق الأعذار .

نهض آدم محاولاً الهروب من ذلك التفكير الذى تمنى ان يتخلص منه حتى و إن كانت الوسيلة لذلك خلع رأسه من مكانها , وخرج من البيت دون أن يقابل أحد حتى لا يكتشفوا أمره و سار نحو مكتبه فهو يعلم أنه لا يوجد هناك أى فرد الآن و كان فى أشد الحاجة إلى مكان يكون فيه وحيدا .

لكن دائما ما تأتى الرياح بما لا تشتهي السفن , يصل آدم ليجد مستر وليد فى المكتب , حاول آدم تفادى لقائه لكن مستر وليد أشار له أن يدخل المكتب و قال له فى صوت حازم : مالك يا آدم , إنت مكنتش كده

- مكنتش كدة إزاي يا مستر وليد
- شغلك مش عاجبنى يا آدم الفتره دى
- معلش يا مستر وليد , عندى مشاكل
- بص يا آدم , انا مش هتكلم على الشغل هنا لكن إنت إنسان محترم و لو حبيت تنجح فى يوم من الأيام خليك فى شغلك إنسان تانى او بمعنى تانى إنسى كل مشاكلك بمجرد ما تبدأ الشغل يا آدم .

- حاضر بإذن الله
- مال عينك يا آدم
- معلش بقالى يومين مش بنام
- ربنا معاك يا آدم و يوفقك

خرج آدم من مكتب مستر وليد ليصل إلى مكتبه بشق الأنفس و الذى لا يبعد سوى أمتار قليلة عن مكتب مستر وليد ليجلس سائدا رأسه إلى الخلف و التى

أصبحت من كثرة المشاكل و الصراع بداخلها أثقل عليه من أن يحملها جسده , و في تلك اللحظة ذهب آدم إلى تفكير عميق في كل ما مضى من حياته مع سهر , ثلاثة سنوات كانت الأفضل .

فحتى و إن إمتلك سحر الكون و قوة الأرض , حتى و إن أحرقت نفسك رماد لمن تحب , فلن تستطيع أن تجعل حياتك معة تستمر إلا إن كان إسمرارها رغبة متبادله بينكم , فهنيئا لتلك الأرواح الذائبه و النفوس العاشقة , هنيئا لكل من وعد فأوفى .

و لكن إن نظرنا إلى أبعد ما قد يصل له العقل في تعريف العشق فهو قوة من خارج الأرض , قوة لا تعرف الفرق بين القلوب فالجميع سواء في الحب , متى دق أبواب قلبك تحتم عليك الإستجابة بل و الترحيب , لحظتها سيكون كل ما عليك هو الحفاظ على حبك لأنه لا يخرج من القلوب إلا بأوجاع و ألأم لا تمحى .

لم يشعر آدم بنفسه إلا عندما مرت سيارة من سيارات النقل الثقيل مصدره تنبيهها المزعج ليجد رقيه جالسه على مكتبها , فيقول لها في صوت هادئ : إنتى هنا من إمتى ؟

- حوالى نص ساعه مش أكثر

- طيب ممكن تعمليلى فنجان قهوة يا رقيه ؟

- حاضر بس ياريت قبلها تاكل الشوكولاته دى لإن الإرهاق باين عليك جدا .

رد آدم بشكل حاد كالذى لا ينتظر خوف او قلق من أحد عليه : انا تمام ياريت فنجان قاهوة و لو مش قادره انا هقوم أعمل لنفسى .

لم تفهم رقيه سر غضب آدم المفاجئ لكنها فضلت تلبية طلبه و انهدت القهوة سريعا و تركتها على مكتبه .

حاول آدم إستجماع قواه و خرج ليشرب قهوتة بالخارج في حين ورد له إتصال كان يتوقعه لكن ليس بتلك السرعة , إتصال من والدة سهر أغلق آدم الإتصال

و أعاد الإتصال بها : سلام عليكم

- إية اللى حصل يا آدم ؟

- و هو حضرتك مش عارفة إية اللى حصل يا ماما ؟
- لا عارفه لكن إنت شايف إنك مش إتسرعت , يابنى الخلافات دى طبيعى
بين أى إتنين .
- نعم ! يعنى الكذب و الخيانه بيكون بين أى إتنين يا ماما؟! , لو أنا إبنك فعلا
هترضيهالى !

- يابنى كل ده طيش شباب أول ما الخطوبه تتم كل ده هينتهى
- يا ماما حضرتك اللى فيه طبع مبيغيروش و دى مش أول مره تكذب عليا و
أعديها , أسألها كده

لم تجد سلوى ما ترد به على آدم , فى قرارة نفسها تراه على حق لكنها لا تستطيع
أن تضع إبنتها فى موقف أصعب مما هى فيه , قررت سلوى بحكمة إغلاق الأمر
الآن لترك فرصه للطرفين فى التفكير قائله لأدم : طيب يا حبيبي خد وقتك و فكر
و نبقى نتكلم لما تروق .

- ربنا يسهل يا ماما , سلام عليكم
أغلق ادم الهاتف و صاح بصوت عالى : هتفضل ضعيف كدا لغاية إمتى ,
إنساها يا آدم .

سمعت رقيه صوت آدم ولم تشعر بدموعها و هى تنهمر من أجل آدم , لا تعلم
لماذا هل لأنها ترى إنه لا يستحق إلا كل خير , أو قد يكون ما هو أكثر من ذلك .
دخل آدم مكتبه لتمسح رقيه دموعها قائله له : ربنا اللى قادر يغير الكون من
حال لحال هيغير حالك لأحسن حال بإذن الله يا آدم

إبتسم آدم : إن شاء الله , إدعيلى يا رقيه
- لو حبيت تتكلم مع حد أو تحكى انا موجوده
نظر لها آدم و لكنه تردد فى الحديث عن شئ و قال لها : يلا نشتغل علشان
مستر وليد مدايق من شغلنا

- حضرتك إرتاح انا خلصت الملفات و راحت على مكتب مستر وليد خلاص
- آدم مندهشا - إمتى ده يا رقيه!

- لما حضرتك كنت بتشرب القهوة و بتتكلم فى التليفون , أنا عمري ما أنسى

فضلك و مساعدتك ليا و دى أقل حاجة ممكن أساعد بيها خصوصا إنك مش قادر تشتغل .

- شكرا بجد يا رقيه , طيب انا تعبان جدا ممكن أقوم أروح
- إتفضل طبعا , سلامتك

- الله يسلمك يا رقيه شكرا ليكى مره تانيه .

سار آدم هائما لا يدر إلى أين تأخذه أقدامه ليجد نفسه تحت بيت سهر , لا يعلم كيف حدث ذلك ؟ و كأن القلب مازال متحكم به إلى الآن , لم يقطع تفكيره إلا مكالمة ياسين له : إلحقتى يا آدم , ماما تعبانه أوى
أصل ادم بالإسعاف فورا و ذهب للبيت ليجد أمه مستلقيه على فراشها تتلوى من الألم و هي تضع يدها علي قلبها .

وصلت سيارة الإسعاف و تم نقل أم آدم إلى المشفى فى ظل ترقب آدم و أخيه حتى خرج الطبيب ليطمئنهم مشخصاً ما حدث بالذبحة الصدرية .

- آدم ماما هتبقى كويسه صح ؟ -قالها أخوه و علامات الخوف تملئ وجهه الصغير-

- أه يا حبيبي و بكره هنروح كلنا البيت إن شاء الله

و كأن الأحزان تتجمع على آدم فى وقت واحد , مشكلة عمار صديقة و من ثم مشكلته و بعدها مرض أمه و كل ذلك خلال ثلاثة أيام , وضع آدم رأسه بين يديه كمن يحاول إخراج راسه و ما بداخلها فقط ليرتاح دقائق , مر صوت إلى جانبية : أستاذ آدم والده حضرتك عاوزاك

قفز آدم من مكانه و دخل على والدته الغرفة و قال لها بصوت على موجوع :
و الله من غيرك مش هنجح فى حاجة يا أمى , ليه تقلقينى عليكى ؟

- أنا حاسه بيك و سمعت صوت بكاءك طول الليل إمبراح يا آدم , عارف يعنى
إيه أشوفك كده و أكون مش قادره أساعدك يا إبنى

حاول آدم الكلام لكن قاطعه صوت أمة الذى كان يخرج منها بكل صعوبه :
بص يا آدم لما الحفاظ على كرامة أى شخص يكون تمنها إنك تقلل من كرامتك
فالمفروض تقف فورا , الكرامه لما بتروح مبترجعش يا إبنى .

دمعات نزلت من عين آدم ليحتضن أمه و يخرج ليجد أتصالين من رقيه , يا ترى ما الذى حدث , أصبح آدم لا يحتمل صدمة أو خبر جديد غير مناسب , ردت رقيه بنبرة عصبية : هو إنت لازم تقلقنى يا آدم

- فى إيه يا رقيه ؟

شعرت رقيه أن علاقتها بأدم لا تترك لها الحق فى التحدث بتلك الطريقة فردت مسرعه محاوله إنقاذ الأمر : أصل انا قلققت عليك و خصوصا إنك كنت تعبان - معلش , والدتى تعبت و نقلناها المستشفى

- إيه مستشفى إيه يا آدم ؟

- إطمنى ماما بقت أحسن و بكرة هنكون فى البيت بإذن الله

- طيب الحمد لله على سلامتها , انا بكره هتصل أطمن عليها بإذن الله

- ربنا يخليكى يا رقيه متتعبيش نفسك

- تعب إيه بس , إنت عارف يا آدم مامتك زى مامتى و لازم أكون معاها و أطمن عليها .

- فيكى الخير , هقفل علشان عاوزنى فى الحسابات يا رقيه

- مع السلامه يا آدم

أغلق آدم ليجد عمار صديقه أمامه مباشرة : و الله إنت ندل , بدل ما تكلمنى تقف لوحدك هنا

- انا عارف اللى إنت فيه يا عمار مرضيتش أقلقك

- طيب يا آدم نتكلم فى كل حاجه بعدين , العربية تحت وقت ما تحب هوصلكوا البيت

- ربنا يخليك يا عمار

جلس الصديقان و معهما ياسين ينتظرون مرور الوقت بفارغ الصبر للإطمئنان على والدته و نقلها إلى البيت , ساعات غطى فيها قلق آدم و خوفا على والدته على كل شئ حتى كاد ينسى مشاكله و همومه .

أشرفت الشمس و ذهب آدم ليسأل الطبيب عن إمكانية خروج أمه الآن فوافق الطبيب شرط الراحة التامة و المتابعه المستمره لحالة الأم .

وصل الجميع إلى منزل آدم و لم يلبث حتى وجد آدم إتصال من رقيه تبلغه بأنها أعدت طعام لهم و في الطريق من أجل أن تطمئن على والدته .

بالفعل وصلت رقيه إلى المنزل و إطمئنت على والدة آدم و قالت لها بصوت رقيق لا يكاد يصل إلا لأم آدم : ألف سلامه على حضرتك يا ماما

خرجت رقيه و الدموع تملئ عيناها فجرى آدم تجاهها ليسألها على سبب تلك الدموع في ظل ترقب عمار إهتمام آدم بالأمر : مالك يا رقيه ؟

- انا أسفه والله بس بقالى كتير مقولتش ماما , و حسيت إن ماما وحشتنى فعلا بس إطمن انا تمام

ربنا يرحم الجميع - كلمة قالها عمار و هو قادم تجاههم - محاولا مداعبة آدم و إيصال ملاحظته لنظرات عيناه لرقيه,

خرجت رقيه من المنزل بعد أن ودعت ياسين الذى كان هو الآخر يذكرها بأخيها كثيرا في ظل متابعة آدم لها بعيناه ليكرر عمار الأمر و يقاطع نظراته بلهجة تحمل الكثير من السخريه : إية بقى !

- سيبك من التفكير بتاعك ده , دى أختى و فعلا إنسانه نضيفه و الدنيا جايه عليها أوى .

- ماشى يا صاحبى و بعدين انا مقولتش حاجه تمنع إنها محترمه .

جلس آدم و عمار في حديث طويل كان آدم يفكر في رقيه طوال الوقت , من هذه الإنسانية التى لا تتوان عن إبهارى بشهامتها ؟ , إلى أن قاطع شرود آدم و حديث عمار إتصال من والدة سهر كان جدير بقلب اليوم بأكمله : السلام عليكم

- و عليكم السلام إزيك يا ماما

- الحمد لله , ماما عامله إية يا حبيبي ؟

- عقد آدم حاجبيه من الدهشه قائلا - ماما ؟ , الحمد لله بس حضرتك عرفتى إزاي ؟

- سهر قالتلى يا آدم , مش وقته نتكلم فى أى حاجة لما تروق نرجع نتكلم فى موضوعنا .

- إن شاء الله شكرا على إهتمامك يا ماما

- فى رعاية الله يا حبيبى , سلام

- سلام

عاد آدم إلى الشرفة التى كان عمار جالسا بها وسأله إن كان أخبر أى شخص بأمر مرض والدته , فحرك عمار رأسه بالإيجاب قائلا : إسلام إتصل يسألنى إنت فىن فقولتله مع آدم لإن مامته تعبانه .

تعالى ضحكات آدم و قال لعمار : أنا كنت متأكد إنه إسلام

- متأكد إيه يابنى , انا مش فاهم

- هتفهم بعدين , يلا انا هنزل الشغل بقى وصلنى فى طريقك لو ممكن

- انت تؤمر يا بشمهندس , إتفضل .

ترك آدم ياسين مع والدته و طلب منه الإتصال به إن احتاجوا أى شئ و خرج هو و عمار متجهين إلى عمل آدم دون أى كلام يذكر و كأن كلا منهما كان يفكر بما يشغل قلبه ,

وصل آدم إلى العمل ليكون أول من يصل للمكتب , جلس وحيدا لتتجمع عليه سنواته الماضية و أحلامه الضائعة , تائة بين قلب مشتاق لسهر و أيامها و عقل لا يريد البقاء لحظه واحده أو مجرد التفكير بها , لحظات قد تكون هى الأصبعب عاجز أن تتعد عن حب عمره و ممنوع أن تقترب منه بنفس اللحظه , دموع عيناه لا تساوى ذره من دموع قلبه , بالأمس كان مستعد على التضحية بحياته من أجلها و اليوم يتمنى أن تنتهى حياته لكى يرتاح قلبه من ذكراها و شتان الفرق بين هذا و ذاك , فإن كان الفراق ليس قرارك , فأنت من تملك قرار عدم العودة و الحفاظ على كبرياءك المتبقى .

شلال من الأفكار تدفق من عقل آدم لتتصادم بأحلام القلب كل لحظة ليموت منها جزء فيه , حتى قاطع كل ذلك صوت رقيه : و هو أنا كل ما أجي الايك سرحان كده ؟

رد آدم و لا زال شاردا بنظرة عنها : الحمد لله يا رقيه
- طيب يلا نشتغل يا آدم و ريح دماغك
- إن شاء الله

نظرت رقية لأدم و هى تتمنى أن تملك القدرة على راحة آدم و تغيير كل شئ
فى حياته إلى الأفضل , فنظرت إليه و هى ترى بعينه قوس قزح من نوع خاص
, نوع حمل كل الألوان لكنها ألوان الحزن و الألم , ألوان الجرح , عينان لا تنم
إلا على إنسان ضل طريقه بلا رجعة ,

لماذا لا نجعل النهايات بجمال البدايات , لماذا نُدس إحساس الحب الطاهر
بأشع الصفات ؟ , هكذا أصبحنا نفضل الوحدة عن المرور بتلك العلاقات
المبهمة , فليس هناك علاقات فاشلة و أخرى ناجحة لكن هناك علاقات تكتمل
و أخرى لا تكتمل ففى النهاية كلهم ناجحين أحدهم نجحت بإستمرارها و
الأخرى بدرس تعلمته منها لكنها سنة الحياة التى تهديك الوجد و الفراق من
أقرب شخص إلى قلبك , من شخص رسمت معه حياة , من شخص خرج يعنى
خروج روحك معه و ليست مجرد دموع , فالدموع إن كانت ضعف لحظتها
ستكون قوة لك فيما بعد , لكن الأهم من كل ذلك هو الحفاظ على الحب
الحقيقى إن طرق أبواب قلبك حتى تصل إلى اللانهاية

فمهما كان النسيان رفيق الذاكرة ستظل ذكراهم بداخلك دائما , و إن كان
العشق حقيقة القلب الأولى , فالعقل قائد حياتك و لكن ليت الألم يهدأ يوما
لنستطيع أن نكمل طريقنا ,

مرت أيام لا يستطيع بها آدم نسيان سهر فهى كالطيف الملازم له , أيام حولت
رؤية سهر فى المنام من أجمل أحلام آدم إلى كابوس ليلته , أيام قد تكون جديرة
لتطيب جروح البعض كما حدث مع عمار و سببا لزياده جروح أخرى .
أستيقظ آدم على صوت هاتفه ليجدها والدة سهر متصله به مره أخرى : صباح
الخير يا بشمهندس

- صباح النور يا ماما
- يارب تكون بقيت أحسن
- حاول أدم أن يخفى كل الألم و الإشتياق في قلبه لسهر و رد على والدتها بكل ثقة : الحمد لله عمري ما كنت أحسن من اليومين دول
- كانت والدة سهر تعلم أن أبنيتها مخطئه بشكل كامل لكنها حاولت إخفاء ذلك في ظل قوة أدم الظاهره أمامها : يا حبيبي القرار ليك و كل شئ قسمه و نصيب أدم بقوه لا يذكر أنه إمتلكها يوم , بقوة إنسان إستطاع غرس سكين في قلبه ليخرجه من مكانة : ربنا يوفقها لواحد أحسن منى يا ماما , مش هظلمها و أكمل معاها و انا شاكك فيها في كل لحظة .
- جمله أغلقت فيها الأم المكاملة بوجه أدم لا يعلم من صدمتها أم من كرهها له بعدما نطق بتلك الكلمه لكنه لم يكن أمامه خيار آخر .
- خرج أدم من غرفته ليقبل رأس أمه و يسألها عن حالها لتجيب : انا بخير طول ما إنت بخير .
- طيب لو فاضية يا أمى كنت عاوز أكلمك في موضوع
- إتفضل يا حبيبي
- انا و سهر ملناش نصيب في بعض
- انا مش هسألك عن السبب علشان عارفك و عارفة إنك مش هتتخلى عنها إلا لو الموضوع يستاهل , لكن ربنا يرزقك باللى أحسن منها يا بنى
- حاول أدم أن تكون صورته سهر بنظر والدته جيده فرد عليها : سوء تفاهم مش أكثر و هى إنسانه تستاهل كل خير .
- بس بقولك إيه رقيه دى بنت جدعه و بعدين انا كنت فاكرة أنى شاطره في الأكل لغاية ما دوقت أكلها
- ضحك أدم : والله هى إنسانه طيبه أوى
- طيب إبقى هات رقمها أشكرها و أعزمها على الغدا معنا في يوم .
- حاضر يا ماما .
- تعال رنة هاتف أدم لتقطع حديث الأم و إبنها : يا بنى إنزلى بقالى ساعه بتصل

- بيك - قالها عمار و هو يبدو عليه الغضب . -
- طيب ما تطلع يا عمار
- لا يا آدم إنزل حابب أشم هوا
- أستنى أغير و نازلك

أنهى آدم إرتداء ملابسه سريعا و إستأذن والدته و إنصرف مباشرة , ليجد حال صديقة ليس بالجيد مطلقاً , و بعد محاولات عدة و تجاذب أطراف الحديث رفع آدم صوته قائلاً:

إزاي يا عمار يعنى أى واحدة و خلاص ؟

- بص يا آدم انا جربت حظى فى الحب و طلع على مافيش
 - تيجى نتكلم بصراحة , إنت تعبت لما جة واحد خد منك حبيبتك لمجرد إنه جاهز و إنت لسه مكونتش نفسك , دلوقتى بكل برود بتقولى تتقدم واحده لمجرد إن أهلك موافقين عليها و شايفينها مناسبة ليك , و ترجع إنت و تعمل فى غيرك نفس اللى إتعمل فيك .

- و هو إنت فاكِر إني هحب تانى

صاح آدم فى وجه عمار بشكل يكاد أن يسمع الشارع بأكلمة : يبقى متتنيلش تتجوز أساسا , بلاش تظلم إنسانه , بلاش تبقى أنانى يا عمار .
 فرد عمار محاولا الهرب من كلام آدم الذى يكاد يقنعه : تيجى نغير الموضوع ده يا آدم,

- غير يا عمار اللى إنت عاوزه , إذا كان إنت نفسك إتغيرت .

لم يجد عمار سوى الصمت و التركيز فى طريقه , و فى نفس اللحظة أخذ يفكر آدم فى الإنفصام , نعم إنفصام نفوسنا , نفس ما كنا نكرهه بالأمس هو ما نبرره لأنفسنا اليوم بحجة عم وجود خيار آخر .

للأسف أصبح الزواج صفقة يتمها الأهل بكل سهوله , ففى أوطاننا أصبحت حواء فى الغالب تحمل بيسراها دبله لا تدل على خيار قلبها إطلاقا .

وصلا الصديقان إلى الكافية الذي لم يمضِ يومان على افتتاحة لتناول الشاي في نفس الصمت الذي غطى الأجواء في الطريق ليقطعه آدم قائلا : على فكرة الحب هيجى هيجى يا عمار لكن إنت مستعجل , يمكن عاوز تنسي حاجة بحاجه تانية , لكن انا مش معاك في الخطوة دي يا صاحبي .
حاول عمار تغيير الموضوع قائلا : طيب يا آدم , نتكلم بعدين في الموضوع ده , على فكرة إسلام هيجيلنا على هنا
أستشاط آدم غضبا عندما سمع إسم إسلام : و هو إنت بتتصرف من دماغك ليه !

- بتصرف إيه يا آدم , انا قولت نقعد سوا في الكافيه الجديد
- هو أى مله يابنى , إيه الدماغ دي ؟!
- هو إنت مبقاش عاجبك أى حاجه أنا بعملها
- شوف تصرفاتك يا عم العاقل , متعجبش حد أساسا
- طيب يا آدم , عموما متزعلش منى .
- مش زعلان يا عمار

قاطع حديثهم دخول إسلام الذي كان آدم يتمنى عدم رؤيته ما تبقى من حياته ,

وحشتوني يا رجاله وربنا - قالها إسلام و هو يبتسم إبتسامة أثارت إشمئزاز - آدم

آدم بضحكة عبرت عن الحقيقه - لكن إنت موحشتناش -
ضحك إسلام الذي لم يفهم ما وراء كلمات آدم : مش من قلبك أنا عارف دار حديث طويل بين عمار و إسلام كان ادم لا صوت له حتى ذكرت سهر في الحديث : انا مبقتش عاوز أرتبط تانى , حتى سهر هنفصل عنها خلاص .
فضحك آدم و نظر له في إحتقار قائلا : و من أمتى كنت راجل في كلمتك مع بنت يا إسلام

- لا يا آدم انا راجل , لكن سهر شايفه نفسها زيادة عن اللزوم و بصراحة مش بصدقها و بحس إنها كدابة مع أنها أكثر وحده حبيتها ,,,

ضحك آدم و قال في نفسه :

- و الله إسلام و سهر دول نسخه واحده , نموذج مصغر من الكذب و النفاق و كأن اسلام كان أداه تينلى كذب سهر مش أكثر .

- الحمد لله - قالها آدم بصوت مسموع نابح من داخل قلبه
حاول عمار تهدئة الأجواء بين صديقيه قائلا : عاوزين نلعب كوره يا رجاله كلها سنه و مش هنشوف بعض بسبب الشغل

- كويس إنك فكرتني , انا هروح الشغل علشان متأخرش بقى

- طيب إستنى نوصلك يابنى

- لا يا كبير , كملوا قعدتكو .

تذكر آدم كلام والدته عن رقيه , فإبتسم و مر على السوبر ماركت ليحضر الشوكولاته لرقيه تعبيرا عن شكره لما قامت به , و وصل إلى المكتب ليضعهم على مكتب رقيه و يجلس للنظر فى الملفات الموجودة على المكتب , لكن يجد الذاكره تعود به إلى سهر و أيامهم ليمسك بورقه و قلم أخذا تنهيده عميقة و ,, بدأ يكتب خواطره كما إعتاد

قاطع كتابته دخول رقيه قائلة : طبعا الشوكولاته دى مش ليا !

- ليه كده بس , والله مش لحد غيرك

رقيه برقتها المعتاده : تسلم إيدك يا آدم بجد

نظر آدم إلى عيني رقيه التى لمعت أثناء كلامها لمعه حاول آدم أن يتجاهل فهمه لها و تركها و خرج مدعيا أن هناك مكاملة مهمه يجب أن يقوم بها,
وقف آدم متذكرا جملة دكتور مصطفى محمود التى تلخص أغلب علاقاتنا و حياتنا -إن مشكلتك ليست سنواتك التى ضاعت ,,, و لكنها فى سنوات ستضيع حتما إن واجهت الدنيا بنفس العقلية - , كلمات ستريح نفوس الكثير إن تأملوها و جعلوها عنوان لهم و لحياتهم .

فى تلك الأثناء كانت رقيه تقرأ كل كلمة كتبها آدم , لىأتى آدم متذكرا نسيانه لتلك

الورقة قبل أن تقرأها رقيه لكن قد فات الأوان : رقيه بتعملى إيه ؟

أدارت رقيه وجهها ممسكة بتلك الورقة قائلة : ده إنت طلعت شاعر يا

ضحك آدم من الخجل : هاتي الورقة دى بس و يلا نشتغل .
بدأ كلا منهم فى العمل لكن كانت رقية تختلس النظرات لوجه آدم القمحي
الذى بدأت تدمن النظر إليه , لا تعلم متى أو كيف حدث ذلك لكن رؤية ادم
يومية أصبحت أهم أولوياتها إن لم تكن الوحيده .

كان آدم ينظر إلى الأوراق لكن عقلة بعيد كل البعد , متذكرا أغرب الكلمات
التي سمعها يوما من سهر ومن جميع الناس إن لم تكن الأغرب -ده إرتباط نت
يا آدم مالوش علاقه بإرتباطنا - , جملة كلما تذكرها ندم على اليوم الذى قاده
قلبه إلى ذلك الكهف المظلم , عند الحب يأخذ قلبك القرار و عند الفراق يكون
القرار لعقلك و ما بعد ذلك فهو للصراع الأبدى بين القلب و العقل .
لماذا أحببتها يا قلبى .

لماذا حكمت علينا بالفراق أيها العقل .

صراع سيستمر مدى بقائنا فى الحياه أو حتى نجد الإنسان الذى يتفق عليه قلبنا
و عقلنا معا .

أنهى آدم عمله و كما إعتاد أوصل رقية إلى منزلها و عاد إلى بيته ليجد والدته
تنتظره قائله : آدم ممكن تغير و تيجى أكلمك فى حاجة ؟

- طبعا يا أمى دقيقه بس

دقائق و كان آدم جالسا مع والدته و التي بدأت كلامها بصراحة نوعا ما : رقيه
بتحبك يا آدم و ده واضح من نظراتها

- نظرات إيه يا ماما , رقيه أختى

- أخت مين يا آدم , انا معنديش غير آدم و ياسين و بعدين إنت عينك باين
فيها كل حاجة

- لسه بدرى يا أمى على ما أفكر فى أى حاجة

حنان : لا مش بدرى إنت هتتخرج السنه دى يا آدم , و رقيه نفس الكلام و
انا عاوزه أطمئن عليك قبل ما تلاقى نفسك فى دوامة الشغل .

- هتطمنى بس انا مش مستعد لأى حاجة دلوقتى , و بعدين رقية مش ناقصه

صدمات في حياتها و أنا أخاف أظلمها
- و إنت فإكر إني هسمحلك تظلمها , انا هكون أمها قبل ما أكون أمك يابنى .
- الله يخليكي يا ماما بلاش نتكلم في الموضوع ده دلوقتى , انا هدخل انام و
ربنا يحلها من عنده
- ربنا يهديك يا حبيبي و يكرمك يارب
- يارب يا ست الكل .

دخل آدم إلى الغرفة و حديث والدته معلق برأسه , لا ينكر إطلاقا ملاحظته
لنظرات رقيه له , و لا ينكر أيضا إعجابه برقيه , لكن كان ولا يزال خوفه من
كل ما حدث سابقا حاجز في دخوله لأى علاقة جديدة , نعم فقد أصبح فاقد
الثقة في الجميع فهى ذاتها العلاقات التى تتدمر على حاجز حمق أحد الطرفين
أو حمق الأهل أو المجتمع أما العلاقة التى تجمع كل ما سبق فلها الله , إنها
البدايات ذاتها , بجمالها و دقات قلب العشاق التى تتحول إلى جراح لن تداويها
الأيام فيما بعد .

مرت أيام و مازالت تلك الغصه الموجوده في قلب آدم , كل يوم يزداد شوقه
لسهر , لكن حتى و إن عادت راكمه لن يعود اليها , أصبح آدم يتمنى أن يقابل
ذلك الغريب , الشخص الذى طالما تمنينا جميعا لقائه , لا نعرفه ولا يعرفنا
فنخرج له كل ما يؤمننا و نحكى له عما بداخلنا ليسير كل منا عكس الآخر ولا
نلتقى مجددا لكن يكفيننا أن نجد ذلك المجهول , لأننا أصبحنا نحتاج من يفهمنا
أكثر من حاجتنا لمن يحبنا .

كان آدم لا يقضى وقته إلا بقراءة الرويات أو كتابة خواطره المعتاده حتى و إن
كان ذلك خلال فترة عمله , في نفس الوقت التى كانت رقيه لا تفعل شئ سوى
التفكير بآدم,

مش هتطلع من أوضتك بقى يا آدم , يابنى من القعهه لوحذك و التفكير بقيت
تحسسنى أنك راجل عنده ٥٠ سنه - قالتها أم آدم بحده -

حرك آدم رأسه بالموافقه على كلام والدته و نهض ليرتدى ملابسه و وضع عطره
و خرج ليجلس مع والدته قليلا قبل ذهابه إلى العمل

على فكرة أنا عزمت رقيه على الغدا بكره - قالتها حنان بإبتسامه متوقعه
سعادة آدم بذلك -

آدم على غير المتوقع : يوه يا ماما , مش قولتيلي ليه قبلها , و ليه عزومه أساسا
- ده واجب يا آدم , إنت نسيت عملت معناا إيه
- ما انا مش مقصر معاها برضو
- انا مالي بيك , بعيدا عن أى حاجه دى وقفت جنبى و انا مش هنسالها ده ,
و بعدين قولتلك إنى بعترها زي بنتى بالطبط
ضحك آدم قائلا بسخرية : مش من كام يوم مكانش عندك أولاد غير آدم و
ياسين

- اه انا قولت زى بنتى , مش بنتى ركز يا بشمهندس
ضحك آدم على رد والدته فهى طالما ما إستطاعت أن تجد الحل و الرد المناسب
فى كل الأوقات فقال و هو يهم بالنهوض : طيب انا نازل بقى هتعوزى حاجة
منى يا ماما

- أه طبعا , خد الورقة اللى جنب الباب هات اللى فيها علشان عزومة بكره
- حاضر يا ماما , تكرم رقيه علشانك
- علشانى انا بس !!؟

تعجب من أسلوب أمه تلك الأيام و إكتفى بكلمة : سلام يا ماما .

*وصل آدم للمكتب ليجد رقيه جالسه على مكتبه لأول مره فضحك و قال لها فى
سخرية : خلاص مبقاش ليا مكان هنا ولا إيه ؟
قامت رقيه من مكانها و قالت : إفضل يا آدم
أكمل آدم حديثه قائلا - يلا إشتغلى علشان أنا سمعت إن عندك عزومه بكرة
و مش هتكونى فاضيه -

حاولت رقيه تخطى كلام آدم : أه فعلا , أقوم أعملك حاجة تشربها
- لا بقى ! , انا امره دى اللى هعملك حاجه تشربها
خرجت إبتسامه من شفتى رقيه كأنها تكشف عن قمر جديد مكانه على الأرض

، مختلط بحمرة خديها الطبيعيين و عيناها المغلقتين مع الإبتسامه مما أعطت لها سحر خاص جعلت آدم يقف مكانه لدقائق لتأتى مكاملة عمار في الوقت المناسب لتنقذه من ذلك الموقف الذى لولا رنه هاتفه لظل في مكانه ساعات و أيام طوال .

- عاوز إيه يا عمار دلوقتى

- وحشتنى يا عم قولت أكلمك

- لا صدقنى فى حاجه , خصوصا إنك غايب بقالك كام يوم

- انا قريت فاتحه من يومين

- ننععم ! , عملت اللى فى دماغك برضو ! , ياخى أقسم بالله خسارة إنى أباركلك حتى

- لا يا ادم انا شوفتها و إرتحتلها و إتفقنا اننا نأجل الخطوبه لغاية ما أخلص آخر تيرم ليا فى الكليه

- ربنا يقدملك اللى فيه الخير يا عمار

- مش هتباركلى برضو !?

- إنت مقتنع إن دى حاجه محتاجة مبروك !? , عموما مبروك يا عمار

- ده إسلام عملى فرح لما عرف يابنى

- طبيعى مش إسلام , مش فارقه معاه غير إنها بنت و خلاص , حاجة مش طبيعىه

رد عمار مازحا على كلمات آدم : والله ضحكنى كثير يا آدم , مش كئيب زيك !

- ماشى يا عم عمار , تدوم الضحكة يا صاحبى .

- طيب نبقى نتقابل بقى لما تفضى

خرج آدم ليترك الهاتف على مكتبه و يدخل ليحضر لرقيه شئ تشربه و لكن كان من الغريب أن يتجاهل مرات عديده من رنين الهاتف معتقداً أنها والدته أو شخص سيحدثه فيما بعد و لكن المفاجأه كانت عند خروجه وضع المشروب على مكتب رقيه ليتفاجئ بسؤالها ..

مين سهر دى يا آدم ؟

كان آدم على إستعداد لسماع أى حديث فى أى أمر إلا ذكر إسم سهر أمامة
لا يعلم هل لكونه مثير للشوق فى قلبه أم مثير للكراهية , و لكنه كان يعنى أنه
يأخذه إلى مكان لا يود الذهاب له مطلقا , و لأيام تمنى ألا تعود أو لم تكن تأتي
من الأساس ,

لحظات صمت بها آدم قبل أن تتغير ملامح وجهه كلية و تمحى الإبتسامه
لتتكون خطوط عابسة على وجهه : عرفتى سهر منين إنتى ؟
لهجة كانت جديره بأن تزلزل قلب رقيه قائله : قرىت إسمها على موبايلك ,
أصله كان بيرن دلوقتى

إندهش آدم لكون الإتصال وارد من سهر , إتصال لا ينتظره إطلاقا لكنه عاد إلى
رقية فى نبرة عالية : و إنتى مين إداكى الحق تبصى على موبايلى و هو بيرن , إنتى
لسه مفهمتيش خصوصيات الناس

كلمات أسقطت كل ما كان بيد رقيه لتخرج من المكتب راکضه إلى بيتها .
لا يعلم آدم كيف حدث هذا و لماذا كل ذلك العنف فى كلامه مع تلك الإنسانه
البريئه التى لا تستحق منه إلا كل خير , مضت ساعات لا يعلم سوى انه اعتذراه
لرقية لابد منه ,

وصل إلى المنزل لىسمع صوت مرتفع يقترب من الداخل : إنت إيه اللى عملته
ده ؟

- إيه يا ماما عملت إيه بس ؟
- يا بجاحتك , انا اول مره أحس أنك معندكش دم كده , و إيه اللى جايه ده ,
أوعى تكون فاكر إن بعد اللى عملته مع البنت الغلبانه هتيجى عزومه بكرة .
- أحسن متجيش , انا فى اللى مكفينى يا ماما
- ده اللى هو إيه يا آدم , سهر اللى سابتك و مفرقتش معاها لحظه !
- أنا داخل أنام يا ماما علشان تعبان بجد

دخل آدم إلى غرفته و هو متأكد أنه مدين بإعتذار إلى رقيه , الأنسانه التى طالما
ساعدته حتى و إن كان بشكل غير مباشر , مجرد وجودها بحياته و مشاهدته

لمأساة حياتها جعل آدم يتأكد أنه مهما حدث من مشاكل و إختبارات إلهية له فهو دائماً أفضل بكثير من حال رقيه, حاول آدم الاتصال برقيه كثيرا لكن كل ذلك دون جدوى, أحببتها يا ادم أم تعودت على وجودها ؟ , هل ستكرر نفس مأساتك السابقه ؟ , لكنه كان متأكد إن كانت هناك فرصه ثانية ليعود إلى الحياه فلا يريد لها إلا من أيدي رقيه و إلا فسلاما على الحياه و أقنعتها الزائفه , حاول آدم تجاهل كل تلك الأفكار حتى يستطيع النوم .

في الصباح خرج آدم ليطمئن على والدته و أخيه و يتناول كوب الشاي المعتاد, لكن لأول مره منذ زمن لا توجد أى رده فعل على حديث آدم أو سؤاله لأمه عن حالها فقط نظرات جديره أن تسقط آدم من نظر نفسه مدى الحياه و كأن والدته تقصد أن تعاقبه : طيب أنا نازل أدام محدش معبرنى كده .

ذهب ادم إلى العمل , بالطبع رقيه لم تكن ذهبت لأن موعد العمل لم يحن بعد لكنه وجد مستر وليد بمكتبه .

- إيه الاخبار يا مستر وليد ؟

- أهلا إزيك يا آدم ؟

- الحمد لله

- هو فيه إيه حصل انا أتفاجأت أن رقيه سايبه إستقالتها هنا و ملت حاجتها الصبح بدرى

- إيه ! , إستقاله مين ؟ , حضرتك بتهزر صح

جمله شعر بها آدم أنه تخطى حدود الكلام مع مستر وليد ذلك الرجل الذى إستعل الشيب برأسه فزادها وقاراً فتبع كلامه : انا أسف جدا

- ولا يهملك , انا حبيت أسأل لو تعرف سبب

أدم بتوتر قائلاً : لا طبعا , سبب إيه ! , اكيد معرفش

خرج آدم من مكتب مستر وليد و يردد بنفسه : غبى ! , أيوه انا غبى , ضيعت

أكثر حاجة خلت لحياتي معنى .

جلس آدم على مكتب رقيه لأول مره , تذكر بسمتها , كلامها لحظتها تأكد أنه أحبها بصدق لكن ما الحل الآن , إنتهى وقت العمل بشق الأنفس لا يذكر آدم أنه نظر بواحدة من الملفات , لا يذكر سوى أنه طار إلى بيته ليجرى على والدته كالطفل الصغير يروى لها ما حدث طالبا منها أن تجد معه حلا ليعتذر إلى رقيه فقالت الأم في صوت هادئ : يعنى بتعترف إنك بتحبها ؟

- مع إن عمري ما تخيلت أن قلبي يرجع يحب تانى لكن رقيه أثبتتلى إن كل حاجة قبلها كانت مجرد تفاهات , فعلا مشوفتش الحياه غير مع رقيه يا أمى ضحكت حنان صوت مرتفع قائله : صدقتينى بقى يا رقيه ؟

لحظات من الصمت خيمت على الأجواء , لا يعرف آدم إلى من تتحدث والدته لكن من الواضح أن رقيه أصبحت خلف آدم الآن , ليحرك عيناه ليرى تلك الابتسامه التى زينت أيامه من قبل مرة أخرى , و يجد شفتها الحمراء تتحرك فى رقه كواحدة من الحور التى نزلت الأرض فأذابت قلوب العاشقين : مكنتش هصدق غير لما أسمع بودنى بصراحه

صمت آدم كان أبلغ من إبتسامات الجميع فهو إلى الآن لا يصدق أن رقيه أمامة ولا يتخيل أنها سمعت كلامه إلى والدته , و لكنه قرر كسر ذلك الحاجز قائلا : طيب أديكى عرفتى إنى بحبك , حتى الراجل ده شاهد أهو مشيرا إلى ياسين . جلس الجميع يتحدثوا فى أمور كانت بالنسبه لأدم أقل كثيرا من ترك التأمل بوجه رقيه و الإهتمام بها , حتى إنتهت الليلة و قام آدم بإيصال رقيه و أختها إلى منزلهم و عاد إلى البيت مفكراً فى عمل مفاجأة تليق برقيه .

فى صباح اليوم التالى أستيقظ كالعادة على إتصال عمار صديقه , ذلك الصديق المزعج فى حياة كل منا الذى لا نستطيع أن نكمل الطريق من دون إزعاجه فاضى يا آدم - قالها عمار بصوت لا ينم على خير أبدا -

- لا نايم يا عمار و لو عندك أخبار وحشه خليهالك يا صاحبي

- انت كنت صح يا آدم فى كل حاجة , سامحنى

إسلوب عمار جعل آدم يقفز من سريره : مالك يا عمار فيه إيه !؟

- مكانش ينفع أتقدم للبنت لمجرد إن أهلى موافقين عليها
- إنت مش قولت إنك مرتاح ليها
- البدايه دايما مريحة , لكن الحقايق بتبان بعد كده و الأفضحه بتتكشف
- لا انا لسه صاحى و مش طالبة ألغاز
- يعنى مش لوني يا آدم و لا ينفع نكمل أساسا
- ما كان من الأول , عموما نصيب يا عمار و مع إني مش فاهم بس انا هعدى عليك النهارده .
- هستناك علشان عايز أتكلم معاك بجد

مر يومان كان آدم قد أعد كل شئ , ليدق جرس منزل رقيه فتجد آدم و قد تحلى ببذله السوداء و معه باقة ورود من نوع رقية المفضل قائلا : لقينا نفسنا فاضيين قولنا نجى نشوفك !

ضحكت رقية على كلمات آدم , ليدخل آدم و ووالدته لأول مره إلى بيت رقيه , بالطبع كان البيت لا يعيش به سوى رقيه و أختها الصغيره لكنه كان بترتيبه و نظامه كبيت أسره كبيره و ربه منزل إعتادت على ترتيب مملكتها لتظهر بهذا الشكل الرائع .

قاطع الصمت صوت والده آدم قائله : بصي يا حبيبتي انا هنا بصفتي مامتك قبل ما أكون والده آدم

رد آدم سريعا : و انا بطلب إيد بنت حضرتك يا ماما

لحظات طار بها قلب رقيه إلى بعيد , هل هذا ممكن ؟ , كانت رقيه تجد القمر أقرب بكثير من تلك اللحظة التى يطلب بها آدم يدها , لكن كيف لا يحدث بعد أن كانت عين رأى آدم من خلالها الحياه بأجمل صورها , و قلب جعل آدم يشعر بسحر الحب من جديد , و أى حب ! حب لم يذقة من قبل , و قلب كان دائما و سيكون الأطهر و الأنقى .

ردت حنان : و انا موافقه يا آدم بس مش لما نشوف رأى رقيه الأول !?

- و أنا موافقة - لا تعلم رقية كيف خرجت منها الكلمة بتلك السرعة و الشكل لكن هذا ما تم و إنتهى الأمر .
دائمًا ما تصدمنا الأيام في أقرب الأشخاص لنا لكن دائمًا ما يكون هناك الأفضل في الطريق وما الصدمة إلا تمهيد لنشعر بجمال كل شئ بعدها , فما أجمل هدايا القدر عندما تكون على شكل إنسان نثق به فينسينا كل ما مضى من خيبات الأمل .

أعشق فكرة أنه أصبح يعيش بداخلي الآن و هو أبعد
ما يكون عن الحياة !

(٤)

هو أنا كل ما أشوفك الاقى إنك سرحان كده ؟ - قالتها رقيه عندما دخلت على آدم غرفته -
ضحك آدم قائلا - و الله إنتى ظالمانى كنت بفتكر يوم ما إتقدمتلك و لو كنتى سيبتينى شوية كنت هسرح فى يوم فرحنا...-
- ربنا يخليك ليا بجد يا آدم , عوضتنى عن كل حاجه صعبه مريت بها و لو الوقت يرجع هتمنى ربنا ياخذ منى أى حاجه و كل حاجه و كفاية إنت عليا كان كلام رقيه ما هو إلا قطرة فى محيط حبها لأدم , فأحيننا تفتقد شخص يفقدك العالم بأكمله , و لكن هل جربت شعور إمتلاك شخص جعلك فى غنى عن من سواه

ضم آدم رأس رقيه على صدره و أخذ يمرر يده بين خصلات شعرها قائلا : انا بقا مش عاوز الوقت يرجع علشان مش مستعد لثانية أبعد فيها عن حبيبتى .
أخذ آدم فى سرد مجريات يوم عرسهم و أخذ يصف لـ رقيه مظهرها بالفستان الأبيض , ذلك الفستان الذى جعلها أشبه بالملائكة و أضاف فوق نقائها نقاء و فوق جمالها جمال .

- فاكده أول ما أتجوزنا و ملقيتش شغل عملى إيه يا رقيه !؟

إبتسمت رقيه و ردت فى حنان :

- عملت اللى كان المفروض أى واحده عاقله تعمله يا آدم و إنت شايف الحمد لله ربنا عوضنا بكل حاجه أحسن

- ربنا يخليكى ليا , عمرى ما هنسى يوم ما بيعتى شبكتك بعد الفرح بإسبوعين علشان أبداً شغل فى المكتب الجديد , عمرى ما هنسى وقفقتك جنبى فى كل لحظة يا رقيه علشان أوصل لكل حاجة وصلتها دلوقتى .

- لا إنسي يا بشمهندس , بس إفتكر إنك بقيت أنجح مهندس فى الدنيا , و جنى
و سيف هيفضلوا فخورين بيك على طول
ضحك آدم على ذكر أولاده قائلا - ربنا يعينا على تربيتهم و تفرحى بيهم يا روكا
يارب -

فى الصباح إقتربت رقيه من وجنتى آدم لتطبع عليهم قبلتين كانتا كافيين أن
يستيقظ آدم من نومه , معلنه عن صباح بدأ برقيه و عيناها التى طالما تمنى
آدم أن يعيش ناظرا لهما و أن يكون إلى آخر لحظه ناظر لها , عينان ذاب بها
قلب آدم بعدما إعتزل العشق .
خرج آدم ليتوضأ و يبدأ يومه بالإفطار مع أولاده , إعملوا حسابكوا النهارده
هنروح لتيته حنان

فضحكت جنى و قالت فى براءه معتاده : هيبيبيبه
قاطعت رقيه فرحة جنى و حركاتها المفجأة التى تنم عن سعادة طفلتها قائله :
- طيب يا حبيبى ما تيجى نروح من بدرى و بالمره أدخلها الأكل معايا
- والله فكره كويسه , خلاص انا هكلمها و أقولها إنى هخلص شغل و نروحلها .
إتصل آدم على والدته ليجد صوت أخيه الذى مر أسابيع على سماعه : هو إنت
أتبريت منى يا بشمهندس خلاص !
- بس يا لمض , فىن أمك ؟
- إسمها أمك !

- الله يرحم يا ياسين , بلاش أفكرك
تعال ضحكات ياسين الذى قد بلغ من العمر ٢ عاما ليصبح شابا و صورة
كربونية من أخيه آدم قائلا -معاك أهى -
- سلام عليكم , إزيك يا آدم
- بخير طول ما انا سامع صوتك يا أمى , إزيك ؟
- الحمد لله يا حبيبى

- متعمليش أكل انا هاجى انا و رقيه و ناكل كلنا عندك و هى عامله أكلة إنتوا بتحبوها

- ربنا يخليك و يخليها يا آدم , انا مستنياكوا

- بإذن الله يا حبيبتى , سلام عليكم

- فى رعاية الله يا إبنى

كان آدم فى الطريق إلى عمله لا يفكر إلا فى تلك السرايب المتقاطعه , و اللحظات المبهمة التى تتجمع لنطلق عليها الحياة , تائهون نحن حتى نجد من يأخذ بيدنا إلى الطريق الصحيح , قد نظن فى بعض الأوقات إنه فى بعدهم حياتنا إنتهت و لن تكتمل لكن ما علينا إلا أن نتذكر -إن بعض الظن إثم- , فى النهاية إنها -مجرد حياة- .

وصل آدم إلى العمل , و لكنه لا يكاد يدخل مكتبه حتى يتذكر ركود العمل هذه الأيام فيعود لحالة الإكتئاب مره أخرى , لكن تلك المره يأتي عمار بدور المنقذ كما كان دائماً ليتصل بأدم لكنها كانت مكامله تحمل معنى أن يكون لك صديق منذ نعومة أظافرك حتى آخر لحظاتك

إعتدل ادم بجلسته ممسكا هاتفه بخمول غير معهود : ألو

- إنت كويس يا آدم ؟

تعجب آدم من هذا السؤال الذى جاء من صديقه كأنه يعلم ما بداخله تحديدا , إبتسم آدم قائلاً : والله كثير عليا معاليك تكلمنى إمبراح و النهارده كمان , لا و بتظمن عليا ,

- أه طبعا يا هندسه , انا بس قولت أظمن عليك علشان حلمتك حلم مش حلو
- طيب انا راضى ذمتك , عمرك حلمتلى حاجه حلوة

حك عمار ذقنه مفكراً ليقول :

- أه تصدق عندك حق

- أهو مجبتش حاجه من عندى

إستمرت المكامله دقائق و كأنها المكامله الأخيره الذى يود كل منهما سماع صوت الآخر بها , حتى إنتهى وقت العمل بشق الأنفس و عاد آدم إلى المنزل ليأخذ

رقيه و أبنائه ذاهبا إلى والدته .

بدأ آدم طريقه الذي لم يكن يبعد عن بيت والدته سوى بضعة دقائق بالسياره , و لكن كالعادة كان هناك ما يشغله أكثر من الطريق , نعم عينا رقيه,التي ستأخذها إلى دروب تمنى أن يعيش بها حتى يحين أجله و أى أجل هذا الذى سيكون أمام أعين رقيه .

أفكار مزدحمة تصارعت بعقل آدم حتى أوقف السيارة معلنا عن الوصول إلى منزل والدته و قال مداعباً أبنائه : يلا خدوا ماما وصلوها لبيت تيتا و انا هركن العربيه و جاى .

كان العناق طويلا للغاية بين رقيه و والده آدم , عناق وضعت به أم آدم كل معانى حنان و دفاء الأم , عناق تلاه الحديث الطويل , نعم إنها العائله , لا يعلم معناها إلا من حرم منها , على الرغم من أن جميع الحاضرين كان ينقصهم الكثير ممن فقدوهم فى دوامة الحياه لكن يكفى أن إحسان الراحه و السعاده كان يغطى أجواء المنزل .

أشار ادم لأخيه ياسين من بعيد ليدخل إلى الشرفه , عامل إليه فى دراستك يا باشا ياسين : لا فل الحمد لله , لا تقولى هندسة و لا طب , مفيش أحلى من روقان تجارة يا عم

- مع انى كان نفسى تشتغل معايا بس سهله

- إيه يا عم , انا همسك حسابات مكتبك كله إنت نسيت

- أه صح و هنمشى شيماء

قال ياسين متلاعباً

- لأ إلا شيماء , سيبها تعلمنى الشغل بقى

ضحك الأخوين و كل منهما يفهم الآخر جيدا , مد آدم يديه داخل جيبه ليخرج مبلغ ليس بالقليل ليعطيه لأخيه : خلى دول معاك عشان لو أمك أحتاجت حاجه يا ياسين و عشان دراستك

- بس دول كتير أوى

- لا يا حبيبي , خير ربنا ثم خير ماما

شارف اليوم على نهايته , فلمح آدم أن الوقت قد حان للعودة للبيت لكن والدته أصرت أن يبقى معها جنى و سيف لأنها لم و لن تمل منهم بعد إلحاح طويل وافق آدم و رقيه و هما بالنزول بعد أو ودعا الجميع , كانت رقيه دائما تشعر أن آدم أسرتها الأولى و الأخيره فلا يوجد في الدنيا من يفهمها ولا يحنو عليها مثله , فهو الزوج الذي تحلم به أى إمراه .

نظرات طالت بينهما كأنها وداع أحدهم للأخر , نظرات إنقبض على إثرها قلبيهما , أفكار و ذكريات الليالى السابقه لا تترك رأس آدم الذى كاد ينفجر , حاول آدم أن يميل رأس رقيه على كتفه لكنه القدر الذى إنتظرهما دون فرار , القدر الذى لن نهرب منهم أينما كنا , القدر الذى لا يقوى على رده أى إنسان مهما بلغت سلطته أو نفوذه ..

تصادمت سيارة آدم مع إحدى سيارات النقل على الطريق ليتم نقل آدم و رقيه لأقرب مشفى محاوله لإنقاذ حالاتهم التى يبدو ان العلاج الوحيد هو الدعاء لهم .

لحظات و كان الجميع فى المشفى , منتظرين الأمل الوحيد و هو خروج من يطمئنهم , من يخبرهم بأن آدم و رقيه على ما يرام أو حتى أنهم على قيد الحياه خرجت أحد الممرضات من غرفتهم و لحقها الطبيب ليسأله الجميع عن حالة الزوجين : أستاذ آدم بخير إلى حدا ما , لكن للأسف فيه تمزق فى صمامات القلب عند المدام و لازم فى أسرع وقت عملية زرق قلب .

كلمات سقطت والده آدم مغشى عليها إثرها , لحظات تغميم على المكان , هناك مفقود لا محالة , و لكن بين تمزق القلوب و صرخات العقول إستفاق آدم و كل ما يفعله هو البحث عن رقيه , كالمجنون الذى فقد عقله , حتى حاول الطبيب تهدئه الأمر قائلا : هنلاقى متبرع بالقلب يا أستاذ آدم إطمئن

ولكن أى كلمه قد تهدىء إنسان لا يجد روحه , و أى قلب سيجدونه فالأمر ليس بتلك البساطه , بل يحتاج إلى معجزه , أى كلمه قد تهون عليك موت

أقربهم إليك و أغلاهم في حياتك ، مازالت هناك فرحه لم تعيشها رقيه بعد ،
رقيه تستحق أكثر من ذلك ،
- هاتولى ورقه و قلم بسرعه
لم يفهم الجميع طلب آدم في ذلك الوقت ، دماء تنزف من وجهه و جروح هنا
و هناك و ملاك الموت يحلق في الأجواء و كل ما يطلبه ورقه و قلم
دخل ادم غرفة العمليات إلى جانب زوجته ممسكا بيدها صارخا : مش هسيبك
تبعدى عنى يا رقيه .
ساعات تمر ، قلوب تخفق ، دعوات تعلقو ، دماء تتناثر ولا أحد يعلم ماذا يحدث
الآن .

مرت سنوات على الحادث و لكن كل شئ يمر في ذهن رقيه كأنه حدث بالأمس
، إشتاقت لأدم حد الموت ، تتمنى أن تلمسه لمرة واحده ، تتمنى نظره إلى عينه
لكن لا جدوى من الأمر ، لتمسك بتلك الورقه التي رافقت أيامها المملطخه بدماء
أدم و تقرأ ذلك النص الذى صارت تحفظه عن ظهر قلب من كثره ما قرأته
مرارا :

-رقيه ...

مش عارف أقولك إيه غير إنك هتوحشيني ، لكن صدقيني الموت أهون من
يوم أعيش فيه من غيرك ، متخيله انا فعلا هموت عشانك زى ما كنت بوعدك
و بتمنى لكن هفضل عايش جواكى طول ما قلبى بينبض جواكى ، أه عمري ما
حسيت إني عايش ولا قلبى بيدق غير لما عرفتك .

كان لازم تعيشى لحد ما تشوفى جنى و سيف فى بيوتهم ، كان لازم نعيش فى
جسم واحد انا و إنتى ، و يوم ما أوحشك حطى إيدك على قلبك هتعرفى انا
عاوز أقولك إيه ، مع إنك عارفه إني مش شاطر فى الكلام بس قلبى بقى عندك
خلاص إسألينه ،

طول عمرنا كنا شخص واحد لكن بروحين و قلبين ، دلوقتى بقينا واحد بمعنى

الكلمة و لإن إنتى أعلى حابه فى دنيتى مش هلاقى أحلى ولا أعلى من قلبى
يكون ليكى يا أطيّب و أرق أم و زوجه
أستودعتك الله , بحبك -

دمعاتها كانت الرد الوحيد على كلمات آدم فى تلك الورقه , حب تعدى حد
الكلام ليصل إلى الفعل , فلو كان القلب نبض الحياه فلقد تركه لها آدم ليموتا
معا كما وعدّها .

إن كان الحب قرارك يوماً , فكن على إستعداد بأن تضحى بأى شئ من أجله ,
كن على إستعداد أن تصل الى اللانهاية

تمت

للتواصل مع الكاتب :

<https://www.facebook.com/omar,ashour07>



فصلة

للنشر و التوزيع

Fasla Publishing & Distribution

تواصل معنا :

01067000701

E-mail :- Fasla .Pub@Gmail .com

Facebook .Com/Fasla .Pub
